



BDF

500.-  
rxy  
8813K

Auten

R.P. Hartzheim. 37

Barber IV 1180

Ex libris J. C. g. Schmitz

Pastoris ad S. Laurentium

Colonia. mpp. 1753.

XIV 117.2





CATALOGUS  
HISTORICUS CRITICUS  
CODICUM MSS.  
BIBLIOTHECÆ  
ECCLESIAE METROPOLITANÆ  
COLONIENSIS.



---

COLONIÆ AGRIPPINENSIIUM  
Anno MDCCLII.

Apud JOANNEM WILHELMUM HUISCH.  
*Cum Facultate Superiorum.*



Digitized by the Internet Archive  
in 2017 with funding from  
Getty Research Institute

<https://archive.org/details/catalogushistori00erzb>



REVERENDISSIMIS,  
SERENISSIMIS, ILLUSTRISSIMIS  
& PERILLUSTRIBUS,  
GRATIOSISSIMIS & GRATIOSIS DOMINIS,  
DOMINIS  
DECANO <sup>coëterisque</sup> PRÆLATIS  
& CANONICIS CAPITULARIBUS  
METROPOLITANÆ ELECTORALIS  
ECCLESIAE COLONIENSIS

JOSEPHUS HARTZHEIM è S. J.  
*FELICITATEM.*



Uod Sapientissimo Consilio, Co-  
dices Mfs. Bibliothecæ Vestrae mille-  
nario



## P R Æ F A T I O.

nario majoris, communicare Europæ, eruditæ statueritis, præclarè de Republica Literaria, sed præclarissimè de Catholica Ecclesia meriti estis *Rmi Serenissimi Illustrissimi, Perillustres Domini!* Imitati nempe fuistis exempla maximarum & vetustissimarum Germaniæ, Belgii, Italiæ Ecclesiarum Cathedralium & Metropoliticarum, quæ Thesauros Literarios, Antecessorum illaudatâ formidine sepultos, hoc Sæculo demum vulgarent, bonis omnibus, Catholicis imprimis plaudentibus ad hæc nova arma, causæ optimæ & semper victrici commodata.

§. I.

*Quinam hanc Bibliothecam ante nos inspexerint, laudarint?*

Atque utinam bonus genius uno alterove ante Sæculo hanc mentem afflâset? nam Anno MDCXLVI. (quo Librum de *Magnit. Coloniæ* edebat Illinus Ægidius GELNIUS) integram penè Beati HILDEBALDI Bibliothecam adhuc superesse testis oculatus scribebat *paginâ* 231, fragmentum hujus celeberrimæ ab hoc Archiepiscopo, Caroli Magni Archicapellano, Operâ WENLONIS Laudunensis Episcopi instructæ descripserat idem Gelnius



## P R Æ F A T I O.

nus *pretiosæ Hierothecæ* pag. 42. 49. ex codice pervertuto nostræ Bibliothecæ, qui nunc desideratur. Annotabatur in eo, Libros hósce Anno Dni DCCCXXXIII. ad Opus Domini HILDEBALDI descriptos fuisse ex illis, quos Româ Apostolicus Dominus LEO misit CAROLO Imperatori. Errorem in numero anni admissum à Librario animadvertit solertissimus Gelenius, & substituit Annum DCCLXXXIII, quo Hildebaldus Cathedram Agrippinensem conscendit, ex qua ad Superos abiit circa DCCCXVI. annis XVII. ante, quàm Librarius adnotaverat. Sed hæc ipsa emendatio vitium habet. Nam LEO III. PP. Cathedram Petri ante annum CHRISTI septingentesimum nonagesimum quintum non attigit : unde Anno DCCLXXXIII. Libros Carolo non misit. Superest, ut Librarii errorem sanemus, substituto anno DCCCIII. aut proximo, quo hic Pontifex Carolum & Aquasgrani visit. Si verò ab Papa HADRIANO Antecessore hos codices dono accepit CAROLUS, admitti potest annus ab Gelenio emendatus.

Inspiciamus nunc Catalogum Hildebaldinæ Bibliothecæ ex GELENIO, cujus Libri rariores indies fiunt.

## P R Æ F A T I O.

- „ Evangelium cum argento scriptum, auro & lapidibus
- „ ornatum, habet *Ermaldus* ad suum ministerium.
- „ Alium similiter planè scriptum & auro & lapidibus or-
- „ natum.
- „ Sacramentorum Gregorii cum auro scriptum. Le-
- „ ctionarium 1.
- „ Librum S. Augustini, in quo jacebant petulæ aureæ.
- „ De Libris Samuelis.
- „ Psalterium 1. Antiphonarium 1. Homiliam 1.
- „ De Libris *Gangolphi*, Librum Comiti 1.
- „ Sacramentorum Volumen 1.
- „ Dominus Episcopus in sua Capella, Evangelium 1. Le-
- „ ctionarium 1. Parabolas Salomonis.
- „ *Hilduin* Abba Lectionarium 1.
- „ Item *Ermaldus* Evangelium 1. Lectionarium 1.
- „ Dedit Episcopus Sorori suæ Librum Sacramentorum
- „ cum Lectionario. Antiphonarium 1.
- „ Filio Sororis suæ Psalterium 1.
- „ Habet *Engilolphus* Comes Lectionarium 1.
- „ Omilias Gregorii VII. habet ipse Sacramentorum cum
- „ Lectionario 1. qui fuit *Emundi*.

„ *Vos*



## P R Æ F A T I O.

- „ *Voso* Lectionarium unum.
- „ *Baldericus* Episcopus Missale cum Lectionario. Vo-  
„ lumen 1.
- „ *Hildiswint* Parabolam Salomonis.
- „ *Baldrih* librum Prosperi de Activa & Contemplativa.
- „ *Osman*. Missale cum Lectionario & Vita Patrum.
- „ *Snebrat* Lectionarium cum Evangelio.
- „ *Ratlei* Librum Pompeji.
- „ *Waldolff* Apologeticum Gregorii Nazianzeni.
- „ *Thitmar* Expositionem Gregorii in Job primam  
„ partem.
- „ *Helmbald* Frater Episcopi Lectionarium 1. Antepho-  
„ narium 1.
- „ *Folcari* Missalem cum Lectionario 1.
- „ *Rodolff* Missalem 1.
- „ *Engilhelm* Regum.
- „ Uxor *Werinbaldi* Lectionarium.
- „ *Gundolff* Homil.
- „ *Hartger* Sacramentorum.

Hæc Pars est Bibliothecæ Hildebaldinæ exeunte Sæ-

## PRÆFATIO.

culo VIII, nono ineunte dotata: at hujus partis, quæ portiuncula superfit, Catalogus ostendet. Nihilominus illustria venerandæ antiquitatis monumenta Deus nobis servavit, & longè majoris momenti ac ponderis, quàm Illmus Gelenius credebat pag. 241. *de Colon. Agripp. Magnitudine.*

Sanio rem de hac Bibliotheca Ideam habebat Rmus Melchior HITTORPIUS, Decanus Cunibertini Collegii, quam testatur in *Præfatione* eruditissima Libri *de Divinis Officiis* Anno 1568. Coloniae vulgati, & SALENTINO A.C. inscripti „ Quasdam ROMANI ORDINIS „ partes, ISIDORI, AMALARII, atque RHABANI „ MAURI Exemplaria, quibus in his edendis præter „ cætera usi sumus, illa TUÆ Ecclesiæ Bibliotheca, „ quæ ab HILDEBALDO, ut apparet, cœpta, ab HERI- „ BERTO & EVERGERO aliisque Sanctissimis Episco- „ pis (quorum, & Hildebaldi nomen adhuc maximè „ multi libri præferunt) aucta nobis suppeditavit. Et si „ omnes eos haberet libros, quos sub Anno Domini „ DCCCXXXIII. in ea fuisse Index quidam antiquus pro- „ dit,



## P R Æ F A T I O.

„ dit, utilissimos multos hâc ætate Authores suppeditare posset. „ Vidit ergo HITTORPIUS anno 1568. eundem Catalogum, quem GELENIUS anno 1646. descripsit, at Ego neque hunc, neque fragmentum Catalogi vetustissimi nostrorum Antistitum ab Clarissimo ECKARTO anno 1724. (quo anno in Collegio nostræ Societatis Coloniensi Catholicam fidem professus est) descripti, & in *Historia Franciæ Orientalis* Tom. II. pag. 917. 918. vulgati, hætenus reperire potui.

Quanto subsidio fuerit hæc Bibliotheca Vestra edendis SS. PP., Liturgiam veterem Latinam tractantibus, locuples Testis & Encomiastes est JACOBUS PAMELIUS Canonicus Brugenſis, edito Colonia anno MDLXXI. *Liturgico Ecclesiæ Latinæ*, sed Brugis scripto, è cujus Præfatione hæc delibo:

„ Divi HIERONYMI Comitem seu Lectionarium...  
„ ..... Deinde ad veteres Codices aliquot Colonienses  
„ per D. HITTORPIUM collectione factâ restituimus:  
„ allegatis interim duntaxat singularum Lectionum ini-  
„ tiis, eo quod omnibus sint obviæ. Inter quos vene-  
ran-

## P R Æ F A T I O.

„ randæ antiquitatis unus è Bibliotheca Metropolitana  
„ D. PETRI Colonienſis mutuatus fuit, quem ab  
„ anno DCCCXXXIII. in ea adſervatum fuiſſe teſtatur, tum  
„ confectus Index illius Bibliothecæ, quàm non longè  
„ ante ſub CAROLO M. HILDEBALDUM Arch. inſtaur-  
„ raſſe, & libris plurimis inſtruxiſſe idem Index indi-  
„ cium facit. Ubi ſi adhuc extaret eodem Catalogo re-  
„ cenſitus GELASIANUS ille de Miſſarum Solenniis  
„ Codex, unà nunc prodiret. Qui, quandoquidem in-  
„ tercidere ejus loco Sacramentorum D. GREGORII  
„ librum ſubſtituimus: quippe quem, teſte Joanne Le-  
„ vitâ, multa ſubtrahens, pauca convertens, nonnulla  
„ adjiciens ex Gelatii Scripto in unum Volumen co-  
„ arctaverit.

„ Eum unà cum duobus adjunctis Sacramentorum  
„ libris ex eadem Hildebaldi Episcopi Bibliotheca *Dnus*  
„ *Geruinus Calenius Typographus* noſter commodato  
„ receptum ad me miſit, elegantiffimis characteribus  
„ ante annos plus minus ſeptingentos exaratum.

„ .....Extant denique Coloniae adhuc plures Mſs.  
horum



## P R Æ F A T I O.

„ horum Librorum ( à se Pamelio editorum ) exempla-  
„ ria apud D. Hittorpium , è quibus descriptæ per ipsum  
„ castigationes prorsùs cum vetustissimo illo Hildebaldi  
„ Codice conveniebant , sicut & alter ille Colonienfis  
„ Ms, qui mihi unà cum illo transmissus fuerat.

Superfunt etiamnum illa ab Pamelio laudata Volumi-  
na, Classe IV. Catalogi nostri recensita, quibus Sacrificii  
nostri Catholici non substantiam duntaxat, sed Oratio-  
nes & Ritus ( puta *Introitum, Collectas, Epistolas, Le-  
ctiones, Evangelia, Gradualia, Offertoria, Secreta, Præfationes, Canonem, Postcommuniones*, uti nunc vul-  
gatâ phrasi Ecclesiasticâ loquimur ) à quarto, quinto,  
sexto Sæculis, ad hæc nostrum decimum octavum in  
Ecclesia Dei fuisse adhibita, invictis Documentis de-  
monstratur.

§. 2.

*Fructus in Ecclesiam & Rempublicam Lite-  
raram ex hac editione sperandi.*

Quæ porrò & quanta commoda Orbi Literato & Ca-  
tholico ex aperta hac Bibliotheca obventura sint, indico

† †

potius

## P R Æ F A T I O.

potius quàm exponam, cùm VOS ipsi pro Sapientia Vestra uberrimos fructus facilè prospiciatis. Ex prima Classe Biblicorum Codicum apparet latinæ versionis tum ejus, quæ Hieronymo & Sæculo quarto superior est, veneranda Antiquitas, tum ejus, quæ ex Hieronymiana castigatione & crisi, sublati Librariorum mendis paulatim & in plurimis Codicibus V. & N. Testamenti invaluit, usus & authentia, Tridentinis PP. jure merito, & tredecim Sæculorum ætate per omnes Occidentis Ecclesias corroborata.

Qui verò in Ecclesia Christi ab quinto ad decimum quintum Sæculum, aut purum Dei Verbum creditum, aut prædicatum fuisse inficiantur, geminæ blasphemiae in CHRISTUM DEUM rei sunt: cujus Ecclesiam contra, nec inferorum portas prævalituras, cujus *Verbum* mansurum in æternum, cujus Spiritu docendam Ecclesiam omnem veritatem DEUS IPSUS disertissimè prædixit.

Ex secunda Classe Patritiorum Codicum, TRADITIO Catholicæ Ecclesiæ confirmatur. Ea deest omnibus Hæreticis: adest solis Catholicis: qui ideo Catholici sunt, quia



## P R Æ F A T I O.

quia credunt id Verbum Divinum, & eo sensu, quod & quo sensu OMNES, UBIQUE, SEMPER Christiani à primo Sæculo Æræ Christianæ ad hoc XVIII, crediderunt, intellexerunt, prædicârunt.

Quot Codices habet hæc secunda Classis, tot TESTES habemus traditi de manu in manum, de Apostolis in Discipulos Apostolorum, de Patribus in Filios Verbi Dei, ejusdémque genuinæ significationis & sensûs à Spiritu Sancto intenti.

Tertia Classis *Juris Ecclesiastici* cum Ecclesia, uti conspicuâ humanâ Societate nati & adulti, & per Concilia (veluti Comitia populi Dei) sanciti, promulgati, & quidem primo millenario florentissimi, Documenta memoranda habet, cujusmodi pauca in Bibliothecis vetustissimis Europæ extant.

Nempe habetis VIRI REVERENDISSIMI, SERENISSIMI, ILLUSTRISSIMI & PERILLUSTRES! Codices Sæculo nono & Isidoro Mercatore anteriores, quod Notæ adjectæ ex Criticorum Principibus *Baronio, Pagiis, Antonio Augusto, De Marca, Papebrochio, Schelestratio* demonstrabunt.

## P R Æ F A T I O.

strabunt. Ex iisdem Codicibus denuò statuminatur Doctrina Catholica, identidem instaurata, publicata, & contra Hæreticos fixa Canonibus Conciliorum & PP. Tria enim solent in Coetibus Ecclesiasticorum Antistitum agitari: *Doctrina*, *Hierarchia*, *Disciplina*. Errores contra Doctrinam iterum iterumque repullulantes, & à Satana in Agrum Dominicum jacti, identidem evellendi sunt. Ordo Ecclesiasticus inter personas & pax munienda, tribuendo cuique suo jure, Pastoribus, Ovibus, Clero, Populo, Ecclesiis, & Ecclesiarum bonis. Demum morum Cleri & populi, & rituum ac cærimoniarum reformatio, dum homines erunt, necessaria est. De his igitur Canones saluberrimos, antiquissimis ab Orientis & Occidentis Episcopis latos, qui legere volet, fontes hos puros ac ditissimos consulat.

De Jure Sacrae Metropoleos nostræ, ejusque Canonibus plura sperabam ex hoc veluti nativo & primigenio fundo eruenda Conciliorum exempla. Tria supersunt, sed quæ non ascendunt ultra Sæculum XIII. quare ea La-

cuna



## P R Æ F A T I O.

cuna anteriorum Sæculorum, aliunde nobis supplenda erit.

*Classis quarta* validissimas probationes sufficit pro Sacrificii Divini Novæ Legis, Sacramentorum & Rituum Ecclesiæ Catholicæ in Officio Divino, omnigenarumque cærimoniarum perpetuo & vetustissimo usu.

Hoc subsidium & ineluctabile Protestantibus Argumentum jam odorati erant Viri Clarissimi PAMELIUS, CALENIUS, HITTORPIUS, qui Sæculo XVI. ex hac Bibliotheca Liturgiam Catholicam, Sacramenta: Baptismi, Ordinis, Pœnitentiæ, Confirmationis, Eucharistiæ, Extremæ Unctionis, & Matrimonii, Ritúsque in iis inde à quarto Sæculo adhiberi solitos demonstrarunt, vulgatis HIERONYMI, GREGORII, ALCUINI, RHABANI, WALAFRIDI, RUPERTI &c. *Sacramentariis, Lectionariis, Antiphonariis*, tum posteriorum Autorum Sæculi IX. X. XI. XII. libris scriptis de *Officiis & Sacrificio Ecclesiæ*, quanto Catholicorum solatio, quantâ suffusione novaturientium adversariorum, vix dixero. Nos crisin severam impendemus Codicibus

## P R Æ F A T I O.

optimis, Notationibus subjectis : ut, quanta sit singulorum fides & autoritas, Lectori constet.

*Classis quinta* Historicos, paucos sanè nec admodum memorabiles numerat, quò spectant Chronologi, & qui Computus Ecclesiasticos, & Cyclos Dionysianos investigando Paschatifcripserunt : demum & Calendaria valdè antiqua, unde & antiquitas cultûs Sanctis Dei Servis in Ecclesia Dei impensi, etiam ante solemnes formulas Pontificiæ Canonizationis eruitur & probatur.

*Classis sexta* Ascetica & moratos Sermones ac Homilias variorum ostendit; plerásque anonymas seu acephalas, id est, quarum Autor ignoratur vel dubius est.

Duæ reliquæ Classēs, utilia quidem sed minoris momenti Volumina, at multa bene annosa complectuntur.

§. 3.

### *Dotatores Bibliothecæ.*

HILDEBALDUS, EVERGERUS, HEREBERTUS, ANNO Archiep. Colon. dein Abbates, Priores, id est, Prælati & Canonici hujus Ecclesiæ, hanc Bibliothecam dotârunt, tum in Cleri  
Me-



## P R Æ F A T I O.

Metropolitici Gratiam, tum etiam pro Domicellis seu Junioribus Canonicis, qui in Schola Cathedralis Ecclesiæ sub *Scholastici* virga & cura educabantur, ut pueri profanis primùm, post Adolescentes Sacrâ Doctrinâ formarentur, digna tantæ Ecclesiæ Membra. Extant adhuc in quibusdam Libris vestigia mutuati Codicis huic illi ve Canonico, Domicello, Scholarive Ecclesiæ Majoris.

§. 4.

### *Finis Bibliothecarum apud Cathedrales Ecclesias extantium.*

Ob eundem finem, suæ apud singulas Collegiatas Colonienfes, aliàsque Germaniæ Collegiatas, præsertim Cathedrales Ecclesias erant *Scholæ* & *Bibliothecæ*, uti & *Scholastici* seu Scholarchæ, quorum zelo & vigilantia Clerici juniores *Scholares* erudiebantur, (ante Universitas Studiorum quàm Colonia à Pontifice & Augusto Cæsare conderetur Anno 1388.)

Testis *Cæsarius Heisterbacensis* in Andreatici Collegii Scholâ educatus; *S. Hermannus Joseph* in Capitolinæ aut Marianæ ad Gradus Collegiætæ Basilicæ Scholâ  
for-

## P R Æ F A T I O.

formatus. BRUNO I. noster Archiep. BALDERICUM Episcopum Trajectensem Præceptorem habuit, subin ISRAËLEM Scotum Episcopum. S. HERBERTI Archiepiscopi nostri Institores fuere GERBERTUS & BRUNO, qui postea Romani Pontifices extitere Sylvester II. & Gregorius V. nuncupati. S. ANNO in Schola Cathedralis Ecclesiæ Bambergensis Discipulus primùm, postea Doctor fuit, ad nostram Metropolitancam Cathedram evectus.

S. ENGELBERTUS I. puerulus studuit in Scholis, & nonnisi de Scholis *emancipatus* in Præpositum Ecclesiæ Majoris Colonienfis electus fuit, teste *Cæsario* coævo Scriptore *in vita*. c. II. quæ emancipationis cæremonia etiamnum anno 1633. teste *Ægidio Gelenio* perstans, in eo sita erat, ut Domicelli Illustres, qui post indultam Præbendæ Canonialis Possessionem eodem tempore & actu præsentati fuerant Scholis, & Scholastico, post exploratam eorundem capacitatem ad Sacra Ministeria, admittebantur ad Residentiam: quod erat *emancipari*. Capacitas verò complectebatur & scientiam clericali statui necessariam, & staturam corporis Ministerio Altaris aptam; alterutro deficiente suspendebatur emancipatio



## P R Æ F A T I O.

patio : utroque concurrente ad Residentiam Domicellaris admittebatur.

Scholasticus Majoris Ecclesiæ inter Prælatos semper numeratus fuit, & antonomastico titulo MAGISTRI honorabatur, quod ex Vita & Libris OLIVERII Scholastici Ecclesiæ Colonienfis, dein Paderbornensis Episcopi & S.R.E. Cardinalis constat: videatur *Ægid. Gelen.* in Vita S. Engelberti p.47. & *Bibliotheca Colonienfis*, necnon ex Vitâ Magistri Rudolphi Scholastici Colonienfis à CÆSARIO HEISTERBACENSI diversis Capitulis celebratâ. L. I. c. 38. Lib. 4. cap. 26. & Lib. 9. cap. 20. hic sub finem Sæculi XII. iste verò sub initium Sæculi XIII. floruit.

Hæc pauca de multis, unde origo & causa Bibliothecæ Cathedralibus Ecclesiis junctæ appareat, demum ejusdem usus pro Clero instituendo, eo tempore, quo librorum raritas magna & pretium enorme erat. Nempe ante inventam à Germanis Typographiam, sive ante Annum Christi MCCCCLIX.

## PRÆFATIO.

§. 5.

### *De variis Scholis apud Ecclesias Cathedrales.*

Erant etiam apud Ecclesias præsertim Cathedrales, præter Scholas Grammaticæ Latinæ, Arithmeticæ, Philosophiæ *Schola Cantorum*, *Schola Lectorum*, qui latinæ linguæ notitiam, intelligendæ Scripturæ Divinæ (hæc nonnisi latina in his partibus legebatur) & SS. Patrum Libris explicandis necessariam præbebant.

Post verò quàm Grammaticam latinam, scribendi, psallendi, & computandi artem didicissent, ad Philosophicas & Theologicas Disciplinas Juniores Clerici mandeducebantur : quæ omnia in *Capitularibus Regum Francorum* à Cl. BALUZIO editis legere est. Tomo II. Capitular. pagg. 1373. 1134. 743. 712.

His artibus discendis & docendis serviebant Libri septimâ & octavâ Classe notati.

*Oro Deum O. M. Fontem omnis Sapientiæ & Veritatis, ut hujus Bibliothecæ evulgatio ad Nominis sui Gloriam, & Catholicæ Doctrinæ, Hierarchiæ, ac Disciplinæ incrementum conducat.*

FINIS PRÆFATIONIS.

CLASSIS PRIMA.





# CLASSIS PRIMA.

## SS. BIBLIA.

### NOTÆ

NOTA I. *De Mensura, quâ Codicum altitudinem & latitudinem dimensi fuimus.*



Mensura, quâ in demetiendis Codicibus usi sumus, est Pes *Coloniensis* in duodecim Uncias divisus: cujusmodi Unciæ duodenæ æquiparantur undecim Unciis pedis Rhinlandici & Romani antiqui. Geometræ nostri hanc proportionem uti accuratorem laudant, si pes Rhinlandicus dividatur in partes mille, pes *Coloniensis* harum partium continebit 916, & duas tertias; pes *Parisiensis* Regius continebit 1050. ejusdem partes.

Pes *Drusianus* apud Tungros in Germania Inferiore Sæculo primo usitatus excedebat Romanum pedem sesqui Unciâ, constabat enim XIII. Unciis Romanis & dimidiâ. Cl. GOTHOFREDUS, in Tomo II. Codicis Theodosiani Lib. VII. Titulo XIII. Lege III. de Statura Tironum. Rmus GELENIUS *pretiosa Hierotheca* pag. 12mâ.



**CODEX I.** altus 18. latus 15. Uncias. Continet Biblia integra Latina vulgata usque ad versum Libri Apocalypseos : *Qui sanctus est sanctificetur adhuc.* cum Præfationibus S. Hieronymi ante singulos Libros. Codex est Sæculi noni caractere minuto scriptus, sed literæ Titulorum & Præfationum initia uncialia, & sesquiuncialia sunt, & auro illita rubris lineis alternis; aurum tamen in multis literis evanescit. Prima librorum capita vel capitum initia quadratis literis exarantur, distinctio librorum fit aut per Capitula in initio librorum recensita, aut per versus numeratos in fine libri. In prima pagina hæc leguntur =

Liber S. Petri à Pio Hirimanno datus.

**NOTA II.** *De Ordine & numero Librorum Biblicorum.*

Ordo Librorum Sacrorum in hoc Codice paululum diversus est ab eo, quem Tridentinum recitat. Libri Tobiae & Judith collocantur post Propheticos omnes. Salomonis Libri hoc ordine: Proverbia, Ecclesiastes, Cantica [ in quibus vox SPONSI, SYNAGOGÆ, ECCLESIAE, APOSTOLI alternis intervallis notantur ] Sapientia, Ecclesiasticus. Post Psalterium sequitur Psalmus CLI. Apocryphus, *quem Hebraeus ignorat*, ut Libri Scriptor rectè adnotavit.

Epistolæ ad Colossenses subjicitur Epistola ad Laodicenses apocrypha. Ante Evangelia præmittuntur concordantiæ quater-



ternis, ternis, binis, intercolumniis comprehensæ & numeris Sectionum distinctæ. Quantum horum Bibliorum particio à præfenti usitata differat, hinc collige. Genesis dividitur in LXXXII; Exodus in XXXIII, Leviticus in LXXXVIII capitula. Ecclesiastes in XXXI. capitula, in versus CCLXXX. &c.

### NOTA III. *Cur versio Latina vulgata dicatur?*

Postquam Latina antiquissima Bibliorum V.T. versio, ex Græca Septuagintavirali interpretatione facta, librorum vitiis deturpata esset; S. Hieronymus jussu Damasi PP. inter annos Christi CCCLXXXII. & CCCC.V. novam versionem ex Hebræo fonte & LXX. instituit: Hanc versionem Hieronymianam, Ecclesia paulatim adoptavit, ex eaque nunc habemus libros V.T. præter *Psalterium, Tobiam, Judith, Sapientiam, Ecclesiasticum, Baruch*, cum *Epistolâ Jeremiæ*, & appendiculas *Estheris*, quorum librorum translationes latinas ex antiquissimo interprete retinuit Occidentalis Ecclesia... Vide BONFRERII *Proloquia in totam Scripturam C. XV. MILLIUM in Prolegomenis N.T. Græci n. 852. & seqq. NOBILIUM. MORINUM.* Novi autem Testamenti versio vulgata nostra latina, quantum distet ab vetere Italica, fas nunc est orbi literario intueri, quando Cl. BLANCHINUS Veronensis Congreg. Orat. Presbyter, Romæ, antebiennum edidit *Evangeliarium* quadruplex latinæ versionis antiquæ, seu veteris Italicæ: quam eruditus Orbis, dudum frustra flagitaverat.

## NOTA IV.

HERIMANNUS cognomento PIUS sedit in Cathedra Colon. ab anno DCCCXC. ad diem III. Aprilis anni DCCCCXXV. quo obiit. Est igitur Codex Sæculi noni, si non antiquior, quod & capitales Unciales quadratæ ac deauratæ literæ indicant.

CODEX 2. altus 15. latus 10. Uncias. Continet S. Biblia integra Sæculi XIII. Donum Mauriti Comitis de SPIEGELBERG Canonici Metropolitici, & Præpositi Embricensis.

NOTA V. *De Gente Spiegelbergica.*

Secundus hic Codex Illustris Viri Comitis de Spiegelberg donum est. Comitatus Spiegelbergenfis Feudum est Ducum Brunsvicensium. Philippus, ultimus hujus nominis Comes & Pymontanus, cæsus fuit anno 1557. in prælio ad Quintini fanum, cujus Soror Ursula nupsit Hermannò Simoni Comiti Lippiensi, Sternbergæ, Svvalenburgæ, & Stoppelbergii Domino. Ex hoc Thalamo Liberis duobus natis, Simone & Philippo improlibus defunctis, Spiegelberga, & Pymontum ad Consobrinos Comites Gleichenses ex gratia Ducum Brunsvicensium transierunt. IMHOFF *Notitia Procerum Imperii L. IX. C. III. n. 6.* HAMELMANNUS *de Familiis emortuis Lib. III.*

CODEX 3. alt. 12½. lat. 7. Libri tredecim Expositionum in Genesin, & Exodum, mutilus in principio.

Post



Post primum librum lego: *Explicit Liber primus de Initio Mundi, & omnium rerum. Incipit Liber secundus de Arca, quæ à Noe ante Diluvium constructa est* ----- Liber decimustertius, de his, quæ offeruntur ad Tabernaculum. Liber Sæculi 13tii.

### NOTA VI. *De Glossatoribus Latinis Bibliorum.*

Glossatores Bibliorum, varii medio Ævo Christiano extitere, quorum paucissimi linguæ hebrææ, & græcæ notitiam habuisse videntur. NICOLAUS DE LYRA, qui unus de multis *Glossæ ordinariæ* latinæ Autor dicitur, gente Normannus, ortu Hebræus, in Divi Francisci familiam cooptatus, utique maternæ linguæ non ignarus fuit. Idem jam Christianus & in Parisina Schola Catholica eruditus scripsit initio Sæculi XIV. perpetuas *Postillas & Commentarios*, in universa Biblia, quibus sensus literalis & moralis continetur. Obiit 23. Octob. 1340.

Hæ Postillæ, quas nunc *Glossam ordinariam* vocamus, Colonia primùm editæ fuere anno 1478. Typo Joannis Koelhoff. HUGO à SANCTO CHARO, ex Familia Prædicatorum Cardinalis primus, alter Autor est *Glossæ ordinariæ*. Obiit apud Urbem veterem 1262. 14. Kal. April. scripsit nempe Postillas, seu breves Glossas omnium Librorum V. & N. Testamenti juxta quadruplicem sensum, recusus Colonia 1621. folio. VIII. Tomis apud Gymnicum. LABBE de Script. Eccles. QUETIF & ECHARD. Tomo I. Bibliotheca Prædicatorum ad annum Christi 1262.

GLOSSÆ INTERLINEARIS Autor ANSELMUS LAUDUNENSIS, qui ad initium Sæculi duodecimi pervenit, dicitur.

Eundem quidam volunt Autorem Glossæ *marginalis*, alii eum, de quo jam dicam,

WALAFRIDUS STRABO ex Monacho Professo S. Galli, Abbas post Augiensis divitis Cœnobii, ad annum 849. vixit.

Hic Glossam, quam *Ordinariam* alii, alii *Marginalem* vocitant, magno labore ex RABANI Moguntini amplissimis Commentariis congeffit: quam ampliata vel PP. Sententiis auctam, Anselmus Laudunensis ediderit.

Diversas de his Glossatoribus Sententias refert. *Labbé de Script. Eccles.* post vitas horum Scriptorum

CODEX 4. alt. 11½ lat. 8½ Liber Exodi glossatus cum Glossa interlineari & marginali variorum Patrum ut Rabani, Gregorii, Isidori, Augustini. Liber Sæculi 13tii vel 14ti.

CODEX 5. alt. 13½ lat. 11. Psalterium cum Glossa ordinaria Sæculi IX. incipit = *Beatus vir ille dicitur, cui omnia desiderata succedunt* = *Finis* = *Quapropter Universo Operi brevem perfectamque Sententiam dedit, ut Dominum Salvatorem spiritualiter debeant cuncta laudare.* In initio litera B. deaurata. Opus Sæculi IX.

CODEX 6. alt. 15. lat. 9. Uncias. Continet Parabolas Salomonis & Ecclesiasticum cum Commentario. Sæculi XV.

CO-



CODEX 7. alt. 11. lat. 8. Uncias. Psalterium cum Glossa interlineari & marginali. Item Cantica Veteris Testamenti similiter glossata. Liber Sæculi 14ti.

CODEX 8. alt. 17. lat. 13. PSALTERIUM GAL-  
LICANUM, ROMANUM, HEBRAICUM &  
GRÆCUM, ut à S. HIERONYMO editum. Sæ-  
culi VII. Codex. In fine Psalmus CLI. *Pusillus eram*:  
tribus Columnis. Et Cantica Veteris Testamenti Tetra-  
pla; Cantica N. T. tribus Columnis, Gallicana, Roma-  
na, Græca, rarissimus & pretiosissimus Codex.

NOTA VII. *Singularia hujus Psalterii.*

Codex octavus similis est illi, quem ex Sanderò laudat *PHILIPPUS de LONG. Bibliotheca Sacra* part. I. c. III. inter Biblia Latina Ms. pag. 569. Sed noster anterior est Belgico, continet primò Epistolam S. HIERONYMI ad SUNIAM & FRETEL-  
LAM: tum Præfationem ejusdem Doctoris. Deinde Elegia  
minio scripta, docet nos hoc Psalterium Constantiæ scriptum  
fuisse ejusdemque Episcopo & Abbati dicatum à Librario.

Quos sibi Pontifices legit CONSTANTIA dives  
PRÆSUL & ABBA simul meritis electus opimis  
Scriptores cautâ varios indagine lustrat.

Hoc & Psalterium doctè collegit in unum &c.

Cui subjiciuntur versus DAMASI PP. de Psalterio & HIERO-  
NYMI ad eundem.

Sequi-

Sequitur Tetraplum id est quatuor columnis scriptum Psalterium. Prima columna exhibet Gallicanum ( quale in Gallicanis Ecclesiis canebatur ) prius sub Carolo Magno, quàm Romana in Ecclesia cantari solitum reciperetur, utrumque nihil, aut parum à *Veteri Italicâ versione* differt. Secunda columna Romanum Psalterium Latinum, versum ex eo, quod ex Hebræo in Græcum transtulerant LXX. Tertia columna id, quod ex Hebræo Textu in Latinum transtulit Hieronymus: quarto loco Psalterium Græcum *latinis* literis exaratum. Hoc Græcum licet, latinis characteribus in aliis Mss. videtur, teste *LUCA BRUGENSI in Catal. Ms. quibus usus est in Annotat. Bibliis pag. 84.* uti Origenes hebraicas voces græco characterē in Hexaplis scripsit.

Psalterium Latino - Græcum è Bibliotheca Capituli Veronensis, quam Illustrissimus *SCIPIO MAFFEIUS* nuper recensuit, refert græcas voces literis latinis majoribus & diligenter depictis exaratas pag. 64. *Opusculorum Marchionis Maffei edit. Trident.* S. Hieronymus bis vertit Psalterium; bis emendavit. *Primum* Romæ degens circa 382. emendavit cursim illam [ quæ ex LXX. Interpp. confecta in usu erat Romanis & communis *VULGATA Lucianæa* dicebatur ] sublati Librariorum nævis juxta exemplar purum Græcum Septuagintavirorum, quale extabat in Origenis Hexaplis additis obelis & asteriscis Origenianis. *Secundò* Psalterium latinè vertit consulto solo hebræo fonte, rogatu *SOPHRONII Presbyteri.* *Tertiò* in Paulæ & Eustochii gratiam circa A. C. 389. versionem LXX. marte suo latinam fecit.

*Quar-*



*Quartus* labor legitur in Epistola ad SUNIAM & FRETELAM in concilianda cum hebraico fonte interpretatione Septuagintavirali. Neutram versionem Ecclesia Occidentalis adoptavit, sed antiquam ITALICAM versionem retinuit. Eruditissimus MABILLON *Disquisitione Gallicana de Cursu Gallicano*. pag. 395. 396. ex Bernonis [Augienſis Abbatis, qui anno MXLV. obiit] Sententia refert „ ab Hieronymo Psalterium è Græco versum „ traditum fuisse omnibus & quibusdam Germaniæ Ecclesiis, & „ hinc Psalterium Gallicanum appellatum.

Eadem paginâ refert WALAFRIDI STRABONIS *de Rebus Ecclesiasticis* cap. 25. [qui DCCCLIX. obiit] contrariam opinionem „ ab Gregorio Turonensi Psalterium, quod Hieronymus „ ex LXX. transtulerat, in Galliarum Ecclesias inductum fuisse. „ Neutra Sententia Mabillonio placet, qui sub Bonifacio primùm Coloniensi, post Moguntino Archiepiscopo Hieronymianam versionem Germanicis & Gallicanis Ecclesiis traditam auguratur. Hoc certum ex S. Augustino Epist. 82. ad Hieronym. & Rufino Libro II. *Invectivarum*. Hieronymi emendatum Psalterium, uti & reliquos libros serius in Ecclesias inductum fuisse, præsertim ob Populi & Cleri usum quotidianum veteris Psalterii, quare rectiùs sentit Cl. Mabillon sub Pippino Rege, cui Paulus PP. *Antiphonale & Responsale* ex urbe direxit, aut me iudice, sub *Carolo Magno* Hieronymianam V. & N. T. versionem in Germanicas & Gallicanas Ecclesias venisse, excepto tamen Psalterio.

JACOBUS FABER, Stapulensis ex Picardiâ, Theologiæ  
B Doctor

Doct̃or in Universitate Parisina [ qui anno 1537. obiit diem suum ]  
 quintuplex Psalterium edidit, terrecusum inter annos 1508 - 1515.  
 hoc ordine erant translationes impressæ. Audi Præfantem.

„ Prima Columna Psalterium Latinum *Gallicum*, quod eo  
 „ Ecclesia Gallica, id est, cisalpina uteretur; & illud esse arbi-  
 „ tror, quod ad preces Paulæ & Eustochii secundò correxit Hie-  
 „ ronymus, hoc ductus argumento, quod in vetustis Codicibus  
 „ illud cum obelis & asteriscis reperimus annotatum, quemad-  
 „ modum scribit idem Hieronymus se annotasse.

„ ROMANUM, quod Romæ emendatum ab Hieronymo,  
 „ ceu ex ejus Prologo dilucet, in Ecclesia caneretur Romanâ,  
 „ id est, Galliâ transalpinâ.

HEBRAICUM, quod nullâ mediâ intercedente linguâ, ex  
 hebræo ad Sophronii preces latinâ donavit Colonia.

VETUS Psalterium, quia eo vel maximè ante editiones ab  
 Hieronymo emendatas uterentur Ecclesiæ.

CONCILIATUM Psalterium, quod pauca addat, aut mu-  
 tet ad gallicum, - quò magis veritati & hebræo concordet Psalte-  
 rio, & quandoque, ut aptior & commodatior habeatur sermo.  
 Huic quintuplici versioni latinæ subjicit varias notas, & conti-  
 nuam expositionem omnium Psalmorum.

Confer infra nostram Notam XX. quæ in quibusdam ab Fabri  
 opinione recedit.

CODEX 9. altus 11. latus 7. Uncias. Commentarius  
 à Psalmo centesimo nono ad finem. Initium = *Vocem*  
*audis*



*audis* continet de Christo loquentis, finis = *His mereamur adjungi concinentibus; ipsi Gloria & Imperium cum æterno Patre & Spiritu Sancto, & in cuncta sæcula sæculorum Amen.* Videtur esse Sæculi 12mi.

CODEX 10. alt. 13'. lat. 9. Uncias. Daniel & Ezechiel cum Glossa ordinaria, Liber Sæculi XIV.

CODEX 11. alt. 12. lat. 9. Uncias. Commentarius in Esdram & Nehemiam. In fronte libri legitur = Ex legato Joannis de Mach Ss. Theologiæ Professoris. In interiori fronte legitur = Liber Andreæ de Werdena Canonici Ecclesiæ S. Cuniberti. Liber Sæculi 11. vel 12mi.

CODEX 12. alt. 18. lat. 12. Uncias. Codex Membranaceus elegantissimus in folio, variâ Picturâ & Scriptione. Sæculi VIII. Continet quatuor Evangelia in unam concordantiam redacta, charactere nitidissimo, exquisitæ antiquitatis & elegantiae liber.

### NOTA VIII. De Concordantiis Bibliorum.

Codex XII. Concordiam, Harmoniam, Diateffaron Evangeliorum, ut Græci loquuntur, habet. Primam sed breviculam TATIANUS anno CLXXX. defunctus, plenioram AMMONIUS Alexandrinus Philosophus adornavit, quam græcè deperditam, latinè edidit Moguntiae, MEMLERIUS Anno MDXXIV. Fun-

duſ Concordiæ erat Evangelium Matthæi (teſte Euſebio) cui cæterorum Evangeliftarum parallela loca, quæ idem argumentum habebant, inferuit: Eidem Ammonio attribuit Hieronymus in *Catal. & in Præfat. ad Damasum* Sectiones, ſeu Partitiones Evangeliorum in varia *Capitula* ſeu *Titulos*, ſeu *Versus*, ſeu *Segmenta*, cujuſmodi recenſebant in Matthæo, CCCLV. in Marco, CCXXXVI. in Luca, CCCXLII. in Joanne, CCXXXII. *EUSEBIUS, VICTOR CAPUANUS, ZACHARIAS CHRYSOPOLITANUS* Hieronymo ſuffragantur, & hos *Numeros Ammoniacos* vocant ab Autore ſuo.

Hodie dum non extant niſi in Ms. græcis & latinis, *MILLIUS in Prolegom. N. T. Græci. Num. 658. & ſeqq.*

*Philippus LABBE in Diſſert. de Scriptor. Eccleſ.* detrahit Ammonio [quem Diateſſaron ſcripſiſſe concedit] laudem Canonum Evangelicorum inventorum: quam EUSEBIO CÆSAREENSI tribuit ex autoritate CASSIODORI: ſed rationes Labbei id mihi non perſuadent.

Vid. *LABBEUM. Verbo Ammonius - & verbo Euſebius Cæſarienſ.*

**CODEX 13.** alt. 16. lat. 11. Unc. Quatuor Evangelia cum Præfatione S. Hieronymi. Sæculi VIII.

**CODEX 14.** alt. 13½ lat. 9. Unc. Continet quatuor Evangelia cum Præfationibus S. Hieronymi ad Damasum: præmittuntur multæ picturæ, 1<sup>mo</sup> S. Hieronymi, deinde



deinde quatuor Evangelistarum ante Evangelia Icones, quorum omnium initia literis uncialibus auro & argento integerrimè conservatis, item limbis auro - argenteis inclusæ. Speciatim præmittuntur CANONES CONCORDANTiarum quatuor Evangeliorum denis intercolumniis aureo - argenteis inter se comparatorum. Initium Evangelii Matthæi & penè totum Caput I<sup>um</sup> literis penè quadratis totis aureis scriptum est. Præmittuntur singulis Evangelii indices Capitulorum eo modo, quo à S. Hieronymo distincta fuerunt. Nempe Matthæi Evangelium in Capitula xxviii, Sectiones cccliii. Marci in Capit. xiii. Sectiones ccxxxiii. Lucæ in Capit. xx. Section. cccxlii. Joannis in Cap. xiiii. Sect. ccxxxii; ex his Sectionibus, quæ ferè majores sunt nostris Versibus, inter se collatis facti sunt Concordantiarum Canones. *Liber Sæculi VIII.*

NOTA VIII. *De similibus Codicibus Evangeliorum cum Canonibus Concordantiarum.*

Codex 14. hujus classis & Codex 56. secundæ classis habent quatuor Evangelia ex Hieronymi versione distincta in Capita & Sectiones, seu minora segmenta seu versiculos, prolixiores tamen iis versibus, in quos capita nostræ vulgatæ latinæ distributa leguntur. Similes his nostris duobus in Collegiata B. M. V. ad Gradus duo Codices Membranacei extant singularis pretii & ele-

gantiæ libri. Primus altus XIII. latus 10. Uncias Colonienſes, in quorum primo omnia continentur, quæ in noſtro Metropolitico, & picturæ plures: picta Imago Salvatoris inter Symbola quatuor Evangelistarum, & quatuor majores Prophetas. Dein ante ſingula Evangelia Evangeliftæ Icon, præmiſſo carmine in membrana purpurea aureis literis exarata. Ante Matthæi Iconem hæc legis =

Inter Apoſtolicos Domini numeratus amicos  
Hic eſt, qui primus Sanctoꝝque Charĩſmate plenus,  
Clara ſalutiferi ſcripſit Miracula Chriſti,  
Ipfius & Sacris junxit pia Dogmata factis:  
Dignus Evangelifta Dei, cognomine Levi

Matthæus oſtendens verum hunc hominẽmque Deũmque.  
Similia Hexametra Iconibus aliorum Evangelistarum præmittuntur in membrana purpurea limbis deauratis. Præcedunt Evangelia decem intercolumnia; quæ ad concordiam quaternorum, ternorum, binorũve Evangelistarum oſtendunt, comparatis Sectionibus vel Verſiculis, ſimilibus iis, qui in utroque Metropolitico Codice notantur.

Capitum etiam, in quæ Evangelia diſtribuuntur, numerus ſingularis eſt.

In fine Codicis extat CAPITULARE EVANGELIORUM in Dominicis, Ferias, & Feſta partitorum, quale in noſtro Codice 56to. 14to. de quibus in claſſe quarta agendum.

Alter ejuſdem Eccleſiæ Graduanae altus 16½ Uncias, latus octo, Imaginibus variis Chriſti & Evangelistarum ornatus, adjecto  
car-



carmine, Evangelia duo continet Matthæi & Marci. Sæculi X. vel XI. videtur. Præcedunt & hic concordantiæ coloratis columnis, sed non deauratis distinctæ.

Superfunt in eadem Ecclesia adhuc duo Evangeliorum codices, unus quatuor, alter trium Evangelistarum membranacei, minoris formæ, Sæculi IX. aut X, reliquiæ exiguæ sed pretiosissimæ Bibliothecæ Ms. in hac Ecclesia olim visæ, & ab Hagiographis Antverpiensibus non semel laudatæ.

CODEX 15. alt. 13½ lat. 10. Unc. Continet Commentarium in omnes Epistolas & Evangelia per annum inchoando à Vigilia Nativitatis Domini. Incipit Præfatio, *Quæritur, quare post Evangelia voluit Apostolus has Epistolas ad singulas Ecclesias destinare* = Porrigitur usque ad Epistolam & Evangelium Dominicæ Lætare, dein subjunguntur varia. Liber Sæculi XIV.

NOTA IX. *Quo Sæculo distributio Bibliorum facta in Lectiones Sacrificio & Officio per annum respondententes.*

Codex XV. complectitur Epistolas & Evangelia jam per annum Ecclesiasticum, qui ab die Natali Domini inchoatur, distributa. A quo Sæculo seu Bibliorum universorum legendorum, seu Evangeliorum, Epistolarum, & Prophetarum legendorum, canendorumve partitio, divisio cœperit, haud satis constat. Si *Lectionarius* vel *Comes* S. HIERONYMI [quem Tillemon-

lemontius & alii critici ei abjudicant] legitimus est quarti Sæculi partus: igitur exeunte Sæculo IV. jam in Ecclesia Latina partitio erat Librorum Biblicorum, & speciatim Evangeliorum, & Epistolarum per anni Dominicas, Ferias, & Festa præcipua distributarum: verùm secretarum & statarum è Scriptura Sacra lectionum mentio, apud Græcos non occurrit, nisi paulò ante CCCXCVII, cùm S. CHRYSOSTOMUS adhuc Presbyter Homilias scriberet *in Joannem*. „ Fuisse enim proprias quasdam „ Lectiones singulis diebus festis assignatas constat ex Hom. 58. „ ubi ait, quempiam, modò attentè, quæ in Templo legun- „ tur, attenderit, intra annum unum, magnum in Scriptura- „ rum cognitione progressum facturum esse. Fuisse autem Le- „ ctiones illas haud quidem Ecclesiæ Antiochenæ peculiare ac „ determinatas ope *Synaxarii* seu Indiculi cujusdam, quem con- „ fecerit Chrysostomus; sed easdem ipsas, quæ hodièque ex- „ tant in Codd. Lectionariis Græcorum, abundè suadet *Typi-* „ *cum* S. Sabæ, haud longè post scriptum, aliquâ Sæculi quarti „ parte. *MILLIUS in Prolegom. num. 1052. & seqq.*

CODEX 16. alt. 13. lat. 10. Unc. Incipit brevis Explanatio Evangelii SECUNDUM MATTHÆUM. Incipit Liber primus. Liber Generationis = *Mos etenim est Scripturarum* = Finis = *Quam mercedem Sancti cooperantur in vinea percepturi sunt*. Est Bedæ. Bis legitur in fronte: Liber Athilini. Sæculi II. vel 12mi.

CODEX 17. alt. 12. lat. 9. Commentarius in Evangelium



gelium JOANNIS usque eo = *Hoc primum initium fecit signorum Jesus*. Præmittitur Titulus literis uncialibus more Sæculi 8vi scriptus. = Regulam Evangeliorum quatuor... = Matthæus regulam justitiæ tenens incipit ab Abraham... Duo sequentia folia literis penè quadrangulis scripta. Cætera videntur Sæculi X. vel XII. esse.

CODEX 18. alt. 12½ lat. 9. Unc. Commentarius in Evangelium MATTHÆI mutilus in initio & in fine. Incipit = à bimatu & infrà = finis = Ille non stetit in veritate. Liber Sæculi 13tii.

CODEX 19. alt. 9½ lat. 6½ Unc. Liber continet commentationem in MATTHÆUM, incipiendo ab his verbis = *Et erat Joannes vestitus pilis Cameli* = usque ad ea verba = *Assumit Jesus Petrum & Jacobum & Joannem & ducit illos in montem excelsum*. Liber Sæculi 13tii.

CODEX 20. alt. 12. lat. 8½ Unc. Expositio Evangelii secundum MARCUM. Incipit: *Opitulante ipsâ Evangelicâ Gratiâ scripturi*. Finis = *Per formam servi, ut liberi contemplemur formam Domini*. Sæculi 12. vel 13.

CODEX 21. alt. 10. lat. 7. Unc. Commentarius interlinearis & marginalis in MARCUM. Sæculi 15ti.

CODEX 22. alt. 10. lat. 7. Unc. Glossa interlinearis & ordinaria in Evangelium LUCÆ. Liber Sæculi 15. vel 16ti.

CODEX 23. alt. 11. lat. 8. Evangelium S. JOANNIS cum Glossa interlineari & marginali. Liber Sæculi 14ti.

CODEX 25. alt. 13½ lat. 9. Uncias. Continet Actus Apostolorum, Epistolas JACOBI & PETRI I<sup>mam</sup>, & secundam, JOANNIS I<sup>mam</sup>, 2. & 3<sup>tiam</sup> JUDÆ & Apocalypsin cum Glossa ordinaria & interlineari. Liber Sæculi XIII.

CODEX 26. alt. 12. lat. 8. Unc. Glossa interlinearis & ordinaria in Epistolas PAULI omnes. Liber Sæculi 14ti.

CODEX 27. alt. 11½ lat. 9½ Unc. Commentarius manuscriptus in APOCALYPSIN. Sæculi 16. vel 15ti. *Chartaceus Codex.*



CLAS-



# CLASSIS SECUNDA.

CODEX 28. alt. 15. lat. 10. Unc. Continet Omelias  
ORIGENIS super Vetus Testamentum. Codex Sæc. IX.

## NOTA X. *De Fatis Doctrinæ Origenis.*

Codex XXVIII. exhibet Scriptorem Sæculi tertii Origenem, qui anno CCLIV. obiit Alexandria in Ægypto, ubi post CLEMENTEM Stromateum Præceptorem suum Catecheseos in ea Ecclesia Magister fuit. Est quidem ex antiquissimis testibus Catholicæ Doctrinæ, sed propter admixtos errores varios & hæreses jure merito à Romanis SS. PP., à Christianis Impp., & à quinta Oecumenica Synodo damnatos, nec Halloixio, nec ulli Catholico defendendus est. Crispi in ejus opera edidit quàm plurimi inde ab HIERONYMO & RUFFINO ad proxima nostra tempora, quibus BELLARMINUS, POSSEVINUS, BARONIUS, SIXTUS Senensis, LABBEUS, TILLEMONTIUS eandem exercuerunt, & opera supposititia à Genuinis discreverunt. Origenis Hexapla, quæ supersunt in Genesin & cæteros Scripturæ Libros, incomparabili diligentia collegit & edidit. Bern. de MONTFAUCON Parisiis Anno 1713.

CODEX 29. alt. 9½ lat. 10. Unc. In fronte scribitur:  
Liber WILLIBERTI Archi-Episcopi. Continet Tra-  
C 2 ctatum

Statum S. HILARII in Psalmum centesimum decimum octavum. Liber Sæculi 9ni, quo Willibertus fedit, ab anno DCCCLXIII. ad DCCCXC.

NOTA XI. *De Ætate & Orthodoxia Scriptoris.*

S. Hilarii Pictavorum Episcopi commentarium continet Codex XXIX. Hic Defensor acerrimus Catholicæ Fidei, quam in Oriente voce & stilo tuitus est, reversus ab Exilio in Gallias ad vitæ finem tenuit illibatam : defunctus hac vita XIII. die Januarii Anno CCCLXVII. Sat laudat Virum, qui ab ATHANASIO, AMBROSIO, HIERONYMO, AUGUSTINO laudatum dicit.

Opera ejus ex recensione Joannis Gillotii Colonia recudit Antonius Hieratus Anno MDCXVII. & auctiora & emendatiora præstitit operâ suâ.

CODEX 30. alt. 13½ lat. 9½ Unc. Continet DIONYSII Areopagitæ libros de *Cœlesti Hierarchia & Divinis Nominibus*, de *Ecclesiastica Hierarchia & Mystica Theologia* ex græco latinos factos à JOANNE ERIGENA, & dedicatos CAROLO CALVO, quo jubente & postulante translati sunt. Ejusdem Sæculi Liber.

NOTA XII. *De Codice analogo huic recensito.*

Codex XXX. singularis elegantiae & Sæculum nonum undequaque redolens. Meminit Philippus LABBE in *Dissert. Histor. de Scriptor. Ecclesiast.* Similis elegantissimi membranacei Codicis



in Bibliotheca Collegii Bituricensis Societ. Jesu à se visi, in quo & hi quatuor Libri continentur, ex versione Joannis Erigenæ Scoti, Præfatione & versibus ad Regem Carolum, uti in hoc nostro Metropolitico. Præcedit Anastasii S. R. E. Bibliothecarii Epistola ad eundem Regem, data X. Kal. Aprilis, Indictione VIII. Igitur Anno DCCCLXXV, ut conjicit Labbeus, in qua de Scholiis ab se Anastasio latinè versis meminit. *Labbé V. Anastas.*

**NOTA XIII. De Genuinis Libris Dionysii Areopagitæ an alterius?**

Jam à Sæculo V. ad nostrum decimum octavum incruentum geritur bellum in Republica Literaria, an hi, qui Nomine Dionysii Areopagitæ inscribuntur Libri, sint Germani partus Discipuli S. Pauli Act. XVII. 34. laudati? THEODORUS Presbyter apud *Photium Cod. I.* S. MAXIMUS, HILDUINUS Abbas San - Dionysianus, à Sæculo sexto ad nonum affirmantium cohortem duxere. Martinus Papa in Synodo Lateranensi A.C. 648. tum Monothelitæ hæretici, & Severiani in collatione cum Catholicis A.C. 533. Hi nempe vel dubitarunt, vel negarunt, vel pronuntiarunt Non Liquere, Scriptor Libri de Cœlesti Hierarchia sit, an non sit S. Pauli Discipulus?

Interstitium armorum successit per octo Sæcula. Sæculo XVI. Christiano recrudit bellum. Affirmantium Primipili BARONIUS, BELLARMINUS, DELRIUS, HALLOIXIUS, LANSSELIUS, CORDERIUS, SAUSSATUS, NATALIS ALEXANDER *Dissert. XXII. in Sæculum I.*

Negantium triplò numerosior cohors est. Nam præter *Lutherum* & *Calvinum*, similesque Hierarchiæ Ecclesiasticæ & Monachatus hostes, eruditissimi Catholici ab inficiantibus steterunt. GAZA, VALLA, CAJETANUS, PETAVIUS, MORINUS, LAUNOIUS, PAPEBROCHIUS, PAGI, A.C. 107. §. 8. *Tillemontius Tomo II. Comment. Eccles. p. 525.*

Nos vocatis ad stateram critices argumentis utriusque partis probabilem defendimus Anno 1744. Aigentium Sectam; nec evidens argumentum supposititii foetusprehendimus.

An nunc idem Pauli Discipulus fuerit Episcopus Parisiorum, nova quæstio est, quam Francis decidendam relinquo.

CODEX 31. alt. 13½ lat. 9. Unc. Continet Exameron S. Ambrosii. Liber Sæculi XII.

#### NOTA XIV. *Epitome Vitæ Ambrosianæ.*

Codex XXXI. & seqq. S. AMBROSII Opera exhibent, qui Anno Christi 333. natus, Patre Ambrosio Galliarum Præfecto, Anno 374. 7. Decembris creatur & consecratur Mediolanensium Episcopus, ad Superos abiit die 4. Aprilis Cæsario & Athio Coss. qui Anno 397. Fasces gesserunt.

Ejus Opera varia sparsim variis temporibus, Coloniae, Anno 1616, & alibi, sed Opera Jacobi Frischii & Nicolai Nuniti Benedictinorum omnia excusa fuere 1686. & 1691. Parisiis. Folio.

CODEX 32. alt. 12½ lat. 10. Unc. Continet Epistolas S. Ambrosii; & Historiam Nabuthæ. In fine est  
anno-



annotatio hæc = *Anno ab Incarnatione Dni Millesimo XXXI. Indictione XV. à Festivitate S. Michaelis Archangeli, quæ est tertio Kalendas Octobris, fuerunt imbres & pluvix toto tempore. Ejusdem nempe XI. aut decimi Sæculi videtur Codex.*

CODEX 33. alt. 16. lat. 11½ Unc. Continet Epistolas Ss. Patrum Augustini, Ambrosii, Joannis Chrysostomi, Faustini Episcopi, & Alympii. Codex Sæculi Xmi.

CODEX 34. alt. 12. lat. 9. Unc. Tractatus S. Ambrosii Episcopi Mediolanensis in Epistolas S. Pauli. Incipit = Ut rerum notitia plenior habeatur. In fine est commentarius in Epistolam ad Philemonem, cujus finis = *Persecutiones ad vincula, & cujus requies non erat, nisi in solo Christo.* Sæculi 13tii.

NOTA XV. *Crisis in Commentarium S. Ambrosio attributum.*

Quem Codex XXXIV. & Codex XXXIX. præ se fert *Commentarium in Epistolas S. Pauli*, hic inter Opera S. Ambrosii Colonia editus est, & vulgò habetur. Sed verosimilior opinio est HILARIUM Sardicensem Romanæ Ecclesiæ Diaconum Autorem esse hujus Commentarii, judicibus PETAVIO, LAB-  
BEO. v. HILARIUS Diacon. BELLARMINUS, Herveo-Dolensi in Biturigibus Monacho eundem adjudicat, *L. de Scriptoribus Ecclesiasticis.*

CODEX

CODEX 35. alt. 12. lat. 8. Unc. Sermo S. AMBROSII in Hypapante Stæ Mariæ. Liber scriptus variâ manu, imò variis Sæculis, inter 10mum & 14tum.

CODEX 36. alt. 11. lat. 8. Unc. S. AMBROSII de Officiis. Liber Sæculi 15. vel 14ti. In fine additur vita S. Ambrosii.

CODEX 37. alt. 11. lat. 7½. Liber S. AMBROSII de Officiis. Liber Sæculi 13tii.

CODEX 38. alt. 10. lat. 8. Continet S. AMBROSII Librum unum de Fratrî excessu; unum de Fide Resurrectionis, duos de Poenitentia. Tres de Virginibus, unum de Adhortatione Viduitatis. Unum de Virginitate perpetua B. Mariæ. Liber Sæculi 11mi.

CODEX 39. alt. 10½. lat. 7. In fronte notatur: Liber GUNTII. Continet Tractatum S. Ambrosii in Epistolam ad Romanos. Incipit Prologus = *Ut rerum notitia habeatur plenior, principia rerum inquirenda sunt prius*. Finis = *Ecce ego vobiscum sum usque ad consummationem sæculi*. Liber videtur Sæculi 11mi. Sed si fuit Guntharii Archi-Episcopi, qui anno 853. electus, anno 863. excommunicatus & depositus fuit, est Liber Sæculi noni.

NOTA



NOTA XVI. *De Libris S. Ambrosii suppositis.*

Codex XXXV. & XXXVIII. continet Sermonem in Hypapante: seu de Festo Purificationis, & de Virginitate perpetua Beatæ Mariæ: Genuinus hic Sermo sit, an supposititius Ambrosio? Vide dubia mota ab Bellarmino.

Illustrissimus Nopelius Suffraganeus Colonienf. *Confessionem Ambrosianam* edidit, quo tempore Decanus Collegiæ Cæsaris-Insulanæ Ecclesiæ erat. Sub hoc titulo *Confessionis* intelligitur Systema integrum Dogmatum Catholicorum per Sententias ex S. Ambrosio excerptas in ordinem digestorum, distributum in IV. Libros: in quibus Dogmata Sæculo XV. controversa ex S. Ambrosio confirmat. Edit. Colon. 1580.

CODEX 40. alt. 15. lat. 8. Unc. Incipiunt Omeliæ JOANNIS Constantinopolitani Episcopi in Evangelium secundum Matthæum. Videtur esse Liber Sæculi Xmi.

NOTA XVII. *Biographia S. Joannis Chrysostomi.*

Codices XL. & XLI. aliqua servarunt nobis ex Operibus S. Joannis Chrysostomi, qui ex Presbytero Antiocheno anno Christi 398. ad Thronum Cp. Regiæ Urbis evectus, ex eo dejectus anno 403. ab Exilio revocatus, sed denuò ejectus, obiit anno 407. ætatis 53.

CODEX 41. alt. 14. lat. 10. *In fronte* Codex S. PETRI SUB PIO PATRE HILDEBALDO Archiepiscopo scriptus. Continet Commentarium S. JOANNIS CHRYSOSTOMI in Epistolam ad Hebræos.

CODEX 42. alt. 16. lat. 11½ Unc. Epistolæ S. JOAN-  
NIS CHRYSOSTOMI, contentæ in Codice 33.

CODEX 43. alt. 12. lat. 8½ Commentarius HIERO-  
NYMI ad Jobum, Tobiam, Judith, Ester, Esdram.  
Liber Sæculi 9ni. Præfatio constat literis uncialibus.

NOTA XVIII. *De Ætate & Editionibus S. Hieronymi.*

Codex hic, & viginti sequentes, varios Commentarios in  
Scripturam aliâque S. Hieronymi Opera ad nos transmiserunt.  
Ex his tres Hildebaldinâ Canitie venerandi sunt. Vir hic tot lin-  
guarum Orientalium peritus, natus est Stridone in Dalmatia  
anno 329. anno 378. ordinatus fuit Presbyter Antiochiæ à Pauli-  
no, cùm jam Italiam, Galliam, Syriam, & multas Græ-  
ciæ, Asiæque lustrasset Provincias: anno 382. Romam reversus  
ab Epistolis Damasi Papæ fuit, quo mortuo anno 385. remeavit  
in Syriam & Palæstinam, tandem senex in Bethlehem confedit,  
mortuus 30. Septembris 420. BARONIUS, BELLARMI-  
NUS, TILLEMONTIUS *Comment. Histor. Eccles. Tomo X.*  
DUPINIUS, LABBEUS variam & accuratam crisin in ejus  
opera exercuerunt, sed nemo pleniorẽ San- Dionysiano Mo-  
nacho JOANNE MARTIANÆO Editore Operum hujus Patris:  
pleniorẽ appromittunt SCIPIO MAFFEIUS, & DOMINI-  
CUS VALLARSIUS Veronenses Clarissimi: 1735.

Rmus Cornelius SCHULTINGIUS Canonicus Andreaticus  
edidit anno 1584. *Confessionem Hieronymianam*, in qua Dog-  
mata



mata omnia Catholica præsertim Sæculo XVI. controversa, in corpus unum redacta, & divisa sigillatim probat Sententiis Hieronymianis. Quæ singularem crisin merentur ex Codicibus Hieronymianis, nunc pando.

**NOTA XIX.** *Crisis de Authentia hujus Commentarii.*

Codex XLIII. præfert Commentaria in Jobum, vulgò attributa S. Hieronymo: sed hæc esse Hieronymi negat TILLEMONTIUS, & vel Philippi, Discipuli S. Hieronymi, vel Bedæ esse conjicit. LABBEUS Bedæ Commentarium eundem Hieronymiano asserit, negat DUPINIUS.

Videatur Tillemont. *Comment. Hist. Eccles. Tom. XII. Adnotatione 84. in Vitam S. Doctoris.*

**CODEX 44.** alt. 9½ lat. 6. Commentarius in Libros Paralipomenon ad CHROMATIUM Episcoporum sanctissimum & doctissimum scriptus. Sæculi iiii.

**CODEX 45.** alt. 14. lat. 10. Commentarius S. Hieronymi in Psalterium, prævio Calendario antiquissimo, & Commentario in Cantica sequente. Liber singularis raritatis, Sæculi IX.

**NOTA XX.** *An supersint Commentarii Hieronymiani in Psalterium sæpè ab hoc S. Doctore versum?*  
*vide Notam VII.*

Codex XLV. Psalterium Davidicum cum Commentario Hieronymi.

ronymi sæpissimè recuso habet. Reverà S. Doctor nonnullos Psalmosest commentatus, uti ipse testatur; aliud autem est transferre ex lingua in linguam, aliud commentari. Ii, qui nunc circumferuntur *Commentarii* sub Hieronymi nomine in omnes Psalmos, prorsus Hieronymi non sunt, sed Autoris posterioris, qui multa ex Hieronymo, aliisque Patribus inseruit. *DUPNIUS & TILLEMONTIUS Notâ XXII. ad S. Hieron.* Idem contra MARIANAM & SCHULTINGIUM censet *LABBE Dissert. Histor. de Scriptor. Eccles. Verbo: Hieron.*

CODEX 46. alt. 11. lat. 8. Unc. Tractatus HIERONYMI Presbyteri in Ecclesiasten; Græca inserta sinè accentibus, & literis quadratis scribuntur. Liber Sæc. XI.

CODEX 47. alt. 17. lat. 15. Unc. Sæculi IX. Commentarius S. Hieronymi in Esaïam Lib. X. XI. XII. XIII. XIV. XV. XVI. XVII. XVIII.

CODEX 48. alt. 15. lat. 10. Explanatio S. Hieronymi in Isaïam Prophetam. Liber mutilus in fine. Sæculi XI. vel XII.

CODEX 49. alt. 12. lat. 7. Continet Præfationem Hieronymi, deinde Isaïam & Jeremiam ex ejusdem versione. Liber 13. vel 14ti Sæculi.

CODEX 50. alt. 14. lat. 4. Continet Libros S. Hieronymi



ronymi in Prophetam Hieremiam versus ultimus =  
*Et testes adhibiti sunt & in Civitatibus Campestribus*  
 C.XXXII. v. 44. Sæculi XI.

CODEX 51. alt. 15. lat. 11. In fronte libri: Liber sub  
 pio Patre Hildebaldo scriptus. Explanatio S. Hierony-  
 mi in Ezechielem Prophetam.

CODEX 52. alt. 12. lat. 8½ Unc. Continet explana-  
 tionem S. Hieronymi in Zachariam ( quæ partim am-  
 busta, partim exela est ) & in cæteros Prophetas Mino-  
 res usque ad Malachiam inclusivè. Videtur Liber Sæ-  
 culi XI.

CODEX 53. alt. 19. lat. 14. Commentarius S. Hie-  
 ronymi in Prophetas minores ab Osea ad Malachiam,  
 sed hunc non integrum. Codex Sæculi Xmi.

CODEX 54. alt. 10. lat. 6½ Codex S. Petri sub pio  
 Patre Hildebaldo Archi-Episcopo scriptus. Continet  
 explanationem S. Hieronymi in Abdiam, Jonam & Na-  
 hum circa 397. scriptam.

CODEX 55. alt. 15. lat. 10. In fronte: Codex S. Pe-  
 tri scriptus sub pio Patre Hildebaldo Archi-Episcopo.  
 Continet expositionem S. Hieronymi in Micheam, Aba-  
 cuc, & Sophoniam.

CODEX 56. alt. 14. lat. 11. Interpretatio quatuor Evangeliorum S. Hieronymi cum picturis non deauratis, videtur Sæculi VIII. vel IX. Distinctio Capitulorum & Versiculorum, seu minorum Sectionum eadem est, quæ in codice 14to.

CODEX 57. alt. 13½ lat. 9. Continet expositionem in Evangelium Matthæi usque ad parabolam Seminantis. Subjungitur ejusdem Hieronymi Præfatio in quatuor Evangelistas & de Genealogia Christi. Sæculi XII.

CODEX 58. alt. 11. lat. 8½ Continet explanationem Hieronymi in Epistolas Pauli ad Ephesios, ad Titum, ad Philemonem. Textus sunt scripti litteris quadrangulis, Commentarius characterè cursivo. Videtur Sæculi IIII.

NOTA XXI. *De Commentario Hieronymi in Paulum.*

Codex hic explanationem habet Hieronymi in aliquot Pauli Epistolas. Quod Evangelia latina ex Græco emendaverit jussu DAMASI PP. constat: an cæteris N. T. Libris eandem operam navaverit, non perinde liquet. *Commentarii* autem in *Epistolas Paulinas*, qui circumferuntur, credula antiquitas Hieronymo tribuit, ejusque operibus inseruit, uti & *Libellum Fidei*, & Epistolam ad *Demetriadem* Virginem: quæ tria sunt indubita-



tus PELAGII hæresiarchæ foetus ante annum 412. scriptus, & quidem primum Opus Commentariorum in Paulinas Epistolas AUGUSTINO lectum & hæretico veneno infectum agnitum fuit: idem à Cassiodoro qualicunque modulo emendatum fuit, qui primus Sæculo VI. scribens id Hieronymo videtur attribuisse *GARNERIUS in Not. ad MARIUM Mercatorem Dissertat. VI. de Scriptis Pelagii p. 367. & MILLIUS in Prolegomenis Novi T. Græci: n. 850. - 856.*

CODEX 59. alt. 15. lat. 10. Titulus uncialibus literis scriptus hic est: In Nomine Domini incipiunt Epistolæ S. Jeronymi Presbyteri, *divisæ propter gravitatem ponderis.* Sæculi XIII.

CODEX 35. *b* Epistolæ S. Hieronymi ad varios.

CODEX 35 *c* Hieronymi ad Heliodorum & Nepotianum.

CODEX 60. alt. 13½ lat. 8. Continet Epistolas S. Hieronymi ad varios & variorum ad ipsum. Incipit ab Epistola Damasi = *Dormientem te & longo jam tempore legentem.* Ultima Epistola ad Principiam Virginem. Explanatio Psalmi 44ti. Liber Sæculi X. vel XI.

CODEX 31. *b* alt. 13½ lat. 9. S. Hieronymi contra Jovinianum.

vinianum Libri II. Secundus Liber est mutilus in fine. Liber Sæculi XII.

CODEX 61. *a* alt. II. lat. 6. continet Libros S. Augustini duodecim in Genesin ad Literam.

NOTA XXII. *De Criticis Operum S. Augustini.*

A Codice 61. ad 78. habemus Opera S. Augustini. In cuius Sanctissimi Doctoris Opera Crisn Catholicam exercuere plurimi & maximi Viri post Baronium, Bellarminum, Labbeum, TILLEMONTIUS, Tomo XIII. Histor. Eccles. & nunquam satis laudandi incomparabiles Viri è Familia S. Bened. Congreg. S. Mauri Monachi Editores omnium Operum S. Augustini. Hanc editionem jure ab Catholicis maximo pretio habitam recuderunt Protestantes *Genevæ* sub Titulo *Antverpiæ*, & Joannes Clericus Sociniano - Pelagianus sub larva *Joannis Phereponi* Tomum notarum pestilentissimarum de suo cerebro adjecit. Quem Cl. MURATORIUS sub nomine *Lamindi Pritanii* eruditissimè & solidissimè confutavit, & Criseos Catholicæ castigatissimæ specimen mundo literato reliquit. Natus est S. Augustinus Tagastæ in Numidia anno 355. Idibus Novembris, baptizatus à S. Ambrosio anno CCCLXXXVII. Sabbatho antè Pascha, creatur Episcopus anno 396. obiit anno 430. die 28. Augusti.

CODEX 61. (*b*) Deinde tres Libros de consensu & concordia Evangelistarum. Liber Sæculi 12mi.

CODEX



CODEX 62. alt. 17. lat. 13. Unc. Sæculi xv. continet Commentaria Latina Ss. Augustini, Cassiodori, Hieronymi, Remigii in Psalterium David.

NOTA XXIII. *De Catenis PP. in S. Scripturam.*

Codex LXII. continet *catenam* seu centonem variarum Commentationum ex PP. congestarum in quendam Scripturæ Librum explicandum : quos inter PP. & S. Augustinus est. Hujusmodi catenæ tum græcæ, tum latinæ in varios Scripturæ Libros variæ extant.

Cl. Millius in *Prolegomenis ad N. T. Græcum* n. 1448. narrat se in Armario Bodleiano reperisse Macarii Chrysocephali Metropolitæ Philadelphiensis Catenam seu Exegesin in Matthæum, collectam ex Chrysostomo, & aliis PP. Græcis. Idem ibidem alteram Catenam in Epistolam ad Romanos exscriptam ex Codice Gaditano per Joannem Lluydum Anno 1601. Autores in ea citati sunt : ACACIUS, APOLLINARIUS, CHRYSOSTOM. CYRILLUS, DIDYMUS, DIODORUS, EUSEBIUS, GENNADIUS, ISIDORUS, PHOTIUS, SEVERIANUS, SEVERUS, THEODORETUS, THEODORUS.

Tertiam Catenam idem Cl. & indefessus Vir ex Bibliotheca publica Oxoniensi inter Codices *Baroccianos* *EUTHIMII* catenam Ms. in quatuor Evangelia detexit.

De Latinis Catenis, qualem S. Thomas de Aquino in N. T.

scripsit, ex Patrum Sententiis collectis, videantur *SIXTUS SENENSIS, POSSEVINUS* &c.

**CODEX 63.** alt. 15. lat. 11. Unc. In fronte Libri: *Codex S. Petri sub pio Patre Hildebaldo scriptus.* In hoc Codice continetur Tractatus Augustini super 50. Psalmos priores.

**NOTA. XXIV. De Hildebaldinæ Bibliothecæ Libris.**

Codex LXIII. & LXVII. non comparent inter eos, quos fragmentum Catalogi Hildebaldini apud Illustrissimum Gelenium recenset, libros: unde consequens est nos plures habere, quàm qui à GELENIO recensentur, attamen ex Gelenianis ipsis plurimi nostræ Bibliothecæ jam defunt.

**CODEX 64.** alt. 13. lat. 10. continet expositionem S. AUGUSTINI in Psalmos. Initium mutilum, dein à Psalmo 3imo usque ad 50mum, finis = *Tu imple personam tuam, Dominus de illo exigit suam. Deo gratias Amen.*

**CODEX 65.** alt. 16. lat. 12. In fronte: Liber S. Petri. Continet Enarrationes S. AUGUSTINI à Psalmo 51. ad Psalmum 94. reliquis avulsis usque ad centesimum. Liber Sæculi noni.

**CODEX 66.** alt. 13½ lat. 9. Explanationes S. AUGUSTINI



TINI à Psalmo = *Cum tribularer, ad te Dominum clamavi* = usque ad Psalmum = *Domine non est exaltatum cor meum*. Liber scriptus variâ manu & diversis temporibus. Sæculi XIII. vel XIV.

CODEX 67. alt. 15. lat. 12. Unc. In fronte Libri: Codex S. Petri sub pio Patre HILDEBALDO scriptus. Continet expositionem S. Augustini super Psalmorum tertiam partem.

CODEX 68. alt. 13. lat. 10. Quæstiones Augustini in Matthæum, Lucam, & Joannem. Incipit = *Inter omnia Divinæ Historiæ Volumina*. Finis = *Ad dona perveniamus sempiterna, quæ promisit*. = Bis legitur in fronte = *Liber Athilini*. Sæculi II. vel 12mi.

CODEX 69. alt. 13. lat. 10. Continet expositionem AUGUSTINI in Evangelium secundum Joannem = Incipiunt Capitula primum de Coena Domini = Septuagesimum = *De eo quod dicit, & cum hoc dixisset, dicit eis sequere me: usque in finem*. Liber Sæculi IX.

CODEX 70. alt. 13. lat. 10. Continet S. AUGUSTINI Sermones varios de verbis Domini, deinde excerpta ex variis Libris S. Augustini. Liber Sæculi XI.

CODEX 71. a alt. 11½ lat. 9. continet primò Libros  
E 2 duos

duos S. AUGUSTINI de Sermone Domini in monte. Secundò Librum de Agone Christiano. Liber Sæculi XIII. vel XIV.

CODEX 72. alt. 13. lat. 7½ continet Commentarium S. AUGUSTINI in Epistolam S. Joannis. Incipit = *Meminit sanctitas vestra* = Finit = *Tibi vis ut credam & parentibus meis maledicenti, quàm tu credas Christo prædicanti.* Liber Sæculi XII.

CODEX 73. alt. 11½ lat. 7½ In fronte habetur : *Liber Petri Abbatis.* Continet Sententiam CASSIODORI de Tractatoribus Scripturarum Divinarum, deinde ejusdem Cassiodori excerpta ex Augustino & Prospero, quibus commentatur Epistolam ad Romanos. In fine = *Explicit S. Augustini Episcopi in Epistolam B. Pauli Apostoli ad Romanos collecta ex opusculis ejusdem S. Patris à Petro Tripolitanæ Provinciæ Abbate.* Hæc BELLARMINUS BEDÆ attribuit. vid. LABBEUM de Scriptor. Ecclesiast. v. Beda. Liber Sæculi 12mi vel 13tii.

NOTA XXV. De Abbatibus & Prioribus  
Colonienfis Ecclesiæ.

Codex 73. donatus videtur fuisse Bibliothecæ à Petro Abbate....  
*Abbates* dicebantur primo Millenario in Ecclesiis Collegiatis Canon-



nonicorum Colonienfium ii, qui nunc dicuntur *Præpositi*; & Ecclesiastici *Prelati*, generatim dicebantur *Priores* ipſo adhuc Sæculo XIV. teſtibus *Historiographis* & *Diplomatibus*. Quare verofimile eſt *Petrum* hunc fuiſſe *Baſilicæ* hujus primum *Prælatum*, qui idem *Archidiaconus* primus *Archidiœceſis* eſt uſque ad noſtram ætatem. Anno namque 1273. reperitur PETRUS *Præpoſitus* Majoris Eccleſiæ in *Statuto de Reſidentia* Scholaſtici, nec alius Petrus inter *Præpoſitos* ante vel poſt Hunc comparet; unde corroboratur ætas *Codicis*.

### NOTA XXVI. *Quis Autor Commentariorum Epistolæ ad Romanos inter Opera S. Augustini.*

*Commentarium* in *Epistolam* ad Romanos in *Augustinianis* Operibus Illuſtriſſimus BARONIUS tribuit Petro Tripolitano Abbati: uti & noſter *Codex Ms. n. 73.* Contra Ill. BELLARMINUS eundem Bedæ aſſerit, cui ſubſcribit LABBEUS *Differt. Hiſtor. de Scriptor. Eccleſ. verbo Beda*: nec habere ſe aſſerit, quod *Criſi* Bellarminianæ adjiciat; *Commentarii* verò in *Pſalterium Baſilea* Anno 1491. excuſi, & *Briſgovia* Anno 1538. reſuſi non ſunt *Caffiodori*, licet inter ejus *Opera* numerentur: quod *Labbeus* oſtendit.

Perilluſtris SCIPIO MAFFEIUS *Italia & Gentis ſuæ Heros*, cum *Ms. Codices* Veronenſis Eccleſiæ ſerutaretur, incidit in *Pſalterium Latino-Græcum*, cujus *Voces* Græcæ latinis characteribus deſcriptæ ſunt. In eadem Veronenſi Bibliotheca nactus eſt genuinum *Codicem*, *Expoſitionis Pſalmorum*, quam

non Bedæ, non Petro Tripolitano, sed Magno Aurelio Cassiodorio Senatori Viro Patricio vindicat illustris hic crites, præfatione eruditâ in hunc Commentarium editâ *Tridenti* 1742. *Typo Joannis Baptiste Barone* in folio, post Historiam Theologicam Doctrinæ de Gratia ejusdem Marchionis.

Idem Summus Vir *Complexiones* Cassiodorii breves in omnes Epistolas Pauli primus edidit ex eadem Veronensi Bibliotheca Typis iisdem, unde apparet, quantus fructus Ecclesiæ nedum Literariæ rei eveniret, si Ms. Thesauri Ecclesiarum Cathedralium recluderentur, tantò securiores, quantò Orbis melior testis est & custos Thesauri, quàm duo aut tres homines.

### NOTA XXVII. De Titulo Operis Cassiodori.

CASSIODORUS de *Tractatoribus Scripturarum Divinarum*, idem liber est, quem Trithemius & Duvallius compellant Institutionum de *Divinis Lectionibus Libros duos* editos Parisiis curâ Duvallii Anno MDC. & alibi. Novam omnium Cassiodori Operum editionem pollicetur Perillustris Scipio Maffei.

CODEX 74. alt. 12 $\frac{1}{2}$  lat. 8. In hoc Codice sunt Libri quatuor de Doctrina Christiana B. M. Aurelii AUGUSTINI Episcopi & alii duo contra Manichæos. Videtur Sæculi 13<sup>ti</sup> scriptus liber. Finis = *Atque utinam fruermur, sicut perceptum omni ligno Paradisi.*

CODEX 75. alt. 13. lat. 8 $\frac{1}{2}$  continet Libros decem primos de Civitate Dei. Liber Sæculi x.

CODEX



CODEX 76. alt. 9½ lat. 7. Unc. continet S. AUGUSTINI de Disciplina Christiana Librum unum. Sermone-  
nem in illud : *Dimittite & dimittetur vobis*. Librum  
unum de Sancta Virginitate. Libros duos de Nuptiis  
& Concupiscentia. Liber Sæculi 15ti.

CODEX 77. alt. 10. lat. 7. continet S. AUGUSTINI  
Libros *de Beata Vita ; de Videndo Deo ; de Fide & ope-  
ribus ; de Prædestinatione Dei : Contra Donatistas :  
de Septies percussa. In Salutationem Epistolæ ad Ro-  
manos ; ad Simplicianum ; ad Dulcitium*. Liber Sæ-  
culi 13tii.

CODEX 78. alt. 11½ lat. 9. S. AUGUSTINUS *de Bo-  
no Conjugalì*. Explicit Liber S. Augustini *de S. Virgini-  
tate*. Incipit Ejusdem ad Julianam *de Viduitate* conser-  
vanda. In eodem Codice *ad Probam de orando Deo* Li-  
ber, quem in libro superiori de Bono Viduali ad Julia-  
nam edito nominavit. Liber Sæculi 10mi.

CODEX 78. AUGUSTINUS de Spiritu & anima : de  
Dignitate humanæ conditionis : de Verbo Dei & anima :  
Volumen Sæculi xv.

NOTA XXVIII. *De Operibus S. Augustino  
perperam attributis.*

Libri contenti Codice 78. non sunt Augustini : putà hi *de Spi-  
ritu*

ritu & Anima rejectus ab Benedictinis in Tomi VI. Appendicem. De Dignitate conditionis humana; de Verbo Dei & Anima. De Predestinatione Dei. Cod. 77. Rejectus in Tom. X. Append. Ut Epistola ad Demetriadem, quæ Pelagii est, rejecta in Append. Tomi II. Simili crisi accurata Eruditissimi Benedictini in quovis Tomo Operum Augustini genuina à supposititiis secernunt.

CODEX 79. alt. II. lat. 9. S. PROSPERI Epistola de Gratia & libero arbitrio. De eo = quod vult omnes homines salvos fieri. Responsiones ad Capitula Calumniantium Gallorum. Responsiones contra Capitula Objectionum Vincentianarum. Item Responsiones ad excerpta, quæ de Genuensi Civitate sunt missa. Responsio S. Augustini ad Dulcitium. Ejusdem Liber Hypognoticon. Liber Sæculi romi vel 9ni.

### NOTA XXIX. De S. Prosperi Scriptis.

Codex 79. multa S. Prosperi Opera servat: Ea Anno 1630. Colonia Typo Joannis Crithii prodierunt: sed plenior & castigatior Editio est Parisina Anni 1611. cui vita præmittitur ex Operibus ejusdem commentata. PROSPER in Aquitania natus circa A. C. 426. ad Augustinum literas dedit cum Hilario, quibus respondet tantus Doctor missis celeberrimis duobus Libris de Predestinatione Sanctorum, & de Dono Perseverantiae. Augustini Magistri sui Anno 430. mortui Calumniatoribus, Vincentio & Presbyteris Genuensibus strenuè respondet. Romam cum Hilario pro-



profectus à S. CÆLESTINO defenditur, CASSIANUM & EUTYCHIANOS sub S. Leone [cujus Notarius fuit] non verò Episcopus Regiensis (ut vulgò habetur.)

Eminentissimus NORISIUS & BUCHERIUS non eunt in facias Prosperum Anno 460. adhuc vixisse : sed LABBEUS Anno 456. mortuum probabili conjecturâ autumat.

### NOTA XXX. *De Scriptore Libri Hypognosticon.*

*Liber Hypognosticon* à Benedictinis S. Mauri in Tomi X. Operum Augustinianorum appendicem rejicitur, ubi P. Garnerii nostri Librum hunc Sixto Presbytero Romano [qui Cælestino in Cathedra Petri successit] adjudicantis conjecturam non rejiciunt, sed corroborant : hoc certum nec Augustini, nec Prosperi Opus esse.

CODEX 80. alt. 13. lat. 10. In hoc Libro continentur S. AUGUSTINI variæ Epistolæ. Item Papæ CÆLESTINI, HILARII & ALIPII. Videtur esse Sæculi XII.

CODEX 33. b Epistolas S. Augustini continet & Alipii. Sæculi x.

### NOTA XXXI. *Alipii Vitæ conspectus.*

Alipius Episcopus Tagastensis, & Numidiæ Primas, amicus familiaris S. Augustini, ante utriusque conversionem ad Ecclesiam Christi ex Manichæismo, tum ejusdem in Rhetorica Discipulus

pulus Carthagine fuit. Baptizati ambo Sabbato ante Pascha Anni CCCLXXXVII. quæ erat dies XIV. Aprilis à Sancto Ambrosio. Cum S. Hieronymo amicitiam iniiit, profectus ad Loca Sacra visenda circa CCCXCIV. Eodem anno panè factus Episcopus Patriæ Urbis Tagastensis, Pelagianis oppugnandis post Augustinum Princeps extitit in Conciliis Africanis, & in Epistolis ad Romanos PP. Bis Romam profectus ob Pelagianam, aliásque causas, unde ad Augustinum misit *V. Libros priores contra Julianum*. TILLEMONTIUS *T. XII. Hist. Eccles. Comment.*

CODEX 81. alt. 10. lat. 7½ Unc. continet PRUDENTII Carmina, quæ nuncupantur, Virorum Illustrum, cum interlineari commento insulsi Grammaticastri: deest ultimum carmen quo Historias Veteris & Novi Testamenti distichis binis ternisve describit; elegantissimus Vindex & Testis Catholicæ Fidei & Disciplinæ pro Sæculo IV. & V. Liber Sæculi XI.

### NOTA XXXII. *De Prudentii Ætate.*

Prudentius Cod. hoc repræsentatus, Hispanus, Aurelii Prudentii Clementis nomen gerit. Natus Coss. Philippo & Saliâ, adeoque Anno 348. ut de se canit: nam in Cathemerini Præfatione, quam Coss. STILICONE & AURELIANO seu Anno 405. scribebat, annum ætatis 57. attigisse se testatur. Mortis annus non liquet. *LABBEUS ex Scriptoribus, quos laudat & inspexit.*

CODEX



CODEX 35. c Homeliæ S. CÆSARII Arelatenfis à  
75. ad 88vam.

NOTA XXXIII. *De Ætate & Homiliis ejusdem.*

Cæsarius circa Annum 502. in Cathedram Arelatenfis Ecclesiæ  
successit, è qua ad Superos migravit Anno 40. Sedis, die 27. Au-  
gusti Anno 542; ætatis 73. *Homiliæ* ejus, quæ in *Bibliotheca PP. Colonienfi* Tom. V. part. III. & *Judice Pagio* in *Critica Baronii* ad  
A. C. 453, nonnisi 46. extant, uti & in Parisina, variis de causis  
controvertuntur: nonnullas earum Supposititias fatetur LAB-  
BEUS *Dissert. Histor. de Script. Eccles.* At in hoc Codice mini-  
mum 88. scriptæ Homiliæ continentur, succurrunt nobis Bene-  
dictini Editores Operum S. Augustini, in cujus Operum *Tomi*  
*quinti appendicem* rejiciunt *centum & duos Sermones* Cæsarii Are-  
latensis, quæ tum Augustino, tum aliis suppositi fuere; longè  
plures ab hoc S. Viro Sermones editos, dictos, scriptos fuisse  
Benedictini Critici ponunt, nec inficiantur, quod liberaliter  
Augustini, Leonis & aliorum antecedentium Patrum Libris Cæ-  
sarius usus sit, ex iisque Sermones contexuerit.

CODEX 82. b alt. 10½ lat. 7. (a) Incipit Liber B. Eu-  
cherii Episcopi Eruditionum, sive de Quæstionibus V. &  
N. Testamenti Libri duo. Videtur Sæculi 12mi.

NOTA XXXIV. *Ætas Scriptoris.*

Eucherius Lugdunensis Episcopus *Judice Tillemontio* Tomo

XV. *Commentariorum Histor. Eccles. coævorum Sanctorum Paulini, Honorati, Hilarii, & magnorum Virorum Salviani, Mamerti, Claudiani, Sidonii &c. amicitia & laudibus celebrabatur: ante Annum 441. ascendit Cathedram Metropolis Lugdunensis, circa 450. vitam sanctam pari morte clausit:*

*Eruditionum Liber est idem, qui duo Libri Instructionum de Quæstionibus difficilioribus V. & N. Testamenti ad Salonium alterum è filiis suis, eúmque Episcopum scripti: tertium similem Librum pro Scripturæ Sacræ intelligentia misit filio suo Verano etiam Episcopo. Quos Libros SALVIANO è Colonia nostra oriundo, sed Marsiliensi Presbytero ipse misit, & ab eodem Salviano insigne Encomium tulit. Impressi extant in Bibliotheca Colon. SS. Patrum Tomi V. part. I. à pag. 756.*

**CODEX 83.** alt. 9. lat. 8. Unc. **CASSIODORUS** Senator de Orthographia ex Veteribus Grammaticis collecta, putà ex Martyrio Adamantio de mediis & ultimis syllabis, tum ex aliis variis Grammaticis. Liber Sæculi 9. vel 10mi.

**CODEX 83.** alt. 16. lat. 12. In fronte Libri: Codex S. Petri scriptus sub pio Patre **HILDEBALDO** Archiepiscopo. **DIONYSII** exigui de *Communibus & Embolimæis annis*: igitur Sæculi octavi aut noni nascentis Codex est.

NOTA



NOTA XXXV. *De Operibus Dionysii Exigui.*

Codex LXXXII. DIONYSII Exigui quædam nobis exhibet: Viri natione Scythæ, Professione Monachi & Abbatis Romani Monasterii, græcè & latinè periti. Florebat initio Sæculi sexti, Cassiodoro Senatoricoævus, & laudatus. Cyclum suum Paschalem ab Anno Christi DXXVII. *Olybrio Solo Coss.* orditur; iudicibus *Petavio & Bucherio.* OUDINUS, & alii anno antecedente inchoatum ponunt. Geminam ejus Epistolam *de Ratione Paschæ* scriptam *PETAVIUS* in *Appendice Tomi II. de Doctrina Temporum* edidit; uti & S. PROTERII Alexandrini Episcopi ad LEONEM PP., quam Dionysius de Græca Latinam fecit.

CODEX 84. alt. 19. lat. 12. Codex Sæculi XII. In Expositione Beati Job Moralia GREGORII Papæ Beatissimi per contemplationem scripta sive subscripta Libri quinque. Pars prima: incipit Prologus Explanationis in Sancto Job. *Hæc omnia uncialibus literis.* Incipit in expositione Beati Job Moralia Gregorii per contemplationem subscripta. Pars secunda Libri quinque. Deo gratias Amen. *Explicit Liber decimus. Pars secunda.* Hic Sanctus Gregorius Papa Ecclesiæ Romanæ hanc partem tertiam super Librum Beati Job, qui dicitur Moralia in prolixo opere ostendit. *Hæc omnia uncialibus literis.*

NOTA XXXVI. *De Operibus editis & Vita  
S. Gregorii PP.*

S. Gregorii Magni Opera, accuratissimâ Operâ edidêre Clarissimi Monachi Benedictini è Congregatione S. Mauri Tomis IV. Parisiis 1705. quorum crîsin tum Præfatio Generalis, tum Notæ & Præfationes ad singula Opera adjectæ commonstrant.

Natus est Romæ Patre Gordiano Senatore; à PELAGIO II. P. R. S. R. E. Diaconus creatus & Apocrisarius mittitur Cpolim ad Mauritium Augustum Anno 582. Anno 590. successit eidem Pelagio in Cathedra S. Petri, consecratus 3. Septembris, quam tenuit annis XIII. menses 6. dies 10. usque ad 12. Martii Anni 604. quo ad Cœlum abiit.

Opera Sanctissimi Gregorii à Cod. nostro 84. ad 96. recensentur. Codices 97. & 82 *b* Paterii Discipuli S. Gregorii excerpta habent, quæ Benedictini in *quartum Tomum Gregorianorum Operum* rejecerunt, cum Vita S. Gregorii per Joannem Levitan scripta, & nostro codice 96. legenda.

CODEX 85. alt. 13. lat. 9. Incipit doctrina Dogmatis Ecclesiastici secundum Nicænum Concilium, dein Homiliæ S. Gregorii in Evangelia. Incipit = Credimus unum esse Dominum Patrem Filium & Spiritum Sanctum. Finis = *Quid autem est solvere Jesum, nisi humanam ab Eo separare naturam, & Sacramentum Divinum, per quod salvati sumus.* Refertur in Appendice Tomi III. à Benedictinis Operum S. Gregorii M.

CODEX



CODEX 86. alt. 14. lat. 10. Unc. Expositio GREGORII Papæ in Evangelia, mutila in principio & in fine. Præfert Liber in principio numerum Anni MCXXI. Unde videtur Sæculi XII.

CODEX 87. alt. 10½ lat. 8. Incipit Liber *Sacramentorum de Circulo Anni expositus à S. GREGORIO Papa*, in fine variis manibus varia addita sunt, & Liber mutilus, videtur Sæculi 10. aut 11mi.

CODEX 88. d alt. 11. lat. 9½ Incipit Liber *Sacramentorum de Circulo Anni à S. GREGORIO editus*. Characteribus quadratis in primo folio, in secundo & tertio rubro deauratis. Sæculi decimi.

CODEX 89. alt. 11. lat. 8. Præmissò indice sequitur *Liber Pastoralis GREGORII Papæ* hoc initio = *Pastoralis Curæ me pondera fugere delitescendo voluisse benignâ Frater charissime atque humillimâ intentione reprehendendum*. Continet Capitula 60. Liber Sæculi 14ti.

CODEX 90. alt. 11½ lat. 8½ Continet *Dialogos GREGORII Papæ* Libris quatuor, deinde *Liber Regulæ Pastoralis* N<sup>ro</sup> 124. olim notatus. Sed hic nitidiore calamo scriptus. Liber Sæculi 15ti, ut notatur in fine hoc modo = *Expliciunt Pastoralia B. Gregorii Scripta per manus*

*nus Dni Theodorici de Alckmaria studentis in Colonia Anno 1459.*

CODEX 91. alt. 10. lat. 7½. Continet Canones & Decreta S. GREGORII Papæ ad varios. Liber Sæculi 15ti.

NOTA XXXVII. *In Registrum S. Gregorii Papæ.*

Codex 91. 92. 93. 94. 95. continent Libros XII. Epistolarum, quas *Registrum* compellamus, in iis reperies ferè univèrsam Jus Canonicum Sæculi sexti exeuntis & septimi nascentis Christiani; Ea, quæ Libro 2do, 28va numerabatur Epistola *de Privilegiis S. Medardi Monasterio Sueßionensi concessis*, à Benedictinis rejecta fuit in appendicem, cujus Epistolæ corruptelas & falsitatem jam PERRONIUS, SIRMONDUS, LAUNOIUS, aliique notaverant; habuit tamen novum Hyperaspisten.

CODEX 92. alt. 16. lat. 11½. In fronte Libri : Codex S. Petri sub pio Patre HILDEBALDO scriptus. Continet Capitula Epistolarum B. GREGORII Papæ. Ergo Sæculi octavi.

CODEX 93. alt. 16. lat. 11. Incipiunt Capitula Epistolarum GREGORII Urbis Romanæ Papæ. In fine : Explicunt Capitula Epistolaris B. Gregorii sub pio Patre HILDEBALDO scriptus, atque BEATO VICTORI traditus. Igitur Sæculi octavi.

CODEX 94. alt. 15. lat. 10. Epistolæ GREGORII Papæ Imi. Sæculi x. vel xi. CO-



CODEX 95. alt. 13½ lat. 8. Unc. Epistolæ S. GREGORII Papæ. Sæculi XI. vel XIIIMI.

CODEX 96. *a* alt. 13. lat. 10. Continet JOANNIS LEVITÆ Libros 4. de Vita S. GREGORII Papæ.

CODEX 96. *b* Item excerpta de Opusculis B. Gregorii. Finis = *Per ferrum enim mala adversantia penetrat, per æs, bona quæ proposuit, longanimiter servat.* Sæculi XIII.

CODEX 97. alt. 11½ lat. 8. In Nomine Sanctissimæ Trinitatis, incipit Liber Testimoniorum Veteris Testamenti, quem PATERIUS de Opusculis S. Gregorii Papæ Urbis Romanæ cum summo studio excerpti curavit. Liber Sæculi XI.

CODEX 82. *a* B. Paterii Discipuli S. Gregorii in expositione V. Testamenti, tres Libri primi in Genesin, Exodum, Leviticum, excerpti è variis Libris S. Gregorii PP.

### NOTA XXXVIII. De S. Paterio.

Codices 96 *b* 97. & 82 *a* servarunt nobis *Paterium* Romanæ Ecclesiæ sub Gregorio Magno Notarium & Secundicerium, cujus à Gregorianis Operibus excerpta testimonia ipso Sanctissimo Pontifice adhortante & comprobante, hætenus manca, inte-

gra primi ediderunt Laudatissimi Monachi Benedictini Congreg. S. Mauri Tomi IV. Operum S. Gregorii parte II... Idem præter Vitam à Joanne Levita scriptam nostro Cod. 96. contentam, Vitam Gregorianam à Paulo Diacono Sæculo octavo concinnatam, tertiam denique chronologicè digestam, & à se ex Operibus jam editis collectam emiserunt primâ parte Tomi IV. Operum S. Gregorii.

CODEX 98. alt. 10 $\frac{1}{2}$  lat. 8. Unc. Commentarius ISIDORI in Pentateuchum, Josuam, Judicum, Librum primum Regum & secundum mutilus. Liber Sæculi 13tii.

NOTA XXXIX. *De S. Isidori Vita & Libris.*

De S. Isidoro Hispalensi habemus Codices quinque 98. 99. 83*b*, 100, 101. Est hic Doctor Sanctus sollicitè discernendus ab *Isidoro Mercatore* seu Peccatore itidem Hispano, de quo in Classe IV. multus sermo erit. Hic, cujus Opera Colonia excusa fuerunt Anno 1617. Natus fuit in Provincia Carthagenensi, Hispalensis in Bætica Archi-Episcopalis Ecclesiæ Pastor fuit annis XL. nempe ab Anno Christi 595. ad Annum 636, Æræ Hispanæ [ quæ Christianam 138. annis antecurrit ] 874. die IV. Aprilis MARIANA, BARONIUS, POSSEVINUS, VOSSIUS, LABBEUS, DUPINIUS copiosam crisin ejus in Opera ediderunt.

In Codicis 83*b* inscriptione dicitur *Junior* hic Hispalensis, ut discer-



discernatur ab Isidoro Hispano, item Cordubensi Episcopo, & Commentatore Librorum Regum, qui HONORIO & THEODOSIO II. imperantibus florebat.

Huic igitur Hispalensi Chronicon vindicat & attribuit GARIAS DE LOAISA Canonicus Toletanus ejusdem editor & emendator, dissentiente Bellarmino, quanquam supersit & aliud Chronicon breve, quod ab Isidoro Pacensi Episcopo, qui Isidorus Junior etiam audit, scriptum fuit.

Isidori de Divinis Officiis binos, & antiquissimos Codices dedit mutuos Hittorpio Metropolitana Nostra Bibliotheca: Gratus id testatur in Præfatione Anni 1568. Unus nunc superest. AMALARIUS, quem ex eadem commodatum habuit, non est super.

CODEX 99. alt. 9½ lat. 7. Unc. In Nomine Domini Summi. Incipit Liber S. ISIDORI Procemiorum (id est Præfationum) de Libris Novi & Veteris Testamenti, eâ plenitudine, quam in Canonica Catholica recipit Ecclesia juxta vetustam Traditionem. In eodem Codice Liber Testimoniorum S. ISIDORI. Caput primum de diebus, Caput quadragesimum sextum & ultimum de Monte Etna, & partibus terræ. Incipiunt differentiæ Isidori Episcopi. Liber Sæculi 10. vel 11.

CODEX 83 b Chronica ISIDORI Junioris. Hildebalatinum Volumen.

CODEX 100. alt. 15. lat. 10. Continet ISIDORI  
G 2 Libros

Libros de Summo Bono & diversis Documentis. Sæculi x. vel xi.

CODEX 101. alt. 13. lat. 9. Continet ISIDORUM *de Divinis Officiis*, incipit = *Dominomeo & Dei Servo Fulgentio Episcopo Astigitano post Carthaginensi, Fratri suo, Isidorus Episcopus*: Finit = *Ut sermo noster paternis Sententiis firmetur*. Liber Sæculi x.

CODEX 102. alt. 12. lat. 9½ Continet hic Liber Doctrinam temporum, in initio mutilus est. Videtur Sæculi 9ni & BEDÆ. In medio videtur esse alia manus, & Capitulum incipit, *de sex Sæculi hujus ætatibus*, finis = *de sex hujus Mundi ætatibus, ac septima vel octava quietis vitæque cœlestis, & supra in comparatione primæ hebdomadis, in qua mundus ornatus est, aliquanta perstrincimus*. Sæculi 10. vel 11. videtur mancus.

### NOTA XL. In Bedæ Libros.

De Venerabilis Bedæ Literariis Monumentis quinque Volumina Ms. nostram ætatem attigerunt: 102. 103. 83. c 104. 105. notatis. Opera ejus omnia edita fuerunt Colonia 1612. Sumptu Hierati & Gymnici, Tomis octo in Folio.

Beda Britannus ex Anglo-Saxonum Gente nascitur Anno 673. à teneris annis Monachum induit, S. Benedicti institutum Professus. Obiit Anno 735. 16. Maji, de quo Scriptores veteres Angli,



Angli, & Germani, Belgæ, Franci, magna encomia conges-  
ferunt. PITSEUS, GUILLELMUS CAVE Opera enu-  
merant & recensent.

In iis, quæ de Computo Ecclesiastico & Chronologicis scripsit  
*Beda*, USSERIUS ARMACANUS, SCALIGER,  
PETAVIUS, & BUCHERIUS inspiciendi & consulendi.

CODEX 103. *a* alt. 12. lat. 8. Codex S. Petri sub  
pio Patre HILDEBALDO scriptus. Continet BEDAM  
de Temporum ratione.

CODEX 103 *b* Præmittitur Cyclus Lunæ & Solis ex-  
pansus. Sequitur Calendarium cum rarissimis Sanctis.  
Subjunguntur viginti Cycli Dionysiani cum Indictioni-  
bus, Epactis, Solis & Lunæ, & die Paschali, ab Anno  
Christi 532. ad Annum Christi 1063. tum Beda de Com-  
puto & de Sex Ætatibus Mundi. Liber Sæculi 8vi.

CODEX 83. *c* BEDA de Computo. Ejusdem Sæculi  
VIII. Liber.

CODEX 104. alt. 13. lat. 9. Commentarius BEDÆ  
in Epistolas Pauli usque ad Commentarium in Epistolam  
ad Thessalonicenses, qui mutilus est in fine. Sæculi XI.

CODEX 105. alt. 12. lat. 9. Expositio BEDÆ in Pa-  
rabolas Salomonis. Eousque = *Fallax gratia & vana*  
G 3 *pub*

*pulchritudo, laudent eam in portis opera ejus.* Liber Sæculi 13tii.

CODEX 106. alt. 13. lat. 9. ALCUINI ad ARNONEM Episcopum Salisburgensem Commentarius in Psalmos cum variis Orationibus. Cum dictis Bedæ.

NOTA XLI. *De Alcuino.*

Quatuor sequentes Codices 106, 107, 108, 109. ad Albinum seu Alcuinum spectant. Est hic, uti Beda, natu Britannus, sed de Germania, Francia, Italia tam præclarè meritis, quàm de sua Patria Beda. A CAROLO enim Magno circa annum 790. evocatus non solùm studiis tanti Regis, Literariæ Rei in Occidente Restauratoris ac Promotoris munifici interfuit, & præfuit, verùm & Catholicam Fidem, & Sacræ Scripturæ intelligentiam, & Sacræ Theologiæ & Liberalium Artium & Historiæ modis omnibus illustrandæ docendæ & discendæ Princeps & Dux fuit suo Sæculo; ideóque Regi Carolo carissimus Perfamilialis, multis Monasteriis Præfectus, celebrandis Synodis Consiliarius & Doctor adhibitus. Sancto fine vitam illustrem clausit die Pentecostes, quæ erat 19. Maji anni 804.

Angli Historiographi *WILHEL. MALMESBURIENSIS, ROGERIUS Hovedenus, MATTHÆUS WESTMONASTERIENSIS, PITSEUS, GUILLIELMUS CAVE*, tum Franci & Germani Scriptores Personæ laudandæ, & Ms. edendis insudarunt certatim.

CODEX



CODEX 107. alt. 14. lat. 10. Continet Tractatus ALBINI Magistri, in prima parte Joannis Evangelistæ. Ultimus versus est = *Et scio, quia mandatum ejus vita æterna est.* Dicatus est Liber Devotissimis & Deo dicatis Virginibus ZYSLÆ SORORI & RICHTRUDÆ FILIÆ. Videtur Liber Sæculi IX. & coævus Authori. Titulus est literis uncialibus scriptus.

CODEX 108. alt. 13½ lat. 10. Idem qui supra, sed primæ Præfationis ad ZISLAM & RICHTRUDAM initium deest, deinde Commentarius totus est, usque ad ultimum Caput Joannis. Duo ultima folia ambesa. Videtur Sæculi X.

CODEX 109. alt. 14. lat. 9. Commentarius in Evangelium S. Joannis constans quinque Libris prioribus (nam VII. scripsit ALBINUS) deest unum aut alterum folium in initio = Finis = *Via querentibus, Veritas invenientibus, Vita permanentibus.* Est Albini juxta inscriptionem.

CODEX 71. b PASCHASII RATBERTI de Sacramento Corporis & Sanguinis D. N. J. C. ad Placidum Liber. Sæculi XIII.

NOTA XLII. In Libros & Orthodoxiam Paschasii.

Codex 71. b servavit Nobis Librum de Sacramento Corporis

&

& Sanguinis D. N. J. C. *ad Placidum* multiplici typo recusum, & multarum Controversiarum Materiam, sed Catholicum esse Doctorem, & de Sacramento Eucharistiæ, Catholicæ Doctrinæ consentire, Catholici jam dudum demonstrarunt contra Sacramentarios Hæreticos. Legendus *NATALIS ALEXANDER Dissert. X. in Sæculum nonum Christianum*. Vindex strenuus Orthodoxiæ Paschasii. Obiit Anno 851. die 26. Aprilis, Abbas Cœnobii Benedictini, S. Petri Corbeiensis ad Somonam in Diœcesi Ambianensi. Vide *JACOBUM SIRMONDUM & CELLOTIUM, LABBEUM in Dissert. Historica de Script. Eccles.* Colonia excusus hic Liber in Bibliotheca PP. Colon. Anni 1618.

CODEX 110. alt. 12. lat. 8. RABANI MAURI Libri tres *de Institutione Clericorum* ad HAISTOLPHUM Archi-Episcopum. Liber Sæculi 10. vel 11.

NOTA XLIII. *De Rhabano Archi-Episcopo Moguntino.*

Hic RHABANUS MAGNENTIUS MAURUS, plurimis Scriptis editis Clarissimus, quos omnes Colonia 1627. Antonius Hieratus VI. Tomis in folio edidit, nunc rarissimos, cum plura singulari Typo ex Rhabanianis Operibus Colonia ante excusa fuissent, puta *Commentarii in Genesin, & Exodum Libri VIII. Anno 1532. Typo Joannis Præel*: Eodem Anno & Typo prodierunt tres Libri *de Clericorum Institutione ad Heistulphum*, qui Anno 826. V. K. Januarii è vivis abscessit.

Natus



Natus Hrabanus Fuldae [ut Epitaphium docet] non Moguntia (et si *Labbeus* id ex Epitaphio etiam liquere affirmet) in Patria Urbe Regulam S. Benedicti professus, in Galliis & fortè an Parisiis, aut Turonibus ALBINUM Magistrum sacrae & profanae Scientiae nactus dignum se tanto Duce ostendit. Fuldam reversus, Doctrinâ & Sanctimoniâ illustris, Scholam celeberrimam, multorum post Prælatorum parentem, moderatus est; Abbas creatus anno 822. ad 842. ducentorum & septuaginta Monachorum Pater, quorum nonnulli causati Rabanum, quasi nimis addictum scripturis, ac temporalia negligentem, Monasterio abire coegerunt: unde ad Ludovicum Pium gratissimus hospes venit, & defuncto OTGARIO Moguntino in Cathedram ejus sufficitur anno 847, in qua tres Synodos celebravit: Secundæ, contra GOTTESCALCUM & Prædestinianos celebratæ, interfuit & subscripsit HATTABALDUS noster Archiep. Obiit anno 856. *Brœverus Rerum Maguntiacens. Lib. V.* Ejusdem Allegorias in universam Scripturam habet Codex membranaceus Collegii Colonienfis S. JESU.

CODEX III. alt. 12½ lat. 10. Unc. Continet Apocalypsin S. Joannis, & Expositionem HAYMONIS in eandem. Quæ incipit = Legimus in Ecclesiastica Historia. Finis = *Unde & Paulus more hujus locutionis suas Epistolas Ecclesiæ ordinavit, ut à Gratia inchoaret, & in Gratia terminum poneret.* Liber scriptus variâ manu Librariorum inter Sæculum 8. & 10. m.

NOTA XLIV. *De Haymone, sæpius Coloniae edito.  
Vitæ Compendium.*

Codex CXI. Haymonis Episcopi Halberstadiensis, Rabano coævi, & sub Alcuino in Turonensi Cœnobio Condiscipuli, interpretationem in S. Joannis Apocalypsin ad Nos transmissit, cum ejusdem Homiliæ ex Mss. Colonienfibus 1534. 1540. in Psalmos explanatio, quam *veluti spiritualis Aquila ex omnium Veterum hortis ac pratis florentissimis decerpfit*, Coloniae, Anno 1533. 8<sup>vo</sup> In Esaiam Lib. III. Anno 1531. excusæ fuissent prælo Colon. in 12<sup>mo</sup>, in Prophetas & Cantica Canticorum, Anno 1533.

Haymo natus Anglo - Saxo, Venerabilis Bedæ Nepos, circa 778. lucem vidit. Alcuinum Magistrum circa 791. ex Anglia Turones in Francia adiit, & cum Rabano ejusdem cellæ contubernalis Magistrum audiit: Hinc Fuldam profectus, habitum S. Benedicti induit, & cum Rabano Romam denuo audiendi Alcuini causâ profectus, sexennium tanto Doctori in Urbe operam dedit: revocati ambo ab Abbate Fuldensi fuere: Haymo 150. Fuldensibus, dein Corbeiensibus, demùm Hirschfeldensibus postulatus Magister Theologiam explicavit. Anno 840. ab LUDOVICO Germaniæ Regenuncupatur Halberstadiensis Episcopus. Ecclesiam Cathedralē & Scholam publicam & Bibliothecam instituit: in iisque Verbo Divino prædicando, docendo, interpretando Canonicos suæ Ecclesiæ, & universam Diocesin illustravit. Scripsit Commentarios in Biblia, Homilias, & Eusebiani Chronici Compendium fecit.



Synodo Moguntinæ Anno 848. contra Gotteschalcum interfuit & subscripsit. Obiit magnâ Sanctimonix & Doctrinæ famâ Anno 853. 27. Martii. Hæc ex Clarissimi Viri Samuelis Lentzens *Historiâ Diplomaticâ Halberstadiensi* excerptimus, Anno 1749. Hallæ impressa: & Reverendissimi ac Serenissimi D. S.R.I. Principis Josephi Hohenloio-Pfedelbachii, Metropolitanæ Nostræ Canonici Capitularis, dono mihi communicatâ. Quod Gratitudeis ergo taceri non decebat.

CODEX 62. d. REMIGII ex Autissiodorensi Monacho Remensis Archi-Episcopi (qui extremo Sæculo nono vixit) Commentarii in omnes Davidis Psalmos: excusi Colonix Anno 1536. & in Bibliotheca Coloniensi Veterum PP. recusi Anno 1618. *Tomo IX. parte II.*

### NOTA XLV.

In Cod. 62. d. extat Commentarius in Psalmos Davidicos, Remigio Autissiodorensi demum vindicatus à TRITHEMIO & LABBE O, nam ante tribuebatur S. Remigio, qui Sæculo VI. extremo CLODOVEUM baptizavit. Fuit post FULCONEM Archi-Episcopus Remensis Ecclesiæ circa 899. ad cuius Ecclesiæ Scholas regundas ante evocatus fuerat ex Cœnobio Benedictino S. Germani. *LABBE Dissert. Historicâ de Scriptoribus Ecclesiasticis.*

CODEX 112. alt. 10. lat. 7. RUPERTI Abbatis de Glorificatione Trinitatis. Dedicatus Beatissimo Petro.  
H 2 Post

Post Dedicationem sequitur Index Capitum Librorum octo. Liber Sæculi 13tii.

NOTA XLVI. *De Ruperto Tuitiensi.*

Ex tot Ruperti Tuitiensis Abbatis Operibus, quorum accuratissimum Catalogum GERBERONUS ejusdem Hyperaspistes edidit, unum nobis Ms. servat Codex CXII. *de Glorificatione Trinitatis*. Rupertus ex Benedictino Asceterio Leodiensi Celeberrimo sub Titulo S. Laurentii, à Friderico A. C. ob Doctrinæ & Sanctitatis famam evocatus, præficitur Cœnobio Tuitiensi ejusdem Ordinis circa 1126. in quo vitam clausit beato fine Anno 1135. 11. Nonas Martii. Encomia ejus populares & exteri celebrarunt, *Biographus Virorum Scriptorum Cœnobii Laurentiani Leodii*, TRITHEMIUS, MATTHIAS AGRITIUS, *Illustris. GELENIUS de Col. A. magnit. Lib. III. Syntag. XIV.*

Colonienſe prælum ejusdem Opera variis annis varia emiſit publico bono.

CODEX 78. *b.* PETRI BLESENSIS super Jobum Compendium, ſive Explanatio in duo priora Capita Jobi.

NOTA XLVII. *Ætas Scriptoris.*

Petrus Bleſenſis primùm Pariſienſis Episcopii familiaris, dein ex Canonico Bituricenſi, Eccleſiæ Bathoniensis in Anglia Archidiaconus, ac ſubin Londinenſis & Cantuarienſis Archi-Episcopii Cancellarius circa 1200. vitâ ſundus exiſtimatur. Ejus Opus unum, nempe Explanatorem in Job Codex 78. præter alia Nobis tranſmiſit.

CLASSIS



# CLASSIS TERTIA.

## JUS ECCLESIASTICUM ANTIQUUM.

CODEX 113. alt. 20. lat. 12. Unc. Continet *Decretales Pontificum* à DAMASO Papâ ad HADRIANUM, deinde aliquot *Canones* Conciliorum Generalium Ephefini, Chalcedonensis, Constantinopolitani secundi. Liber scriptus jussu S. HEREBERTI Archi-Episcopi, qui sedit ab Anno DCCCCXCIX. ad MXXII.

CODEX 114. alt. 17. lat. 15. Continet *Decretales* à CLEMENTE Papa ad S. GREGORIUM MAGNUM. Optimæ notæ Liber.

CODEX 115. alt. 15. lat. 11. In Nomine Domini, incipiunt Tituli Canonum, Apostolorum. Canonum Concilii Ancyрани, XXIIII. Neocæsariensis, XIII. Gangrensis, XX. Antiocheni, XXV. Laodicææ Phrygiæ, LVIII. Apud Constantinopolim, III. Chalcedonensis, XXVII. Sardicensis, XXI. Apud Carthaginem, XXXIII. Diverforum Conciliorum *Africanæ Provinciæ*, CV. *Decreta Pontificum*, SIRICII, numero XV. INNOCENTII, LVII. ZOSIMI, III. Bonifacii, IIII. Cælestini, XXII.

Leonis XLVIII. Hilarii, VI. Simplicii, II. Felicis, I. Gelasii, XXVIII. Anastasii, VIII. Symmachi, V. Felicis, III. Gelasii, VIII. Hormisdæ, IV. Gregorii Junioris seu II. qui obiit DCCXXXI. Decreta XVII. Codex scriptus sub pio Patre HILDEBALDO Archi-Episcopo.

CODEX 116. alt. 14. lat. 9 $\frac{1}{2}$  continet *Canones Apostolorum*, *Conciliorum* Nicæni, Cæsariensis, Gangrensis, Antiocheni, Laodicensis, Regulas Concilii Constantinopolitani. Textus Chalcedonensis Concilii, Canones Sardicensis, Canones Concilii Carthaginensis. Incipiunt Canones Conciliorum diversorum Africanæ Provinciæ. Codex Sæculi IX. aut VIII.

CODEX 117. a. alt. 12. lat. 9. continet Ecclesiasticas Regulas Ss. Apostolorum, numero quinquaginta. Sequitur Constitutio & Fides Nicæni Concilii, continentis Canones viginti. Sequuntur Canones Ancyrani XXIV. Neocæsarienses XIV. Gangrenses XX, & cœteri, uti Codice 115. Sequuntur Africana Concilia, deinde incipit de Ordine Pœnitentium.

COD. 117. b. *Sequitur Dialogus* de Canonibus & variis Ecclesiasticis ceremoniis, ex variis Patribus collectus.

CODEX



CODEX 117. *c. Liber primus Canonum antiquorum, & Ordo Poenitentium. Videntur Sæculi decimi : quæ sequuntur Ecclesiastica, videntur post Sæculum decimum scripta.*

COD. 117. *d. In fine adnexa est Synodus Ticinensis anni 868. pro causa Guntharii, depositi à Papa, cum Epistola Synodica ad PP. Nicolaum, hæctenus inedita.*

Eandem Synodum fuisse habitam hoc anno, consequens est ex Epistola Nicolai I. PP. LXXIVta, scripta ad Episcopos in Regno Ludovici constitutos, pridie Kalendas Novembris ejusdem anni, qua reprehendit eos, quod Theutgaudum, & Guntharium suis Gradibus restitui cuperent : qui revera est finis Synodi hujus Ms. Videatur *Natalis Alexander ex Ordine Prædicatorum, clarissimus Crites, Sæculi noni Christiani Dissertatione IX. de Divortio Lotharii & Theutbergæ.*

NOTA XLVIII. *De Collectoribus Canonum Ecclesiasticorum primo Millenario.*

Post Fidei Dogma in Scripturis Sacris contentum, post Fidei Dogma non scriptum, sed Traditione perenni Ss. Patrum in & extra Concilia ad nos transmissum [ quæ in prima & secunda Classe digessimus ] progredimur ad Canones, seu Regulas Ecclesiasticas, quibus Ecclesia Christi regitur, & in Ordine Hierarchico conservatur.

Hi

Hi Canones à diversis Episcopis & Conciliis, tum Oecumenicis, tum Minoribus, in Ecclesiis Orientalibus, Africanis, & Europæis successu temporum editi, in unum Corpus redigi cœperunt, quarto & quinto Sæculo.

Id ipsum testatur DIONYSIUS EXIGUUS, origine Græcus, sed Incola & Abbas Romanus, sub Justiniano Imp. florens & scribens, & primus *Nomine* Nobis notus Collector Canonum, qui præfatus suæ Collectioni, testatur *priscam translationem latinam* Canonum Græcorum longè ante sua tempora in Occidente fuisse; sed ejusdem translationis *Confusione*, seu Obscuritate Scribentium, nescio quam, à se postulasse iteratam, nempe clariorem Canonum Græcorum translationem in Latinam linguam: quod demum præstitit, & CXXV. Canones collegit. Puta, præter Canones, qui dicuntur Apostolorum L., Concilii Nicæni XX., Dein Synodorum, ante & post Nicænam celebratarum, Ancyrani Concilii Canones XXV., Neocæsariensis XIII., Gangrensis XX., Antiocheni XXV., Laodicæni LIX., Constantinopolitani III., Universum Corpus Canonum Orientalis Ecclesiæ CLXV.

His post ab alio additi Canones Græci, Cpolitani III., Ephesini Concilii VIII., Chalcedonensis XXIX., quos omnes, simul CCVII. *Iustellus* Græco-Latinos edidit, & *Codicem Canonum Ecclesiæ Universæ* nuncupavit. Contradicente SCHELESTRATE; *Antiquitatis illustrata* parte II. Diff. II. Cap. VIII.

Dein Dionysius idem Statuta Sardicensis Concilii, & *Africanorum diversorum Conciliorum*, apud Carthaginem, seu Canones  
Lati-



Latinos CXXXVIII. collegit. Hæc *Collectio Canonum Dionysii Exigui* vocatur, & à Conciliorum Editoribus primo loco merito collocatur. Idem Testibus *Justello, Schelestrateo, Holstenio* edit *Decretales Literas* Romanorum Pontificum octo, puta SIRICII, INNOCENTII, ZOSIMI, BONIFACII, CÆLESTINI, LEONIS, GELASII & ANASTASII, videlicet ab Anno Christi 385. - ad 494.

Post hunc Dionysium alii atque alii Collectores Canonum existitè, ilque semper auctiores tum Græci, tum Latini Scriptores; *Joannes Scholasticus* in Oriente, *Fulgentius Ferrandus* in Africa, *Martinus Bracarenfis* in Lusitania, HADRIANUS Papa, & *Romana Ecclesiæ Collectio Canonum CAROLO MAGNO* transmissa, quæ ex Ms. Codice, *Moguntino Typo*, prodit Anno 1525.

Eadem in *Bibliotheca juris Canonici* recusa fuit *Tomo I.* hoc Titulo : „ *CODEX CANONUM ECCLESIASTICORUM DIONYSII EXIGUI*, sive Codex Canonum „ Vetus Ecclesiæ Romanæ, ab Hadriano Papa I. Carolo M. Romanæ quondam oblatus, hac postrema editione à mendis expurgatus, *Parisis*, 1661. per Justellum & Voellum editus. *SCHELESTRATE Antiq. illustr. part. II. Diff. II. C. X.*

Et hæc Editio Dionysiana Canonum, inest tribus Codicibus 115. 116. 117. nostræ Bibliothecæ, in quibus Versiones Latinæ Canonum tum Apostolicorum, tum Nicæni & alii Græci sunt à Dionysio Exiguo, uti HARDUINUS eos edidit, non ex Versione *Gentiani Herveti*, nec ex Versione *Isidori Mercatoris*,

quas Harduinus etiam edidit, ut discrimen interpretationis Dionysianæ, & Isidorianæ omnibus appareat. Unde iterum Antiquitas horum trium Codicum demonstratur.

### NOTA XLIX. *Isidori Mercatoris Collectio Canonum.*

Inter Collectores Dionysio posteriores celebrior extitit Hispanus Scriptor sub Nomine ISIDORI MERCATORIS vel PECCATORIS Sæculo Octavo adulto florens (adeoque certò alius à S. Isidoro Hispalensi) qui Collectionem Canonum Dionysianâ longè ampliorem adornavit circa A.C. 775. quam in Germaniam primus intulisse videtur RICOLPHUS defunctus 814. Archiepiscopus Moguntinus, unde ex hac Collectione *Isidoriana*, multa in *Capitularia Francorum* ab *Ansegiso* derivata legimus Decreta & Canones ante eam diem ignorata.

*Collectionem Isidorianam*, quæ à Canonibus Apostolorum & Decretalibus CLEMENTIS I. PP. perducitur usque ad GREGORIUM MAGNUM, in quo definit, genuinam edidit JACOBUS MERLINUS Doctor & Pœnitentiarius Ecclesiæ Parisinæ: Anno 1524. *Parisiis*, duobus Voluminibus, quæ sexennio post Coloniae Typo *Quenteliano* recusa fuit Anno 1530. additis paucis Epistolis Pontificum Gregorio Magno posteriorum. Eadem Collectio secundâ vice Coloniae prælum subiit Anno 1538. adjuvante PETRO CRABBE *Machliniensi Franciscano de Observantia*.

LAURENTIUS SURIUS Cartusiæ Coloniensis Lumen, tertio prælo Coloniensi eam Collectionem vulgavit, jam quinque Voluminibus auctam. SEVERINUS BINIUS Metropolitanae



litanæ Nostræ Canonicus Presbyter multis titulis eximius, Anno 1606. quinque Voluminibus Isidorianam Collectionem semper auctiorem *Colonia* publicavit. Idem demum Anno 1618. novem Voluminibus locupletatam Isidorianam quintùm emisit.

Codices nostri CXIII. CXIV. Isidoro Mercatore posteriores sunt, ejusque Decretales continent, adeoque sub A. C. 800. aut paulò post scripti fuère.

**NOTA L.** *Judicia Criticorum de utraque Collectione.*

*Dionysiana Collectio* Canonum Græcorum, Latinorum, & Epistolarum Pontificiarum genuina legitima est: & ab Ecclesia recepta, ac probata. Non verò eo sensu recepta est, quasi extra eam nulla Concilia vel Canones recipiat Ecclesia; quo argumento negante *Baluzius* & *Launoïus* quandoque abutuntur. Certum enim est Concilium *Eliberitanum*, *Arelatense primum & secundum*, *Romanum sub Melchiade*, & plura alia in Dionysiano Codice non extare, quæ Ecclesia universa tamen recipit.

*Canones L. Apostolorum*, quos Dionysius præmisit, non fuisse ab Apostolis conditos, concors est Eruditorum Sententia. Sunt tamen perantiqui, ante Synodum Nicænam noti; ex Epistola **CONSTANTINI IMPERATORIS**, in qua ad *Eusebium & Antiochenos scripta* eos laudat. Quare mediâ viâ incedens Illustrissimus **ANTONIUS AUGUSTINUS** *Dialogo VI. de Emendatione Gratiani*: sic eos abjudicat Apostolis, ut tamen ab Ecclesia Occidentali eos probari & recipi fateatur. *SCHLESTRATE Antiq. illust. p. II. diss. II. cap. I. n. 146. & seqq.*

*NATALIS ALEXANDER* *Histor. Eccles. Sæculi I. dissert. XVIII.* *PAGI* ad A. C. 100. n. IX. X. XI. docens, quo sensu Apocryphi dicti fuerint à Gelasio Papa: *TILLEMONTIUS* Tomo II. *Commentarior. Ecclesiasticor.* p. 165. ostendens, nec ab Apostolis, nec à Clemente I. PP. eos conditos fuisse.

Aliter sentiunt Viri Critici *de Isidoriano Opere*, quod ab 80. Episcopis & Servis Dei, in Hispania compellatus concinnavit. Hoc primum in Hispania, tum in Gallia teste Hincmaro; imò & in Italia receptum fuit veluti Genuinis ex fontibus haustum; cùm HADRIANUS PP. ANGILRAMO Metensi Episcopo inter varia Capitula Canonica quædam ex Isidorianis admixta traderet.

Post NICOLAUS PAPA in Germaniis & Galliis, & usque ad eò in Oriente hanc Collectionem promovit.

Magna igitur fuit per VIII. Sæcula hujus Collectionis Autoritas, quâ GRATIANUS in Italia, RHEGINO, & BURCHARDUS in Germania, IV O in Gallia fidenter usi sunt.

### NOTA LI. *De Decretalibus Pontificiis ante Siricium.*

Verùm inter multa bona quædam sublestæ fidei eidem Collectioni irreperunt, nempe Decretales Epistolæ Pontificum Romanorum à CLEMENTE I. ad SIRICIUM. I, quæ quidem ex antiquis & bonis & Catholicis Libris sumptæ sunt, & confarctatæ, sed suppositæ sunt non suis parentibus. Hinc quidquid *Binius* aut *Turrianus* pro iis vindicandis scripserint, habentur ab omnibus adulterinæ, & supposititiæ, etsi falsum contra  
fidei



fidei doctrinam nihil habeant. BARONIUS ad A. C. 530. n. 5. & Anno Christi 865. n. 8. PAGI *Critica Baronii* ad A. C. 100. à n. III. ad VII. DE MARCA, *de Concordia Sac. & Imper. L. I. C. IX.* PAPEBROCHIUS, *Conatu Chronico Historico Pontificum pag. 136.* SCHELESTRATE *Antiq. illustr. part. II. Dissert. III. C. V.*

Aliud est autem has Decretales esse *Erroneas*, quod *VViclef-fus & Magdeburgenses* scripserunt, aliud *Supposititias*, quod Catholicorum Doctissimi profitentur.

Non omnes tamen Epistolæ Pontificum SIRICIO PP. anteriorum Supposititiæ sunt : certè genuina est CLEMENTIS Papæ I. ad Corinthios : S. CORNELII PP. ad CYPRIANUM, JULII I. apud Athanasium, LIBERII apud Hilarium, DAMASI ad Paulinum, apud Theodoretum, Autores probatissimos extantes, & laudatæ Epistolæ sinceræ sunt, & nequaquam ab Isidoro confictæ.

CODEX 118. alt. 12. lat. 10. Unc. Liber mutilus in principio. Continet Decreta Pontificum circa Episcopos & Presbyteros, quæ à RABANO videntur collecta, deinde ejusdem RABANI Epistolas ad OTGARIUM Archiepiscopum Moguntiacensem, item ad HERIBALDUM Autissiodorensem Episcopum. Sequuntur Canones duodecim, deinde Capitula 38. *Synodi Wormatiensis Anno 868.* Indictione primâ 17mâ Kalendas Junii sub Excellentissimo REGE LUDOVICO. Subjunguntur Regulæ

Patrum, quæ investigandæ sint à Magistris & Decanis Presbyteris, numero 18. Incipiunt Capitula de *Judicio Pœnitentium*. Capitula de *diversis Causis*. Ordo in Agenda Mortuorum. Liber videtur Sæculi 9. vel 10. mi.

NOTA LII. *De Conciliis Genuinis aut Supposititiis.*

Ex Conciliis Isidorianis plurima sana & genuina sunt; pauca supposititia, indicat HARDUINUS in Conciliis editis anno 1715. ex *Typographia Regia*, *charactere minuscuro*, quo à sinceris discriminat conficta, cujusmodi videtur Romana II. Sub Sylvestro anno Christi 324. judicibus Papebrochio, Labbeo, de Marca, Schelestrateo, aliisque Eruditissimis Criticis.

NOTA LIII. *De Canonibus Pœnitentialibus.*

Post Concilia & Pontificias Decretales sequuntur Canones *Pœnitentium*, tum ex illis Conciliis & Decretalibus excerpti & collecti, tum à diversis Episcopis, aliisque Scriptoribus in Ecclesia Catholica celebribus collecti, variis Sæculis. Hinc non omnium est æqualis Autoritas, nec omnes ab omnibus Ecclesiis recepti fuere, sed pro temporum aut locorum discrimine diversis peccatis diversæ pœnæ & satisfactionum genera multifaria, & peccantium reconciliatio plena vel semiplena per Episcopos, Presbyteros, Diaconos diversimodè exercita fuit.

Veterum Græcorum PP. Canones de hac Materia videri possunt collecti à JOANNE ZONARA Monacho Basiliano, qui circa annum 1120. floruit: ex quo THEODORUS BALSAMO, Magnæ An-



Antiochiæ totiûsque Orientis Patriarcha sub finem Sæculi XII. scribens, homo Schismaticus eisdem mutuatus est, & auxit, & expositionibus suis illustravit.

JOANNES MORINUS Oratorii Presbyter *Commentario Historico de Disciplina in Sacramento Pœnitentiæ administrando tredecim primis Sæculis* adjunxit Græcorum Libros Pœnitentiales, rituales pro reconciliandis peccatoribus publicis, occultis, sanis, morientibus, *Parisiis edito* anno 1651.

Idem studiosissimus Criticus Latinorum vetustissimos Canones, & Libros Pœnitentiales eidem Commentario subnexuit.

CODEX 119. alt. 12½ lat. 11½ Unc. Continet Libros xx. de Ecclesiasticis Ordinibus. Deest Liber primus, & secundi Libri defunt cxcvi. Capitula. Videtur mutilus in fine. Libri III. initialia verba sunt = *Ecclesia Græcum est, quod in Latino vertitur convocatio.* Sæculi XII.

COD. 85. b. Confessio Fidei secundum Canones Nicæni Concilii.

CODEX 120. alt. 12. lat. 9. Hic habetur *Concordia Canonum Conciliorum infrascriptorum per Præsulem Romanorum*, id est Canonum Apostolorum, Nicænorum, Ancyranorum, Neocæsariensium, Gangrensi-um, Antiochen-um, Laodicensium, Chalcedonen-um, Sardicensium, Carthaginensium, *item Præsulum* Siricii, Innocentii, Zosimi, Cælestini, Leonis, &

& Gelasii. Incipit ab Epistola CRESCONII ad Liberium.  
Liber Sæculi 13tii.

CODEX 121. alt. 11½ lat. 8. Unc. Continet *Canones antiquos Ecclesiæ Libris tribus*, Liber primus continet Canones 121. Libri primi Canon primus = *Quod nulli ultima pœnitentia deneganda*, ex Epistola Cælestini Papæ ad Episcopos Galliarum. Liber secundus continet Canones 120. Liber tertius continet Canones 149. Sed in hoc Codice mutilus est, ultimus enim est Canon 106. Reliqui defunt. Liber Sæculi 10mi aut fortè anterioris.

CODEX 122. alt. 9. lat. 7. Continet *Libris duobus Canones antiquos*, Canon primus = *Quod nulli sit ultima pœnitentia deneganda*. Liber primus continet Capitula 122. Liber secundus continet Capitula 93. Nona-gesimi tertii titulus est = *De his, qui prohibentur Presbyteris in Ecclesiasticis Sacramentis agere*. Liber Sæculi 10mi. Mancus in fine.

CODEX 123. alt. 10½ lat. 6½ Libri tres Canonum Pœnitentialium. Incipit hoc pacto : *De utilitate Pœnitentiæ, & quomodo credendum sit de remissione peccatorum per pœnitentiam cum præparatione operis subsequentis*. Post Præfationem incipiunt Capitula Libri primi. primùm, *Quod nulli ultima pœnitentia sit deneganda*.



*ganda.* Libri 3tii Canones sunt numero 164....de Epistola formata. Liber Sæculi 10. vel 11mi.

COD. 91. *b.* Canones Pœnitentiales LXXI. Primus Canon contra Presbyterum, Symboli Apostolici ignarum. Ultimus de Statutis Ecclesiarum.

CODEX 124. alt. 11. lat. 8. Unc. Codex hic *quatuor Libros* habet. Præcedit Index Capitulorum Libri primi. Deinde notitia *interrogandorum ab Episcopo visitante Dioecesi.* Liber primus continet Capitula 119. Secundus continet Capitula 165. Liber tertius continet Capitula 154. Liber quartus Capitula 60. Sequuntur varia Decreta Pontificum & Doctorum Ecclesiæ. Deinde *Hadriani P. P.* Decreta *Angilramno* data. Liber mutilus in fine. Ultimum Caput est ex Concilio Antiocheno, quod incipit = *De illis hominibus, qui se dicunt, propter Dominum quod se tonsurâssent, & modo res eorum & pecunias habent.* Liber Sæculi 9ni vel 10mi.

NOTA LIV. *De Collectoribus Canonum Pœnitentialium Latinis.*

Fuère præterea Latini Scriptores singulares, qui Canones Pœnitentibus examinandis, coercendis, reconciliandis pro sui Sæculi & Ecclesiæ Genio collegerunt & scripserunt.

1. Liber pœnitentialis Romanus, editus ab HUGONE ME-

K

NAR-

NARDO Benedictino anno 1641. post HENRICUM CANISIUM : de quo & in Classe IV. sermo recurret, quum de *Ordine*, vel *Pontificali Romano* agetur.

2. THEODORUS Cantuariensis Archi-Episcopus.

3. Venerabilis BEDÆ Libellus de *Remediis peccatorum*, inter ejus Opera Tomo VIII. Colonienfis editionis extat.

4. RHABANI MAURI, Archi-Episcopi Moguntini, Liber poenitentium, in Colonienfi editione anni 1627. Tomo sexto in folio, sed anno 1532. Typo Colonienfi Joannis Prael in 12.<sup>mo</sup>. Illustrissimus ANTONIUS AUGUSTINUS duos postremos cum Notis Eruditis edidit.

5. RHEGINONIS PRUMIENSIS Tractatus de *Disciplinis Ecclesiasticis*, & *Religione Christiana*: in duos Libros divisus, quos Cl. Stephanus Baluzius summâ accuratione edidit, & notis illustravit.

6. BURCHARDUS Wormatiensis Episcopus ex Libris XX. Decretorum, quæ collegit, tum peccatorum speciebus & poenis definiendis, tum docendæ legitimæ administrationi Sacramenti Pœnitentiæ, præcipuè Libros XVIII. & XIX. destinavit, editionis Colon. anni 1548. ex Officina Melchioris Novesiani.

Ad hanc Classẽ Librorum Pœnitentialium referendi sunt Codices nostræ Bibliothecæ CXVIII. CXIX. CXXI. CXXII. CXXIII. XCI. *b.* Synodus Wormatiensis anni 868. in Codice CXVIII. descripta, ab HARDUINO & LABBEO impressa legitur Tomo V. *Conciliorum* pag. 733, sed Canones octoginta habet, Noster Codex triginta octo duntaxat.



*NOTA LV. De Collectione Capitularium Regum Francorum.*

Post varias Editiones Capitularium Regum Francorum ab BEATO RHENANO, JOACHIMO VADIANO, VITO AMERSPACHIO Germanis, à JOANNE TILIO Episcopo Briocensi, PITHOEO, SIRMONDO, Francis Criticis tentatas, locupletissima & ordinatissima prodiit Anno 1677. Operâ Cl. Viri STEPHANI BALUZII.

In qua primùm Ordine Chronologico, quantum fieri licuit, Capitularia Regum Francorum ab anno Christi DLIV. ad annum DCCCLXVII. digesta & expansa cernuntur: Secundò Collectio eorundem Canonum in unum Volumen, quatuor Libris distinctum, & vulgatum ab ANSEGISO Abbate Anno DCCCXXVII. videtur.

3tiò Sequitur Collectio Capitularium ab Ansegiso prætermisforum. Hic enim CAROLI MAGNI ad Ecclesiasticum ordinem pertinentia in primo, in secundo Capitula LUDOVICI PII, in tertio CAROLI MAGNI ad mundanam pertinentia Legem, in quarto Capitula LUDOVICI PII, ad augmentum mundanæ legis pertinentia ediderat.

Ex his prætermissa BENEDICTUS Levita Moguntinensis Capitula PIPPINI, & CARLOMANNI in tres Libros diligenter edidit circa DCCCXLV. & Otgario, Moguntino Archi-Episcopo suo, cujus hortatu collectionem aggressus erat, dicavit.

Noster autem Codex CXXIV. repræsentat Volumen, quatuor Libris constans, quorum primo Capitula CXLIX. Secundo Ca-

pitula CLXV. Tertio Capitula CLIV. Quarto Capitula LX. continentur, ejusdem stili & formæ, & ex iisdem fontibus deprompta, ex quibus *Ansegisus*, & *Benedictus* suas Collectiones concinnârunt, sed noster Codex alius est *in Numeris* Capitulorum, alius *Ordine* Capitulorum, alius in *Materiarum discretione*; Liber primus tractat de Juribus, Officio, Consecratione Episcoporum, Ecclesiarum. Liber secundus de Juribus, Officiis, Ordinatione Presbyterorum, Clericorum. Liber III. de Variis criminibus Clericorum, eorum pœnis, & Sacramento Pœnitentiæ. Liber IV. de Impedimentis Ordinis, & Matrimonii, de Pœnis Canonicis variorum criminum.

**NOTA LVI.** *In eundem Codicem, de Disciplina Ecclesiarum Germanicarum Sæculo X. & XI.*

Ante Librum primum describitur notitia, „ Quid Episcopus, „ vel ejus Minister in sua Synodo diligenter inquirere debeant per „ Vicos publicos, sive Villas, atque Parochias propriæ Diœcesis.

Constat interrogatoriis XCVIII. desumptis ex *Rheginone*, qui in fronte Libri primi ponit inquisitionem instituendam ab Episcopo de Vita Clericorum: at secundam inquisitionem de Vita Laicorum, ab *Rheginone* præmissam *Libro secundo* hic Codex non habet.

Est autem hæc Notitia, quæ nostro idiomate dicitur = *Forma visitanda Diœceseos*, illustre monumentum disciplinæ Ecclesiasticæ, Sæculo decimo in Ecclesia Treverica vigentis, à qua nostram confinem haud abfuisse procul, docet hic Codex Metropolitanæ

Basi-



Basilicæ nostræ illatus. *Natalis Alexander Saculo IX. Christiano C. III. art. XXXII.* ex hoc Formulario Visitationis specimen præbet disciplinæ Ecclesiasticæ in Germaniæ Ecclesiis, uti & *Van Espen*: quæ nos suo loco fusiùs referemus.

Tertium quod hoc Codice CXXIV. continetur, sunt variorum Pontificum, & Conciliorum Canones, nullo ordine collecti, quasi fragmenta dispersa Capitularium Francorum.

NOTA LVII. *De Capitulis Angilramno ab Hadriano PP. datis.*

Ultimò demum hic Codex continet = Ex Græcis & Latinis Ca., nonibus, atque Decretis Præfulum, & Principum Romanorum, hæc Capitula sparsim collecta sunt, & Angilramno, Mediomatricæ Urbis Episcopo, Romæ à Beato Papa Adriano tradita, sub die tertia decima Kalendarum Octobrium, Indictione nonâ, quando pro suis negotiis causa agebatur. Hæc Capitula primusedidit ANTON. AUGUSTINUS, Tarraconensis Archiepiscopus, qui ea ad A.C. 783. referenda suspicatur, & numero 71. desinit.

SIRMONDUS in *Conciliis Gallia* ea denuo recudit numero octoginta. BALUZIUS his Canonibus, sive ab Angilramno oblatis Hadriano PP., sive ab hoc Pontifice datis Episcopo Metensi, *Jus novum* inductum suspicatur, & detractum non-nihil de veteri Jure Provinciali, in dijudicandis Episcoporum causis, sed Cl. *Schelestrate Antiquit. illustr. p. II. diss. II. C. XI.* eruditè concordiam Juris veteris & Pontificii tuetur.

CODEX 125. alt. 10. lat. 8. Unc. Continet III. *Libros Capitularium* ad PIPINUM Regem Nobilissimum scriptos à Cœtu Venerabilium Præsulum, & sequentis Ordinis Religiosorum Sacerdotum jussu Domini Nostri LUDOVICI Cæsaris Eximii apud Aquasgrani. Libri primi Capitulum primum = Quòd Deus nullum peccatum inultum dimiserit. Libri 2di Capita XXXII. Libri tertii Capita XXVII. In Calce Libri tertii, ad Dominum Regem Sacerdotum allocutio humilis, atque fidelis. Liber Sæculi 9ni.

### NOTA LVIII.

Codex CXXV. continet Libros tres, ab PP. Concilii Aquisgranensis II. ad Pipinum, Aquitaniæ Regem missos, Anno Christi DCCCXXXVI. Ludovici Imp. XXIII. VIII. Idus Februarias, Indictione XIV. prorsus eosdem, quos HARDUINUS Tomo IV. Conciliorum edidit à pag. 1408. 1409. & seqq.


CODEX 126. alt. 12. lat. 9. Unc. GREGORII Cardinalis, Tituli S. CHRYSOGONI, ad Didacum S. Jacobi Ecclesiæ Episcopum. Libri septem Canonum, & Decretorum ex Patribus & Conciliis excerpti. Liber videtur Sæculi 12mi. Mutilus in fine.

### NOTA LIX.

Codex CXXVI. continet Collectionem Canonum Gregorïi  
S. R. E.



S. R. E. Cardinalis. Hic videtur idem esse ille, de quo *Anton. Augustin.* meminit L. I. *de emendatione Gratiani*, Dialogo XIV. & Lib. II. Dialogo XV. cujus Collectio *Polycarpus* inscribitur, qui Operis titulus, non Autoris nomen est. Extat Ms. in Bibliotheca Vaticana & Colbertina. Typis prodit Parisinis 1641. in Epitome Juris Pontificii.



## CLASSIS TERTIA.

### PARS II.

#### *Jus Ecclesiasticum Novum.*

CODEX 127. alt. 17. lat. 13. Unc. Codex Sæculi XIV. circiter, aut XV. continet totum Decretum GRATIANI sine Glossis.

CODEX 128. alt. 18. lat. 15. Codex Sæculi XIV. continet Decretorum GRATIANI duas primas partes, distinctiones, & causas.

CODEX 129. alt. 15. lat. 10½ Decretum GRATIANI mutilum in principio & fine. Incipit à Distinct. 72. & finitur... Vide Caput *Lotharius*. Sæculi XII. vel XIII.

### NOTA LX.

Codices CXXVII. CXXVIII. CXXIX. Gratiani Decretum habent, scriptum ab eodem Bononiæ, in Monasterio S. FELICIS,  
circa

circa annum Christi 1050. Opus hoc magnam quidem apud Jurconsultos æstimationem reperit, multorum Scholiis & Glossis illustratum fuit per quinque Sæcula: sed à nullo Pontifice Legis vim obtinuit, nec majorem nunc habet auctoritatem, quàm fontes, ex quibus Canones desumpti sunt, judicio Cardinalis DE LUCA, FAGNANI, ZOESII, ANDRÆ VALLENSIS, POSSEVINI in Apparatu Sacro; sunt autem in vasto Opere haud pauca dubiæ fidei, multa supposititia: quibus emendandis, & veris fontibus detegendis primùm Romani PP. datis censoribus operam dederunt, laudante Gregorio XIII. Subinde Ms. Codicibus quotidie productis & criticâ adolescente, Illustrissimus ANTON. AUGUSTINUS scripsit de *Emendatione Gratiani* Libros VI., quos Cl. Stephanus Baluzius suis Observationibus auctiores edidit.

CODEX 130. alt. 20. lat. 12. Continet *quinque Libros Decretalium* cum Glossa.

CODEX 131. alt. 16. lat. 10. Libri quinque Decretalium sine Glossa.

CODEX 132. alt. 17. lat. 12. Continet Statuta Synodalia Ecclesiæ Colon. à Dno CONRADO Anno 1260. ad Annum Domini 1491. sub HERMANNO IV. Additum est unum Statutum Hermanni ejusdem, charactere Gothico.

CODEX 133. alt. 17. lat. 12. Continet Statuta à Dno CONRADO Anno 1260. ad Annum Domini 1354. Character Gothico.



CODEX 134. alt. 7½ lat. 6. Unc. Statuta Coloniensia in quarto ab Anno 1246. ad 1389.

**NOTA LXI. De Collectione Synodorum Colon.**

Codices cxxxii. cxxxiii. cxxxiv. complectuntur Statuta Synodorum tum Provincialium, tum Diœcesanarum Coloniensium : quæ jam tertium Coloniensi Typo prodierunt in folio, nempe Anno 1478. per *Joannem Guldenschaeff*, Anno 1492. per *Joannem Koelhoff de Lubeck*, sed editio ultima anni 1554. addit Synodos celebratas usque ad Diœcesanam sub Adolpho III. A. C. 1551. die S. Valentini indictam, id est XVI. Februarii, quæ erat FERIA II. post Dominicam *Invocavit*, Coloniæ celebratam.

Hi Libri tam Ms. Superstites, quàm impressi inchoantur omnes ab Anno 1260. Idibus Martii, quo die Synodum Provinciale Coloniam celebravit CONRADUS ab Hochsteden Archi-Ep. Coloniens. Præmittitur autem Synodus in Alemannia celebrata ab CONRADO CARDINALI S. Sedis Legato :

Mirandum sanè est, cur Collectores Conciliorum Coloniensium & Editores nonnisi ab Anno 1260. collectionem inchoaverint, cum ex Historia certissimi simus, plurimas intra Diœcesin nostram Synodos celebratas fuisse, inde ab Anno Christi 348, multas extra eam, quibus Colonienses Archi-Episcopi interfuerunt, & ubi de eorum Juribus actum fuit.

CODEX 135. alt. 11. lat. 7. Summa *Goffridi de Trano* Libris quinque contenta scripta Sæculo 16to.

## NOTA LXII.

Codex cxxxv. Hic autor dicitur à *Gesnero* Gaufredus de Tra-  
na Subdiaconus Ecclesiæ Romanæ, & scripsisse super Titulos  
Decretalium Lib. V. Quæstionum variarum Lib. I. *Vid. Biblio-*  
*thecam Gesneri.*

CODEX 136. alt. II. lat. 8½ Unc. Sessiones nonnullæ  
Conciliorum Constantiensis & Basileensis. Volumen  
chartaceum Sæculi XV.





BIBLIOTHECÆ METROPOLITANÆ  
COLONIENSIS  
CLASSIS QUARTA.  
LIBRI LITURGICI.

NOTA LXIII. *Significatio vocis, Liturgia.*

LITURGIA. Græca vox est, quæ *Suidâ teste*, si proprio significato sumatur, actionem sacram publicam significat; si catechretico, civilem profanam. Hagiographi Novi Testamenti *Actorum XIII, 2. Roman. XV, 16. Hebræos VII, 26. X. II.* non inficiantibus ERASMO, BEZA, HENRICO STEPHANO; ECCLESIASTICI SCRIPTORES Græci *Liturgias* JACOBI, BASILII, CHRYSOSTOMI non alio sensu, quàm actionis sacræ publicæ intellexerunt. Nec ignoramus quod *Roman. XIII, 6.* per *Liturgos* Civilis Magistratus, *II. Corinth. IX, 2.* Eleëmofynarum distributio, *Philemon 2. Liturgus*, minister necessitatis accipiatur.

Nos in hac Classe *Liturgicos* vocitamus Libros 1.) Qui de Sacrificio Missæ ejusque Partibus tractant; 2.) De publicis Ecclesiæ precibus, seu Officio horario, Canonico; 3.) De administrandis Sacramentis, eorûmque ritibus; 4.) Speciatim de Sacramento Ordinis, 5.) De Episcoporum Functionibus Hierarchicis, Consecrationibus, Benedictionibus Personarum, Ecclesiarum,

Rerum. *Bellarminus* L. I. de Missa. *Emin. Bona* Rerum Liturg. L. I. C. III, *Lorinus* in C. XIII. Actuum.

CODEX 87. *b.* alt. 10½ lat. 8. Unc. Liber Sacramentorum de circulo anni à GREGORIO MAGNO expositus; mutilus: nam usque ad Dominicam quintam Quadragesimæ duntaxat porrigitur. Sæculi X.

CODEX 88. *d.* alt. 11. lat. 9½ Liber Sacramentorum S. GREGORII P. divisus in duas partes. Sæculi IX.

CODEX 137. alt. 12. lat. 10. Liber Sacramentorum de Circulo anni, est divisus in quatuor partes. Primus Liber S. GREGORII. Secundus verò tribuitur GRIMOLDO Abbati, constat *Sectionibus* 147. quibus & totidem Missæ, aliæve Benedictiones respondent. *Tertius Liber* habet XVIII. Missas, id est, Orationes pro Missis distributas in septem dies hebdomadæ. Hoc Libro PAMELIUS usus est veluti singulari in hoc genere.

*Quarta pars* continet Benedictiones varias, in variis per annum Missis. Adjecta in fine Litania rarissima, in qua oratur pro FORMOSO Apostolico, pro ARNOLFO Germaniæ & Lotharingiæ Rege, pro HERMANNO Antistite nostro, qui tres anno DCCCCXC. simul vivebant. Et quidem Hermannus noster Formosi Papæ Legatus, Arnolfi Regis Cancellarius fuit. Initium Præfationis &  
Cano-



Canonis Missæ, literis aureo - albis in membrana purpurea exhibet.

Indicat hunc Codicem PAMELIUS paginis 180, 184, 302, 396, 517. Ætas Libri ex Litania proditur, quæ tamen paulò junior videtur ipso Codice.

NOTA LXIV. *De Nomine & Autore horum trium Codicum.*

Liber *Sacramentorum*, nomine suo fallit imperitos Stili Gregoriani. Expectant enim hoc nomine audito formulas administrandorum Sacramentorum. At præcipuum, quod hoc libro continetur, est *Canon Missæ*, *Orationes* ~~ternæ~~ aut plures intra Sacrificium recitandæ, *Præfationes* longè plures quàm decem nunc usitatæ; demum *Benedictiones* multifariæ in fine Missæ pro temporum & festorum varietate diversæ, cum unica nunc sit Episcopis, unica Presbyteris in usu. Autor hujus Libri non est S. Gregorius Papa, sed Ordinator & Corrector rectiùs dicitur. Non enim hic Pontifex primus scripsit ea, quæ hoc Codice legimus, nam & GELASIUS, qui uno Sæculo Gregorium præcedit, similem Librum Sacramentorum collegerat. Hunc diu Orbi Literario optatum è tenebris Bibliothecarum eruit JOSEPHUS MARIA THOMASIUS, Clericus Regularis Romæ anno 1681. subin Cardinalis, ex quo Gelasiano Ordine multa „S. Gregorius subtraxit, pauca convertit, nonnulla adjecit, & in tres Libros distributum „uno Volumine coarctavit, quod Volumen *Librum Sacramentorum* prætitulavit; „ Verba sunt JOANNIS Diaconi Biographi

coævi S. Gregorio. Fuit in Romana Ecclesia semper Sacrificium Corporis & Sanguinis Christi, fuere Orationes, Ritus, Psalmi. Hos Gelasius & Gregorius sapientissimo consilio ex Patrum Traditione collegerunt, digesserunt, fixerunt, & hoc sensu Auctores sunt Librorum: *VValafridus Strabo de Reb. Eccles. cap. 22. Vigilius Papa Epistola ad Profuturum Ep. Bracarensem. Isidor. L. 1. de Eccles. Officiis. cap. 15.*

### NOTA LXV. *De Divisione Libri Sacramentorum.*

Pamelius, qui Codicibus 88. d. & 137. usus fuit anno 1571, quia in iis Librum Sacramentorum in duos divisum reperit, ita edidit, & secundum Librum *Grimoldo* Abbati tribuit ex nostro Codice 137. [nam Codex 88. b. divisionem eandem habet, sed nullum nomen Autoris: Præfationem etiam eandem & Capitulorum numerum habet.] En verba Codicis 137. = Explicit Liber Gregorii. Incipit Præfatio Libri secundi à Venerabili Grimoldo Abbate ex Opusculis SS. Patrum excerpti = HUGO MENARDUS Benedictinus luculentissimus Commentator Libri Sacramentorum reperit Codicem Ms. Corbeiensis circa annum 853. scriptum simili partitione, sed RODRADO Presbytero attributum. Cæterum eadem Præfatione, eadem Capitulum divisione & numero; quanquam in Rotradi Codice levicula discrimina sint à Grimoldi Codice, quæ in *Præfatione* Menardus enumerat.

Quæritur nunc legitima sit annon hæc divisio? & quo fundamento nixa? Placet mihi MENARDI Sententia, hanc divisionem Novitiam esse, Gregorio ignotam, uti uterque Autor GRIMOLD-



MOLDUS & RODRADUS solo nomine tenus noti sunt, & meri Librarii fuere, qui ex ALBINO, aliisque Autoribus nonnullas Missas secundo Tomo inseruerunt. Ratio prima est, quia Codices Sacramentorum Ms. Remensis & S. Eligii nullam divisionem habent. 2. Titulus Ms. Codicum Gregorianorum est constanter hic: Liber Sacramentorum de *Circulo Anni*: quæ autem Missæ de circulo anni contineantur in eo Codice, quo Orationes pro Missis inter Theophaniam & Septuagesimam, inter Pascha & Pentecosten, inter Pentecosten & Adventum non extant? est igitur contra omnem verisimilitudinem, quod Grimoldus sive Rodradus has Missas à Codice Gregoriano se creverit. Rursum Missæ de tempore, sunt veluti basis & substantia Missalis, cui Missæ de Festis & Sanctis incubant, & innectuntur. Quæ igitur credemus hæc abfuisse à Codice Gregoriano? Demus nunc Libro primo à Librariis adscitas fuisse Missas de *Nativitate*, de *Assumptione B. M. V.* de *Natali S. Gregorii Papa*, non ideo hæc evincunt legitimam fuisse hanc divisionem. Vide *Notas Menardi* Tomo III. Operum S. Gregorii pag. 411. Ergo legitima non est hæc divisio, & seriùs in Librum S. Gregorii invec̃ta.

NOTA LXVI. in Cod. 137. *De Forma Absolutionis Gregorianæ.*

Orationes ad reconciliandum pœnitentem Feriâ V. in Coena Domini, & Feriâ IV. in Quadragesima, permultæ sunt in Libro Sacramentorum, sed deprecativæ omnes, uti & in *Pontificali Romano* impresso pro hac die, legitur *Absolutio Pontificalis* depre-

deprecativo modo concepta. Nihilominus eædem Orationes disertè ostendunt Ecclesiæ Catholicæ Fidem, quod Sacerdotes sint, & credantur esse veri Ministri Reconciliationis & quidem ex Jure Divino datarum clavium: uti & Paulus *Ministerium Reconciliationis* II. Corinth. V. 18. sibi à Deo per Christum datum fuisse docet. Hæc sufficiunt Hæreticis negantibus potestatem remittendi peccata, in Ecclesia Catholicâ relictam fuisse Apostolis, eorûmque Successoribus. Verùm hæ formulæ deprecativæ Feria V. in Cœna Domini adhibitæ, in Libris Sacramentorum Gregorianis, in Grimoldi Abbatis, Ordinis Romani, aliisque veterrimis Ms. Libris Pontificalibus, Ritualibus induxerunt Morinum LVIII. *Comment. Histor. de Disciplina Sacramenti Pœnitent.* Ad asserendum 1. formam Sacramenti Pœnitentiæ deprecativam duntaxat esse posse. 2do Duodecim prioribus Sæculis Christianis deprecativam duntaxat fuisse: quod præter nonnulla & Scripturæ & PP. loca ex Ms. Codicibus potissimùm demonstrâsse se opinatur.

Sed ad hanc Morini opinionem falsi convincendam sufficit nobis Oecumenicæ Synodi Tridentinæ Doctrina Sess. XIV. cap. III. „ Docet S. Synodus Sacramenti Pœnitentiæ formam, in qua „ præcipuè istius vis sita est, in illis Ministri verbis positam esse, „ = *Ego te absolvo* = &c. quibus quidem de Ecclesiæ S. more *preces* „ quædam laudabiliter adjunguntur, ad ipsius tamen formæ „ essentiam *nequaquam spectant*, neque ad ipsius Sacramenti ad- „ ministrationem sunt necessariae. „ Quàm infelicitè *Morinus*, & *Jueninus* se hoc decretorio Dogmate extricare nitantur, ostendunt



dunt Scholastici, unanimi consensu inde à S. Thoma usque ad nostrum Sæculum, vide *Simonettum Tract. XV. de Pœnit. Disput. VIII.* Et si jam Tridentinum contrariam Sententiam Anathemate non ferierit, certum tamen ex Tridentino nobis est, solâ deprecatoriâ formâ utentem in Sacramento Pœnitentiæ, temerarium esse, & periculo nullitatis Sacramentum exponere.

Formulæ deprecativæ in Coena Domini adhibitæ non sunt Sacramentales, sed reconciliatoriæ peccatorum publicorum, jam in secreta confessione prævia sigillatim à Presbyteris absolutorum, quod sola Ritualia Ms. & impressa indicant, quibus Corpori Ecclesiæ ab Episcopo, vel eo absente, à Presbytero publicè restituntur, & ad Sacramenta Paschalia admittuntur; iterum sunt absolutiones publicæ à Venialibus, quales hoc die, & in die Cinerum & inter horas Canonicas *Primam, Completorium, ad Introitum Missæ*, adhibentur, quæ non sunt Absolutiones Sacramentales, sed Orationes ad Venialium remissionem ordinatæ. Hæc est responsio *Doct̃oris Angelici* Opusc. XXII. cap. 2. *Morini* opinionem quinque Sæculis prædamnantem.

### NOTA LXVII. *De Materia Sacramenti Ordinis Gregoriana.*

Iidem Codices Ms. puta, Sacramentorum Liber S. Gregorii, Ordo Romanus, Cod. 138. utrumque Pontificale Colonienſe, Codicibus 139. 140. Pontificale Remenſe Cod. 141. dum Materias Sacramentorum Ordinis recitant, in Subdiaconatu nullam men-

tionem faciunt tradendi Libri Epistolarum, in Diaconatu nullam tradendi Libri Evangeliorum, in Presbyteratu nullam mentionem imponendæ manûs Episcopalis cum hac formula = *Accipite Spiritum S. quorum remisistis* &c. Unde *Morinus* Exercitat. VII. de Ss. Ordination. parte III. c. II. & VI. concludit eos Ritus non pertinere ad materiam essentialem Ordinis, eo quod in ordinandis Presbyteris Ecclesia Græca nunquam, Latina primis mille ducentis annis eam formulam non adhibuerit. Subscribunt *Morino*, *Hugo Menardus*, in *Notis ad L. Sacramentorum*, & *Martene*, qui tertiæ impositionis manuum cum formula = *Accipe Spiritum S. &c.* Primam mentionem fieri in vita S. LIEDBERTI Cameracensis Episcopi observavit: hic autem vixit Sæculo X. Secundò observat hanc materiam Presbyteralis Ordinis recentiorẽ esse instrumentis porrectis, quæ nunquam ad materiam essentialẽ pertinuisse in Ecclesia Latina opinatur.

Confirmantur hæc in Sententia, quia ISIDORUS, AMALARIUS, RABANUS MAURUS, WALAFRIDUS STRABO ex professo de Ss. Ordinibus tractantes, neque hujus formulæ, *Accipite Spiritum S.*, neque porrectionis instrumentorum in Episcopatu, Presbyteratu, Diaconatu meminere. Ex Scholasticis S. *Bonaventura*, *Petrus Sotus*, *Martinus Becanus* essentialẽ materiam Ordinum Majorum solam manûs impositionem chirotoniam docuerunt. Contrariam Sententiam universa pænè acies Scholasticorum tenuit. Sanctissimus D. N. BENEDICTUS XIV. Christiani & Literati Orbis Caput L. VII. de Synodo Diocesana C. XXVI. monet Episcopos, „ ne  
„ quid



„ quid in Synodis decernant de trium superiorum Ordinum Hierarchicorum materia & forma, sed curent, ut ad amissim executioni mandentur, quæ in Catechismo Romano de hac materia tractantur. „ Tanti Pontificis temperantiâ monemur, ut in rebus facti ad Divinum Jus arbitrarium spectantibus, ab omni censura abstineamus, & Ecclesiæ Traditionem ex consensu perenni & concordi discamus.

### NOTA LXVIII. *De Forma Unctionis Gregoriana.*

Clariss. Menardus Nota 912. in *L. Sacramentor. pag. 534. Edition. Parisin. Operum S. Gregorii in hæc verba* : „ Perungat infirmum de Oleo Sanctificato, crucem faciendo in collo, & in gutture, & inter scapulas, & in pectore, seu ubicunque major dolor incumbit, ita dicendo = Ungo te Oleo Sancto in Nomine Patris, & Filii, & Spiritus S., obsecrans Misericordiam ipsius unius Domini ac Dei nostri, ut fugatis omnibus doloribus &c. „ Contendit formulam, quæ Extremæ Unctioni infirmorum conjungitur indicativam esse posse, & hujusmodi apparere in vetustissimis Codicibus Ms. Gregorianis, & Grimoldi & Rodradi. 2dò Ambrosianam Unctionem infirmorum esse indicativam, testibus *S. Bonaventurâ, Richardo à Mediâ Villâ, Paludano*, qui hanc Ambrosianam formam non audent improbare, etsi deprecatoriam, quâ nunc Ecclesia utitur, congruentiorem Textui Jacobæo existiment. 3tiò Liber Sacramentorum è Bibliotheca Vaticana vulgatus cum formula indicativa jungit unctionem. 4tò Addamus & alios duos Codices ex hac Biblio-

theca *Cod. 140. & Agendam Colon. pro infirmis. Cod. 142*, in quibus formula indicativa cum unctiōe conjungitur præcedentibus multis deprecativis & consequentibus. 5tò *Agenda Colon.* impressa anno 1598. sub ERNESTO hâc formulâ utitur „Pax te, cum. &c. Et cum Spiritu tuo.... Ungo oculos tuos Oleo Sancti, ficato in Nomine P. & F. & S. S., ut quidquid illicito usu deliquisti, hujus olei unctiōe expietur per C. D. N. Amen. Similis indicativa forma ungendis cæteris partibus præscribitur.

Unde Menardus arguit *Petrum Ledesnam*, qui hanc formulam, *Ungo te*, præambulam, accessoriam, & non essentialem pronuntiat.

Modernus Pontifex relatis his, & aliorum contradicentium opinionibus ponit uti manifestum, quod à Christo Domino hujus Sacramenti forma non fuerit in *Specie infima* determinata. 2dò Ab Ecclesia formulam indicativam uti irritam nullo Canone vel Decreto fuisse proscripam. 3. Quamvis Concilium Tridentinum Sess. XIV. C. I. ità astruat formam deprecatoriam, ut non damnet indicativam, nihilominus sinè gravi flagitio aliâ formâ nem uti debet, quàm quæ à Rituali Catholico præscribitur.

### NOTA LXIX. *De Numero Partium Ungendarum.*

Pari discretione procedunt Theologi definituri numerum partium humani corporis ungendarum. Sacramentaria antiqua, alia plures, alia pauciores partes ungendas designant, quàm recentia, quæ ordinariè septem docent ungenda.

Codex noster CXLII. jubet ungi caput, collum, oculos, aures, labia,



labia, guttur, scapulas, pectus, cor, pedes, demum ubi major dolor est; & singulis membris ungendis sua singularis forma respondet.

S. Albertus M. Ecclesiæ Nostræ & Scholæ Colon. Doctor ac Testis gravissimus Sæculi XIII. „ In Ordinibus, ait, magis appro-  
 „ batis, & quibusdam Ecclesiis unguntur tantum extremitates,  
 „ ut os, nares, & oculi, & aures, quia in illis sunt organa  
 „ quinque sensuum. Tamen alii præter hæc ungunt scapulas,  
 „ pectus & renes.

Quem igitur numerum partium ungendarum in tuo Catholico Rituali reperis, hunc de necessitate præcepti observa, nec ex numero valorem Sacramenti metire, quum recentissima *Agenda Coloniensis* unicam membri unius unctionem cum formula generali sufficientem doceat pro casu Pestis, aut imminentis mortis personæ ungendæ.

### NOTA LXX. De Tempore Liturgiæ Gregorianæ inductæ in Ecclesiam Colon.

Ante Pippinum Regem, Ejusque Filium Carolum M. fuisse in Gallicanis & Germanicis Ecclesiis diversam ab Romana seu Gregoriana Liturgia, Liturgiam & Officium Precum, uti indubium supponit *Schultingius*, *Bibliotheca Ecclesiastica Tomo I. partis 1. C. 42. 43. Radulphus Tungrensis Decanus Propos. XII.* Quæritur, quo Sæculo hæc mutatio contigerit? Sæculo octavo id evenisse docemur ex Epistola PAULI PP. I. ad Dominum PIPPINUM Regem apud *Gretserum Tomo VI. novæ edit. pag. 719.*

Direximus etiam Excellentissimæ Præcellentiæ Vestræ & Libros, quantos reperire poterimus, id est *Antiphonale & Responsale* &c. Cum his Libris Divina Officia Ecclesiæ Romanæ in Gallicanam transferunt, unâ cum Cantu Romano, de quo Epistola XLIII. Codicis Carolini à Gretsero publicati: quæ facta ad annum Christi DCCLVIII. refert *Pagi in Critica Baronii. Baron. ad A.C. DCCLIV.* quo tempore Nuntii Pontificii & Regii creberrimi ultrò citròque commebant, tum Psalmodiæ Romanæ addiscendæ causâ Monachi Gallicani Romam mittebantur, traditi *Simeoni*, qui *Scholam Cantorum* Romæ moderabatur.

Gregorii Sacramentarii Epocham discimus ex eodem Codice Carolino *Gretseriana Edit. pag. 765.* Epistolâ LXXXII. scriptâ ante DCCXCV. die VIII. Kal. Januar. quo obiit Hadrianus.

„ De *Sacramentario* verò à S. Prædecessore nostro Deifluo  
 „ GREGORIO Papa disposito jampridem PAULUS Gram-  
 „ maticus à nobis eum pro vobis petiit, & secundum Sanctæ  
 „ nostræ Ecclesiæ Traditionem per JOANNEM Monachum  
 „ atque Abbatem Civitatis Ravennatum Vestræ Regali misimus  
 „ Excellentiæ. „

*Ademarus* in vita Karoli Cap. VIII. prodit Hadrianum Papam dedisse huic Regi *Antiphonarios* S. Gregorii, quos ipse notaverat *Notâ Romanâ* Anno DCCLXXXVII. „ Omnes Franciæ Cantores didicerunt Notam Romanam, quam nunc vocant Notam Franciscam. *Baluzius in Notis ad L. I. Capitularium Tomo II. pag. 1134.*

At nullus copiosior Testis ipsomet Catholico & Invicto Cæsare  
 Carolo



Carolo *L. I. contra Synodum Græcorum de Imaginibus*; [quem de hoc argumento quatuor Libros Romam misisse HINCMARUS refert] „ A cujus [Romanæ Ecclesiæ] Sanctâ & Reverendâ Communionem multis recedentibus, nostræ tamen partis nunquam recessit Ecclesia, sed ea Apostolicâ Eruditione instruente, & eo, à quo est omne bonum optimum, tribuente, semper suscepit reverenda Charismata. Quæ dum à primis fidei temporibus, cum ea perstaret in Religionis Sacræ Unionem, & ab ea paulò distaret, quod tamen contra fidem non est, in *Officiorum Celebratione*, venerandæ memoriæ Genitoris Nostri Illustrissimi PIPPINI Regis curâ & industriâ, sive adventu in Gallias Reverendissimi & Sanctissimi Viri STEPHANI Romanæ Urbis Antistitis, est Ei etiam in *Psallendi Ordine* copulata, ut non esset dispar Ordo psallendi, quibus erat compar ardor credendi, & quæ unitæ erant Sanctæ Legis Sacrâ Lectione, essent etiam unitæ unius modulationis Venerandâ Traditione... Quod non solum omnium Galliarum Provinciæ & GERMANIA sive Italia, sed etiam Saxones & quædam Aquilonaris plagæ gentes per Nos Deo annuente ad veræ Fidei rudimenta conversæ facere noscuntur. „ En factum! En Causas dignas Religiosissimo & Christianissimo Principe. En Epocham Officii & Cantûs Romani in Germanicas introducti Ecclesias; nempe exeunte Sæculo VIII. oriente IX.

Liturgiam eodem tempore introductam suadet eadem autoritas. Deinde Libri Liturgici Sacramentarii ab eo Ævo Hildebaldi Nostri curâ, Caroli Magni Liberalitate in Bibliothecam Nostram illati.

illati. Vide *Pagium* Criter ad A.C. DCCLXXXVII. affirmantem Carolum M. non sinè labore Gregorianum Officium, *Ambrosiani loco*, ubique recipiendum curavisse : quod ex *Durandi* L. V. C. II. probat. sed ego Gallicano non Ambrosiano suffectum Gregorianum Officium judico cum Cl. *Mabillonio*.

Caroli Decreta de Cantu Romano à Clericis & Monachis dis-  
cendo, ob Apostolicæ Sedis Unanimitatem & Sanctæ Dei Ec-  
clesiæ pacificam concordiam, *vide Tomo I. Capitul. pag. 203.*  
*239. 421. 453. 715. 965. apud Baluzium.*

### NOTA LXXI. *Differentia Liturgiæ Gallicanæ & Germanicæ à Romana Gregoriana.*

Germanicæ Rheno confines imò incubantes Ecclesiæ, eandem septem primis Sæculis Liturgiam cum Gallicana habuerunt.

Sæculo octavo mutatio facta est sub HILDEBALDO Nostro Archi-Episcopo, Caroli M. Archicapellano, & Consiliorum Ecclesiasticorum Duce ac Comite.

In quo Discrimen Veteris Nostratis Liturgiæ uti & Gallicanæ situm fuerit, nemo feliciùs Cl. MABILLONIO post Eminentissimum BONA observavit. Hic Purpuratus indicium primum dat, quòd Gallicana Missa Toletanæ seu Mozarabicæ ritibus admodùm congruerit, *alterum*, quòd in ea passionēs Martyrum recitarentur, vel integræ vel abbreviatæ, idque ferè sub *Præfatione*. *Tertium* indicium in Ordine Gallicano tres Lectiones erant, prima ex Prophetis, altera ex Apostolo, tertia ex Evangelio : *Quartum*. Silentium à Diacono ante Lectiones in-

dictum



dictum populo. MABILLONIUS *de Liturg. Gallican. L. I. C. IV.* adhuc nonnulla discrimina Missæ Gallicanæ veteris à Mozarabîcâ, aliisque Latinis detegit & profert.

Romanæ Liturgiæ triplex Status considerari potest. Primi-genium Ordinem successu temporum quoad circumstantias non verò quoad substantiam GELASIUS auxit & amplificavit, ut Vir magnus opinatur, ego contra fixum duntaxat ac determinatum autumo. GREGORIUS demum, ut in Nota LXIV. dicebam, in præsentem digessit formam, quam ejus Sacramentaria præ se ferunt.

Discrimen Gregoriani ab Gelasiano est, quod hic duas trêsvè Orationes ante Epistolam, unam ante Præfationem, duas ferè post Communionem habeat, Gregorius ternas ordinariè pro singulis Missis.

Salvianus ortu Coloniensis, incolatu Massiliensis Presbyter clarissimus, *Homilias Episcopis factas, multas, Sacramentorum verò, quantas non recordor, composuit.* Ait Gennadius *de Scriptor. Eccles.* ubi *Sacramentorum* Homilias interpretatur Mabillonius vel Sermones de Mysteriis Sacris inter Missarum Solemnia quondam ex more Gallicanæ Ecclesiæ recitari solitas, vel Orationes seu Collectas, vel Præfationes inter Missam dicendas. Hæc enim tria Sacramentorum titulo tum nuncupabantur.

Econtrario à Missa Romana aberant Lectiones de Passionibus Martyrum. Erant Lectiones singulæ singulis Missis, præterquam in Sabbatis XII. Lectionum seu Quatuor Temporum; aberat silentii indictio; Pax ante Præfationem, aliàs ante Commu-

nionem dabatur. Benedictio Solemnis aliàs & alibi præcedebat distributionem Eucharistiæ, nunc eam sequitur.

Præfationes utrobique plures, quam nunc, & prolixiores, attamen diversæ sunt Gallicanæ à Romanis tum prolixitate commemorandi Beneficii Divini aut Festi, tum stilo sæpe. Quæ omnia patefcunt conferenti Librum Sacramentorum Gregorianum à *Pamelio*, *Menardo* editum cum Codice Gelasiano, & Gallicanis Gothicisque à *Thomasio*, *Bona*, & *Mabillonio* editis, maximo Historiæ Ecclesiasticæ incremento.

## ORDO ROMANUS.

CODEX 138. alt. 9½ lat. 7½ Unc. Incipit Ordo Librorum Catholicorum, qui in Ecclesia Romana ponuntur ad Legendum. Sæculi noni.

### NOTA LXXII. In Codicem 138.

Codex hic Hittorpiano [de quo Notâ sequente] brevior est, deinde variarum Orationum & Ordinationum initia tantum continet, quæ Hittorpianus integra & prolixa edidit.

Tertiò, Series quâ partes hujus Libri coordinantur, paulum differt ab Serie Hittorpianâ : *verbi gratiâ*: Ordo Librorum Scripturæ per annum in Officio Divino legendorum hic primo, quarto loco apud Hittorpium ponitur. Ordo processionis ad Missam primo, secundo & tertio loco Hittorpio; hic primo collocatur &c. Ordo Hittorpianus dividitur in duas partes. Pars prima constat XXXIX. Capitibus, quibus Ordo Solemnis Missarum per



per annum & præcipuis anni Festis in Ecclesia Romana usitatus describitur. Cæremoniæ Processionum ante Missam, rituum omnium in Missa. Reconciliatio Pœnitentium in Quadragesima.

Scrutinium vel Examen Baptizandorum ante Pascha. Omnes ritus Hebdomadæ Sanctæ. Confectio Chrismatis, Baptismus in Sabbato Sancto. *Secunda pars* continet Cap. 18. estque Pontificale Romanum brevius eo, quod nunc impressum habemus. At noster Codex ex his 57. Capitibus, nonnisi 27. complectitur.

Observo primò, *Eptaticum*, quod à Septuagesima usque ad diem XV. ante Paschalegitur, significat septem Libros Vet. Test. puta quinque Mosaicos, Josuæ, & Judicum.

Observo hic 2dò, Usus antiquum *Coli*, quem Subdiaconi in Ecclesia Nostra Metropolitana, & Gereonica, & Sanseveriniana argenteum gerunt. *In Ordine Missæ*, Ornato Altari [per panes, oblatos supra id positos, & vinum in amulas infusum,] Archidiaconus sumit amulam Pontificis de Subdiacono oblationario, & fundit super eam in Calice. Sciendum hîc omnes, qui Sacrificio intererant, Episcopum, Presbyterumve Sacrificantem, Clerum, & populum panem & vinum obtulisse primo Millenario; *vide Orationem secretam Dom. VII. post Trinit. in Coloniensi Miss. Eandem Romanæ*: panes supra altare à Diacono accepti per Subdiaconum in ordinem dirigebantur, ut verè diceretur = *Tua Domine Muneribus Altaria cumulamus.* = *Oratio secreta in festo S. Jois Baptiste.* Vinum autem in Amulas [qualia Vascula adhuc in Consecratione Episcoporum à Consecrandis offeruntur] infusum prius in Calicem quàm infunderetur, cribro colabatur, ne quid extranei corporis admisceretur. Qui mos licet nunc cesset, ge-

statutamen vetustæ ceremoniæ gratiâ cochlear cribratum. Similis colatorii meminit *Mabill. Liturg. Gallic. pag. 185.*

Observe 3. Incipit Ordo vel Denuntiatio pro Scrutinio ad Electos [ id est Baptizandos ] qui tertiâ hebdomadâ in Quadragesima initiantur. Hic Ordo ab Hittorpio, vigesimo loco collocatur, in Nostro Codice tertio. Illustrissimus ASSEMANNUS Prælatus Romanæ Curix in *Codice Liturgico XV. Libris absolvendo*, aurigante Ss. D. N. BENEDICTO XIV. in Libro 1. jam anno 1747. Romæ impresso, & Autoris Clarissimi dono ad me misso, exhibet *Scrutinia vel Initiationes* Catechumenorum ex Codicibus antiquissimis, tum editis, tum Ms. universæ Ecclesiæ Orientalis & Occidentalis. Puta Ecclesiarum Græcæ, Chaldææ, Nestorianæ, Malabaricæ, Antiochenæ Syrorum; dein Ecclesiarum Latinarum ex Europæ Bibliothecis celeberrimis: quæ omnia Notis criticis illustrat, egregiè de Ecclesia Dei meritis faustissimo hoc Exordio: quod ut confectum det, & invictam demonstrationem Historico-Dogmaticam Liturgiæ Catholicæ Orbi præsentet in XIV. Tomis secuturis, Deum oro. Scrutinium, quod pag. 71. hujus Voluminis Assemani apparet, simillimum est Scrutinio Codicis Nostri.

No. 6. Habentur Missæ *pro Scrutinio Electorum* celebrandæ. Intra *Memento* recitantur nomina Virorum & Mulierum, qui ipsos infantes suscepturi sunt, *infra Actionem* recitantur nomina Electorum. Hæc Hittorpius duntaxat indicat: Noster Expansa offert: at in cæteris Noster brevis est, Hittorpius prolixior.

No. 16. Legitur Oratio ad Diaconam faciendam.

N. 27.



No. 27. Litaniæ vetustissimæ, quæ merentur hîc describi.

„ Quando Laudes canendæ sunt, expletâ Oratione à Pontifice,  
 „ antequam Lector ascendat ambonem, pronuntiant duo Dia-  
 „ conî, sive Cantores, respondente illis Scholâ, hoc modo:

„ Exaudi Christe. R. Domino nostro à Deo decreto Summo  
 „ Pontifici & universali Papæ vita. Exaudi Christe. R. Similiter.  
 „ Exaudi Christe. R. Similiter. Salvator Mundi. R. Tu illum  
 „ adjuva. Salvator Mundi. R. Similiter, Salvator Mundi. R. Sim.  
 „ Exaudi Xte. R. Sim. Domino nostro & Augusto à Deo Coro-  
 „ nato Magno & Pacifico Imperatori Vita & Victoria. Per ter.  
 „ Sancta Maria. R. Tu illum adjuva, per ter. Exaudi Christe.  
 „ R. Ejus præcellentissimis Filiis Regibus vita. Per ter. Sancte  
 „ Petre. R. Tu illos adjuva. Per ter. Exaudi Xte. R. Exercitui  
 „ Romanorum & Francorum Vita & Victoria. Per ter. Sancte  
 „ Theodore. R. Tu illos adjuva. Per ter. Xtus vincit. Xtus  
 „ regnat. Xtus imperat. R. Schola Cantorum similiter, Xtus  
 „ vincit, Xtus regnat, Xtus imperat. R. Similiter. Xtus vincit,  
 „ Xtus regnat, Xtus imperat, R. Similiter. Rex Regum Xtus  
 „ vincit. R. Similiter, sed tantum semel. Rex noster Xtus vincit,  
 „ Spes nostra Xtus vincit, Gloria nostra Xtus vincit, Misericor-  
 „ dia nostra Xtus vincit, Auxilium nostrum Xtus vincit, Forti-  
 „ tudo nostra Xtus vincit, Liberatio & Redemptio nostra Xtus  
 „ vincit, Victoria nostra Xtus vincit. Arma nostra invictissima  
 „ Xtus vincit, Murus noster inexpugnabilis Xtus vincit. De-  
 „ fensio & Exultatio nostra Xtus vincit. Lux, Via, & Vita no-  
 „ stra Xtus vincit. Ipsi soli Imperium, Gloria & Potestas perim-

„ mortalia in sæcula sæculorum Amen. Ipsi soli Virtus, Fortitudo, & Victoria, per omnia sæcula sæculorum Amen. Ipsi soli Honor, Laus & Jubilatio per infinita sæcula sæculorum. Amen.

Aut ego vehementer fallor, aut hæc Litania cantata fuit Romæ, quando Carolus Romæ Anno DCCC. die Natalitio Salvatoris coronatus fuit Imperator. Similes enim sunt Acclamationes : Filios suos Pippinum & Ludovicum jam Anno DCCLXXXI. cùm secundo Romam adiisset, Reges dixerat, illum Italiæ, hunc Aquitaniæ. *Pagii in Critica adh. a.* Exercitus Romanus & Francus concordēs erant, unde suspicor & hunc Codicem tunc CAROLO datum fuisse, veluti Epitomen Ordinis Romani, & per HILDEBALDUM in Nostram Bibliothecam transivisse.

### NOTA LXXIII. *De Autore & Statu Ordinis Romani.*

Ordo Romanus primùm ab Hittorpio vulgatus fuit Typo Colonienfi Anno 1568. ex tribus Codicibus Ms. Viri ornatissimi CORNELII GUALTERII, varias autem partes hujus Ordinis ex Bibliotheca hac Metropolitica accepisse se gratus fatetur, quarum cum aliis collatione accuratior & plenior fieret editio, Idem Liber Romæ recusatus fuit Anno 1591. Tertiò Typo Colon. Anno 1618. Tomo VIII. Bibliothecæ Patrum.

Complectitur hic Liber id, quod nos tribus Libris separatis, *Missali, Pontificali, & Rituali* complectimur. Duo de eo Volumine quærantur, imo quis Autor sit? dein verusne sit ille & primigenius Ordo Romanus, quem Hittorpius edidit? Au-



Autorem sibi ignotum *Hittorpius*, omnesque veteres & recentes Tractatores Liturgicarum rerum fatentur. Sæculo octavo fuisse à Pontificibus Romanis transmissum PIPPINO aut CAROLO narrant, *Hilduinus Abbas S. Dionysii*, *Valafrius Strabo*, *Sigebertus in Chronico*, & ex eo *Leopoldus Bambergensis*. Verosimile igitur est rogantibus tantis Principibus Pontificem imperasse Uni aut pluribus Romanæ Ecclesiæ Ceremoniarum peritis, ut, quos ex suæ Ecclesiæ traditione nôssent, ritus in Missis, Officio Divino, Sacramentis & Ordinationibus, ac Benedictionibus adhiberi, ea in unum Volumen conscripta *Pippino Carolove* offerrent.

De primæva forma hujus Libri suspicatur *Hittorpius* eam non esse in eo Volumine, quod ipse edidit, sed fortè ab Albino aliòve auctam ad nos pervenisse, aut contra, Albinum multa ex Ordine Romano mutuatum fuisse. *Hugo Menardus in Notis Libro Sacramentorum Gregorii subjectis* antiquum admodum esse hunc Ordinem fatetur, sed à primæva simplicitate abiisse posteriorum Scriptorum additamentis. *Joannes Morinus* ampliatur, qualis ab Hittorpio emissus fuit, non nisi Sæculo decimo, cætera vetustum. *Parte III. de Sacr. Ordin. pag. 169. 170.* Cardinali BONA Judice, Liber est valde antiquus, sed prout nunc editus est, posterioris Ævi ceremoniis abundat: quod omnibus ritualibus Libris contingit, cum à recentioribus describuntur. *L. de Divina Psalmodia.*

CODEX 139. alt. 10½ lat. 7½ Unc. Pontificale Coloniense. Codex hic non omnes quidem Episcopales Functiones

etiones habet, quas tamen habet, eæ ferè cum *Ordine Romano* conveniunt. Sæculo XI. scriptus videtur. In Ordinatione Episcopi, in cuius Scrutinio hæc interrogatio formatur. „ Vis Sanctæ Colonienſi Eccleſiæ, mihi „ & Succelloribus meis fidem & ſubjectionem exhibe- „ re? R. Volo. Hinc colligitur Colonienſis Eccleſiæ eſſe = En Indicem = Ordo ad Benedicendum Regem. Conſecratio Pfalmiſte. Ordinationo Oſtiarii, Lectoris, Exorciftæ, Acoliti, Subdiaconi, Diaconi, Presbyteri. Incipit Ordo, qualiter Dedicatio Eccleſiæ fieri debeat. Reconciliatio violatæ Eccleſiæ. Conſecratio Cemiterii. Ordinationo Abbatis, Abbatiffæ, Abbatiffæ Canonicam Regulam profitentis. Conſecratio Sacræ Virginis, Viduæ, quæ fuit caſtitem profeſſa. Benedictio ſuper Conſecratos vel Ordinandos. Benedictio novæ domûs. Eædem & plures Ordinationes inſunt Ordini Romano ab Hittorpio edito, tum etiam alia ferie collocati, demum nunc plures, nunc pauciores Orationes alteruter Codex habet.

CODEX 140. alt. 10½ lat. 8. Pontificale Colonienſe, cum notis muſicis, impoſitis Antiphonis & Præfationibus, quæ à noſtri Sæculi notis diverſæ figuræ ſunt. *Continetur hoc Libro.* In Purificatione S. Mariæ Benedictio ſuper Candelas. 2. Ordo in quarta feria, quod eſt  
in



in Capite Jejunii. 3. Ordo in Dominica Indulgentiæ, quæ Dies Palmarum vocatur. Cærimonix lectu dignissimæ. 4. Incipit Ordo, qualiter agatur Concilium tri-duo. Ponitur post Deminicam Palmarum inchoari, finiri in Coena Domini, in qua Episcopus legit *Ammonitionem ad Clerum*, eandem, quæ in *Ordine Romano* reperitur, unde discimus disciplinam, mores, & habitum Cleri Colonienfis, qualis Sæculo XI. fuit, quo hic Codex exaratus est. 5. Eodem die Coenæ Domini Benedictio ignis. 6. Eodem die Reconciliatio publica Poenitentium. Post varias Antiphonas cantandas, recitat Episcopus Orationes XV. super Poenitentes, dein sequitur *Absolutio*, in qua sunt tres Orationes deprecatoriæ, una indicativa. Hæc: „Nos etiam secundum Au-  
„ toritatem nobis indignis à Domino commissam absol-  
„ vimus vos ab omni vinculo delictorum vestrorum,  
„ ut mereamini habere vitam æternam. „ 7. Eodem die Benedictio Chrismatis. Consecratio principalis Chris-matis. 8. Ordo in Parasceve. 9. Incipit Ordo ad Catechumenum faciendum. Exorcismi super masculos, diversi ab iis, qui super foeminas. 10. Benedictio Fontis. 11. Ordo Baptismi. „ Ter mergatur infans, & post ve-  
„ stiat. Si Episcopus adest, statim confirmet, & post  
„ communicet; absente Episcopo, communicet Pres-  
„ byter baptizatum hac forma. Corpus & Sanguis D.N.  
O J. Chri-

„ J. Christi conservet animam tuam in vitam æternam. „  
 13. Benedictio carnum. 14. Visitatio infirmi. Unctio-  
 nis forma indicativa. Partes corporis ægroti plures ac  
 nunc inunguntur. Post Unctionem communicet. Pre-  
 ces apud moribundum: pro mortuo: 14. Oratio in Agen-  
 da mortuorum. 15. Benedictio Crucis. 16. Benedictio  
 Crucis metallizata. 17. Benedictio Tabulæ itinerariæ,  
 (seu Altaris portatilis, ut nunc loqui amamus.) 18. Ordo  
 ad Signum Ecclesiæ benedicendum (id est Campanam)  
 Finis. Convenit & hoc Pontificale cum Romano Or-  
 dine Hittorpico, sed hujus series alia est & uberior.

NOTA LXXIV. *De Baptismi, Confirmationis,  
 Extremæ Unctionis Ritu, Sæculo XI.*

Sæculo XI. usitatam fuisse hinc Coloniae trinam immersionem,  
 necdum verò adhibitam asperisionem solius capitis, discimus ex  
 hoc Pontificali, tum ex vita Hermannii Judæi, Coloniae circa  
 1124, ad Fidem Christi conversi, & in Parochia S. Petri baptizati,  
 cujus facti ipse Scriptor & testis est Capit. 19. Vitæ suæ editæ Lipsiæ  
 à Carpzovio 1687. ad calcem *Pugionis Fidei Raimundi Martini.*

„ In cæteris ad Fidem Orthodoxam pertinentibus sufficienter  
 „ pro mea capacitate imbutus, solùm de Baptismi trinâ immer-  
 „ sione in Nomine Sacræ Trinitatis exhibenda ex Ministrorum  
 „ negligentia, immò potiùs ex insidiantis mihi inimici fraudu-  
 „ lentia edoctus non fueram. Fluente igitur vivifici fontis in-  
 gressus,



„ gressus, & in eo semel contra Orientem immersus, solam hanc  
„ immersionem suffecisse credebam ad antiquæ vetustatis reno-  
„ vationem. Clerici autem Baptisterium circumstantes sæpiùs  
„ me mergi debere clamabant, sed ego, qui Fonte jam recens  
„ emerferam, discretè eorum voces audire vel clarè, quos mihi  
„ faciebant nutus, defluente nimirum hinc inde piloso capite  
„ aquâ, videre non poteram; igitur à facie deterfa manibus  
„ aqua, quid vellent, audiui: sed magno Fontis adstrictus fri-  
„ gore eorum primò voluntati non libenter obedivi. Attamen  
„ blandâ Baptistæ mei flexus admonitione feci, quod faciendum  
„ erat pro salute. Ratus itaque hac me secunda tinctione Divi-  
„ nis Mysteriis satisfecisse, cœpi de Fonte velle exire. Siqui-  
„ dem præ nimio ejus algore totus obrigueram. Sed Clerus  
„ magnis rursus vocibus perstrepebat, me ad consummationem  
„ Sacramenti versùs ad Austrum, salutaribus fluentis humiliter  
„ debere submitti. Diabolicâ igitur fraude circumventus suspi-  
„ catus sum, haberi me ab eis derisui. Unde sicut ille quondam  
„ Naaman Syrus accepto ab Helisæo Propheta septies lavandi  
„ præcepto magno animi succensus furore, ac moræ totius im-  
„ patiens, volebam è Baptisterio prosilire. Sed, Deo gratias,  
„ quod etsi se inimicus erexit, non adversum me prævaluit;  
„ Enimverò quemadmodum ille Naamus suorum flexus com-  
„ monitione comitum, salutarî Prophetæ Consilio obtempera-  
„ vit, ità blanda Religiosorum, qui aderant, Clericorum exhorta-  
„ tio, propulso ab animo meo concepto malæ suspicionis con-  
„ tagio meam in fide pusillanimitatem roboravit.

Hinc discimus Baptisteria nostra, uti Romæ *Constantinianum* superest, fuisse profunda Lavacra, ante Ecclesiarum introitum excavata, in quæ variis gradibus descendebatur, corpus ut totum mergi & ablui posset.

*Secundò* Morem statim à Baptismo conferendi Sacramenti Confirmationis, quod nunc differtur ad rationis usuram.

Discimus *tertiò* iisdem licet infantibus Eucharistiam datam fuisse, quod Sæculo quinto INNOCENTIUS I. & S. AUGUSTINUS magno studio asseruere, & sexcentos circiter annos & amplius obtinuit hic usus, ut & infanti baptizato Eucharistia danda omninò judicata fuerit: in Ecclesia Græca in hanc usque diem hæc disciplina perseverat. *L. de iis, qui Mysteriis initiantur. C. VII. Cyrilli Jerosolymæi Catechesin Mystagogicam. Augustinum L. de Peccator. meritis. C. 20. § 24. Albinum de Divinis Officiis: in Sabbato Sancto: qui & monet de Baptizatis jam & Confirmatis, „ Hoc providendum est, ut nullum cibum accipiant, neque lactentur, antequam communicent. „ Omni autem die usque in Octavas ad Missam veniant, „ & communicent; parentes verò oblationes pro ipsis faciant. Pag. 55. Editionis Hittorpiæ. Idem docet Rabanus Maurus Archiepiscopus Moguntinus L. I. de Institut. Clericorum, & necessitatem dandæ Eucharistiæ Baptizatis, sive infantibus, sive adultis probat ex Joannis VI. 53. 54. pag. 214. ejusdem Edit. Cæterum quàm certa est Christi de Manducando à Fidelibus Corpore & Sanguine præceptio, tam certum est pertinere ad Apostolorum & Episcoporum curam, quando, quibus, quoties Eucharistia danda sit.*



fit. *TRIDENTINUM Sess. XIII. de Eucharistia C.VII. & Sess. XXI. C. IV.* docens, parvulos ufurationis carentes nullâ obligari necessitate ad Sacramentalem Eucharistiæ Communionem.

**CODEX** 141. alt. 10. lat. 7. **PONTIFICALE REMENSE** est Sæculi octavi aut noni. Quod discimus ex §. XXVI. in quo ordinandus Episcopus rogatur „ Vis „ fidem & subjectionem Sanctæ Ecclesiæ Matri Remen- „ si omnes dies vitæ tuæ servare? Præmittitur Imago S. Mariæ, dexterâ JESUM lævâ crucis signum gestantis, picta in membrana rubro-aurea. Literæ indicis, & paginae primæ, & initiales omnium Ordinum unciales & sesqui-unciales sunt auro & coloribus, & quandoque Historiis illustratæ.

Feria V. Majoris Hebdomadæ post varias formulas deprecativas super poenitentes Ecclesiæ reconcilians, una est indicativa & judicativa, qualis in Pontificali Colon. n. 139. distinguitur Absolutio Clericorum, Laicorum, plurium, unius.

Post Ordinem consecrandæ Ecclesiæ sequuntur multifariæ Benedictiones pro Missis per annum & de Sanctis, similes illis, quæ post Librum Sacramentorum Gregorii M. collectæ & editæ sunt *Tomo II. Operum S. Gregorii Edition. Paris.* In Benedictione Regis lego: „ Ut Regale Solium videlicet Saxonum, Merciorum,  
O 3 „ Nor-

„ Nordan - Humborúmque Sceptra non deferat, sed  
 „ ad pristinæ fidei pacisque concordiam eorum animos  
 „ Te opitulante reformet; ut utrorúmque horum po-  
 „ pulorum debitâ sibi subjectione fultus cum digno  
 „ amore per longum vitæ spatium paternæ apicem glo-  
 „ riæ tua miseratione unatim stabilire & gubernare me-  
 „ reatur.

*Dum deducitur ad Solium*, dicit Episcopus: „ Sta,  
 „ & retine à modo locum, quem hucusque paternâ fug-  
 „ gestionem tenuisti, *Hereditario* Jure Tibi delegatum.  
 Quæ omnia me movent, ut sub LUDOVICO PIO,  
 CAROLO CALVO, Heredibus CAROLI MAGNI scri-  
 ptum hunc Codicem judicem. *Describo Indicem*: In  
 Nomine Domini. Incipit Liber Episcopalis. Capitula  
 sequentis Libri. I. Ordo ad pueros signandos. II. ordo  
 ad puerum tonsurandum. III. ordo ad Clericum facien-  
 dum. IV. ordo ad barbam tondendam. V. ordo qualiter  
 Sacri Ordines fiant. VI. ordo Ostiarii, qualiter ordi-  
 netur. VII. ordo qualiter Lectores ordinentur. VIII. ordo  
 qualiter Exorcistæ, IX. o. q. Acoliti, X. Subdiaconi, XI.  
 Diaconi, XII. Presbyteri, XIII. Sermo super dictis Or-  
 dinibus. XIV. o. ad benedicendos cereos in Purificatio-  
 ne. XV. o. in Capite Jejunii, qualiter poeniteant. XVI. o.  
 in ramis palmarum. XVII. o. in die Absolutionis, & de  
 Poenitentia. XVIII. ordo de Consecratione Chrismatis  
 matis



matris & Olei. xix. ordo, qualiter agendum sit in Parasceve. xx. ordo, qualiter benedicatur novus ignis in Sabato S. xxi. ordo ad benedicendam & consecrandam Ecclesiam Dei. xxii. o. ad benedicenda omnia instrumenta Ecclesiæ. xxiii. ordo ad Crucem Domini benedicendam. xxiv. Ad Cassam vel Feretrum benedicendum. xxv. Ad benedicendum Ecclesiæ Signum. xxvi. ordo qualiter consecretur Cemiterium. xxvii. ordo ad reconciliationem violatæ Ecclesiæ. xxviii. Ad benedicendum Altare in tabula lignea confixum. xxix. ordo, qualiter consecretur Episcopus. xxx. o. q. Romanus Pontifex. xxxi. o. ad benedicendum Abbatem. xxxii. o. ad Monachum faciendum. xxxiii. ad benedicendam Abbatisfam. xxxiv. Ad consecrandam Sanctimoniam. xxxv. Ad consecrandam Laicam Virginem. xxxvi. Ad benedicendam Viduam. xxxvii. Ad benedicendum Regem. xxxviii. ordo ad benedicendum Imperatorem. xxxix. Ad benedicendam Reginam. xl. Ad armandum militem. xli. Ad benedicendam Sponsam. xlii. Ad benedicendum Peregrinum. xliii. ordo excommunicandi & absolvendi. xliv. Benedictio carniū in Pascha. xlv. Benedictio pomorum. xlvi. Ad fruges novas. xlvii. Panis novi. xlviii. Uvæ sive fabæ. xlix. Benedictio vini novi. l. ordo qualiter agatur Synodus.

CODEX 142. alt. 11½ lat. 9. Unc. Ordo ad visitandum & unguendum infirmum. Portio Ritualis Colon. Formula Unctionis indicativa conjuncta est deprecativæ, antecedenti & subsequenti. Sæculi XIV.

CODEX 143. alt. 12. lat. 7½ *Lectiarius* Epistolarum per annum dicendarum in Sacrificio & paucarum de Festis; demum Epistolarum de communi Martyrum, Confessorum, Virginum: in fronte Libri Imago Archi-Episcopi Nostri EVERGERI Habitu Episcopali induti, supplicis, prostrati, manibus manipulo ligatis in membrana purpureo - deaurata, in qua hæc tria Hexametra aureis literis leguntur.

Nexibus Alme Pater vitiorum solve potenter,  
 Paule Deo lectus, pariter tu solve reatus,  
 Consequar ut veniam Christo donante supernam.

Circa hanc Iconem legis aureo quadrato caractere: EVERGERUS ARCHIEPC. è regione hujus Imaginis depicta est Imago SS. Petri & Pauli, lævâ Librum gestant: Supra Tunicam, Pallium, & Stolam induti, adscriptis Græcis literis ΑΓΙΟΙ ΠΗΘΡΟΣ ΑΓΙΟΙ ΠΑΥΛΟΣ. & hoc gemino carmine:

Præsul EVERGERUS, cujus sum Nomine scriptus,  
 Hos vocat esse suos devotâ mente Patronos.

Lite-



Literæ initiales toto libro unciales deauratæ, initia Solemnium Dierum, picturâ, & uncialibus ornantur. Liber auro & lapidibus pretiosus cinctus fuit, & vestitus, quod vacuæ lacunæ indigitant. Ætatem Libri Donator prodit: Sedit Evergerus in Cathedra Colon. ab Anno DCCCCLXXXV. ad A.C. DCCCXCXVII.

NOTA LXXV. *De Numero Librorum, Liturgiæ conficiendæ deservientium.*

Mirabitur Lector tantum apparatus Librorum pro Liturgia, cum nostra ætas uno Libro, quem *Missalem* dicimus, omnia complectatur; sed alia est facies Liturgiæ primis duodecim Sæculis, quoad ritus & cærimonias, etsi substantia eadem sit nostræ præsentis Liturgiæ.

*Liber Sacramentorum*, id est, Liber, in quo continebatur Canon, & ternæ Orationes, sufficiebat Celebranti, sive is Episcopus, sive Presbyter esset.

*Lectiarius*, in quo Prophetiæ, Epistolæ, Evangelia erant, serviebat Subdiacono cantaturo Epistolam, & Diacono, vel Presbytero, cantaturis Evangelium.

*Antiphonarius* (in quo quaternæ Antiphonæ, quas vocamus *Introitum*, *Graduale*, *Offertorium*, *Postcommunio*, scriptæ erant) erat pro *Schola Cantorum*, vel Choro, non pro Celebrante sive Episcopo, sive Presbytero, qui ea non dicebat, nec legebat, ut infra docebitur.

*Psalterium* [in quo Psalmi Davidici CL.] erant in mani-  

P
bus

bus Cantorum, & universi populi : nam in omnibus Sacrificiis quatuor Psalmi decantabantur. Unus, dum Episcopus cum Presbyteris, aut Presbyter Officians cum Clero, ingrediebatur Templum, aut è Diaconia ad Altare procedebat. Secundus Psalmus canebatur inter Epistolam, vel Prophetias & Evangelium. Tertius Psalmus canebatur interea, dum Clerus & populus panem & vinum, aliâque dona Episcopo, vel Diaconis Oblationariis offerebant. Quartus Psalmus canebatur, dum Clerus & populus Eucharistiam sumebat.

Hæ quatuor Functiones jam cessant, unde & *sola Antiphona* remanserunt. Eædem Antiphonæ recitantur nunc ab Episcopo, vel Presbytero *Officiante*, à quo olim nec legebantur, nec legi poterant. Igitur hi quatuor Libri necessarij erant Sacrificio celebrando.

Hæc omnia clariùs intelligentur inspectâ formâ Veteri Ecclesiarum Nostratium.

### NOTA LXXVI. *Habitus Ecclesiarum Colon.*

Ecclesiæ primo Millenario Coloniae exstructæ sunt, *Caciliana, Severiniana, Cunibertina, Gereonitica, Capitolina, Martiniana, Benedictinorum, Pantaleonitica.*

Harum forma à *Delubris* diversissima hæc erat. Oblonga, præ quadratis, vel rotundis placebat Christianis, cujusmodi sunt Basilicæ Regum, vel Judicum Dicasteria, Aulæ publicæ.

Ædificabantur Ecclesiæ versùs Orientem, in tres partes divisæ, in *Concham*, in *Chorum*, in *Narvim*.

Con-



Concha extrema, vel si vis, prima pars Ecclesiæ versùs Orientem hemicyclus erat, in cujus centro stabat Ara. Cathedra Episcopi stabat in fundo hemicycli elatior, in quo sedebat Episcopus, vel Officiarius, facie ad populum & Clerum versâ, quo ritu Summus Pontifex sedet Romæ in Basilica Vaticana. Circum Episcopum sedebant Presbyteri Ecclesiæ. Ante Episcopum stabant Diaconi & Subdiaconi. Ante & circum Aram stabat *Clerus*: qui locus secundus, aut ut nunc loquimur, *Chorus* Ecclesiæ dicitur. Clerum dividebat *Absis*, seu Arcus, à plebe: & gradus varii infra eundem arcum. Tertia pars Templi columnis ornata, Navis erat pro populo. Ante Ecclesias erat atrium Catechumenorum & Pœnitentium.

Ab utroque latere Ecclesiæ erat *Diaconia* & *Secretaria*. *Diaconia* pro vestibus & vasis, & pro his, qui iis induendi erant. *Secretaria* pro libris necessariis ad Liturgiam, & pro consultationibus Episcopi, vel Decani, unde & Synodi habitæ in *Secretaria* leguntur, adeò amplæ erant.

Antiquissimæ Colonienſes Ecclesiæ hanc formam referunt, hoc solo discrimine, quòd Ara peripheriæ Hemicycli nunc propior sit, quæ in ejusdem centro esse debebat.

Sanè Ecclesiæ omnes supramemoratæ, primo Millenario ædificatæ, in Hemicyclum definunt. Episcopus, vel Presbyter, id est, Decanus, ingressus Ecclesiam, & Liturgiam orsurus, hìc sedebat, donec Clerus & populus, quisque suas sedes occupâſſet, Subdiaconis, vel Diaconis, invigilantibus, ut ordine & modestè omnes intrarent & considerent.

Interim Clerus & populus canebat Psalmum, qui nunc *In-*

*troitus* dicitur, cujus initium solum nunc retinemus; Episcopus, vel ejus loco, Presbyter, Sacrificium facturum, salutabat populum jam suo loco constitutum: usitatâ formâ: *Pax vobis*, aut *Dominus vobiscum*, nisi ob Solemnitatem Diei = *Gloria in excelsis* præmittendum esset. Deinde faciebat *Orationem* nomine Universæ Ecclesiæ, cujus, quia vota, seu desideria, præsentis diei convenientia, nomine omnium colligebat, & ad Deum persolvebat, dicebatur hæc Oratio, *Collecta*. Hæc non nisi unica in Gregoriano Libro est. Si jam ex honesto fine, vel causa, vel ob concursum plurium Martyrum, eodem die, vel *votiva Missa* de B. M. V. alióve Sancto, aut Mysterio, aut *pro Defunctis* celebranda judicaretur, totidem Missæ fiebant, idque ab eodem Presbytero eodem die, v. g. Missa una de S. Sebastiano, *altera* de S. Fabiano, *tertia* occurrentis Officii de tempore, *quarta* Votiva de Domini Passione &c. *quinta* pro Defunctis &c. Idem observat *Menardus in Notis ad Librum Sacramentorum*, v. g. in Die Coenæ Domini fiebant tres Missæ, ut nunc apud Nos in Die Nati Domini: Die SS. Petri & Pauli duæ ab eodem Pontifice, prima in Ecclesia Petri, secunda in S. Pauli. pag. 405. 327. *Tomo III. Operum S. Gregorii*. De missa gemina Matutina & Vespertina eodem die fieri, solita vide *Illmum BARONIUM in Prefat. ad Martyrol. Rom.*

S. Norbertus die quodam primò Missam B. M. V., ut in Sabbatis fieri solet, celebrabat, deinde Missam illorum Defunctorum, quorum mors extitit causa odii, quod pacificare volebat. *Die VI. Junii, pag. 890. in Actis SS. Antwerp.* S. Aybertus Presbyter hoc eodem Sæculo XII. duas Missas quotidie celebrabat, alteram pro Vivis, alteram pro Defunctis. Vide *diem VII. Aprilis in Act. SS.*



*in Vita ejusdem. Vide & VValafridum Strabonem. Cap. XXI. pag. 344. 345. Edit. Hittorp.*

Post Collectam ab Episcopo cantatam, Subdiaconus ascendebat Ambonem, non prope Altare, nec facie versâ ad cornu Epistolæ, sed ad populum, & Epistolam, aut aliam ex V. aut Novo Testamento assignatam Lectionem legebat.

Hic Ambo erat in Cancellis vel Cancellato & transparente Odæo [loco Scholæ Cantorum proprio, quod nunc Musici occupant] quo Clerus à populo dividebatur: cujusmodi Cancelli & Odæa supersunt in Ecclesiis *Severinianâ*, *Gereoniticâ*, *Capitolinâ*, & *Georgianâ*, licet hæc post primum Millenarium ædificata fuerit: & in hoc Georgiano Odæo etiamnum superest *Ambo cum pulpito*: in cæteris Collegiatis Ecclesiis Colon. similia Odæa & Cancelli adhuc erant ante annos 50., nunc Odæa sublata, Cancelli elegantiores & patentiores substituti. Post Epistolam, ne continuâ lectione fatigaretur Populus, *Antiphona* & *Psalms* à Schola Cantorum & plebe canebatur. Psalmus adhuc integer superest in Dominica Septuagesimæ, Psalmus: *De profundis*. Dominicâ I. in Quadragesima Psalmus: *Qui habitat*. In cæteris initium Psalmi retinuimus.

*Graduale* dicitur, eò quod è navi Ecclesiæ ad Chorum per gradus ad hoc canendum ascendebatur, ut patet in pluribus Colon. Ecclesiis; *Severinianâ*, *Gereoniticâ*, & in Gradibus, aut supra gradus Odæum erat structum Evangelio cantando: quale in Ecclesia Metropolitana Nostra præsentè extat, cinctum multis Statuis Angelorum candelabra gestantium, inter quæ accensa

Diaconus Evangelium versâ ad populum facie & voce canebat.

Post Evangelium, Sermo ab Episcopo, interpretes Evangelii & lectarum Scripturarum. Post Sermonem Catechumeni, Pœnitentes, Energumeni, ex Ecclesia excludebantur per Subdiaconos & Ostiarios in Vestibulum ante Ecclesiam, cujusmodi Atria Basilicæ Gereonitica, Capitolina, & Pantaleonitica, & Cæciliana adhuc habent.

Collegiata Apostolorum, licet postrema ejus structura Sæculum XII. attingat, attamen insigne Atrium Catechumenorum habet. Ecclesia Nostra Metropolitana præsens, licet Sæculo XIII. medio extructa; vastum tamen atrium pœnitentium habet, quod geminatæ ternæ portæ faciei Occidentalis, quâ intratur, adhuc ostendunt, Pœnitentium & Catechumenorum usui destinatum, inter duas turres Occidentales medium.

Clausis portis, Sacrificium facturus ipse Sacrificans primus panem & vinum, dein Clerus, demum populus, viri, foeminæ offerebant. Quæ quandoque ipse Episcopus, aliàs Presbyteri aut Diaconi recipiebant, & Archidiaconus in Altari componebat, & Sindone obtegebat.

Ea, quæ præter panem & vinum offerebantur à Fidelibus, vel pro ornatu Ecclesiæ, vel pro alimentis Cleri, pauperumve, vel pro usu ipsorummet offerentium, uti *fruges novæ*, &c. in alia mensa ponebantur, & sub finem Sacrificii benedicebantur.

Huic cærimonix, quæ nonnullum tempus postulabat, sanctifi-



ætificandæ, canebatur à Schola Cantorum Psalmus, cujus Antiphonam, nunc retentam, vocamus *Offertorium*. Factâ oblatione panis & vini, Episcopus consecranda offerebat, dein & incensum adolebat, veluti *Symbolum Orationis* Ecclesiæ ad Deum ascendentis, demùm super Oblata orationem faciebat.

Succedebat *Præfatio*: quæ non tantùm, uti hodiedum, decuplex est, sed multifaria erat pro temporum & festorum varietate, ut Libri *Sacramentorum* à Pamelio, Menardo, & Martene editi docent.

Præfationem excipiebat *Canon*, sub quo Orationes pro universa Ecclesia, speciales pro vivis & defunctis, communicatio cum precibus Sanctorum Ecclesiæ triumphantis, demum Consecratio oblatis panis, & vini. Oratio Dominica, Osculum Pacis, quod tamen in nonnullis Ecclesiis ante Præfationem dabatur invicem viris à viris, foeminis à foeminis.

*Communio* Corporis & Sanguinis, quia ordinariè omnibus, aut multis præsentibus dabatur, tempus postulabat, cui molliendo à Schola Cantorum Psalmus Davidicus canebatur, cujus Antiphonam duntaxat retentam vocamus: *Postcommunio*.

Distributo Sacramento Episcopus Orationem ad Deum pro populo, quem prius salutabat, dicebat, quæ in Gregoriano uti & Colonienfi dicitur *Complenda*, vel ad *Complendum*, vel *Postcommunio*; & supponit ex veteri ritu, omnes vel plerosque fuisse refectos, satiatis, pastos, cibo potuque cælesti.

Benedictio, quæ seu ab Episcopis, seu Presbyteris datur, uniformis nunc est. Ea multiplex, & diversissima in veteribus nostris

Ms.

Mss. & editis est, ac pro temporum, festorumque discrimine alia & alia, & eodem die multiplex, & proluxa. *Evangelium Joannis* ex recentiori more Liturgiam nostram claudit.

Hinc jam videt Lector, cur diversis personis, Liturgiæ interventibus, sui seorsim Libri scripti fuerint, & tot diversi Codices Mss. in hac Bibliotheca reperiantur, uni Liturgiæ destinati; quos nunc describere pergo.

CODEX 87. *a.* alt. 10½ lat. 8. Unc. *Lectiarius*, in quo Epistolæ & Evangelium de tempore, & de festis, & de communi per annum dispositæ leguntur secundum ritum Coloniensem. Sæculi X.

CODEX 56. *b.* alt. 14. lat. 11. *Capitulare Evangeliorum de Circulo anni.*

CODEX 14. *b.* alt. 12½ lat. 9. *Capitulare Evangeliorum de circulo anni.*

Continent hi duo Codices *Indicem*, quo Evangelia designantur, Dominicis, Festis, & ferialibus diebus per annum cantanda, & ideo in duodecim menses distributa. Inchoatur à Vigilia Nativitatis Domini, usque ad hebdomadam quintam ante Natale Domini inclusam; sed Divisio Dominicarum planè singularis est, neque Romano, neque Colonienfi Missali conveniens, etsi Evangelia Colonienfis Missalis Evangelii respondeant.

Verùm



Verùm Stationes Ecclesiarum, in quibus Liturgia facienda, designatæ persuadent potius Romano Missali convenire oportere.

Hæc observo: post Theophaniam numerantur decem hebdomadæ cum Evangeliiis suis pro Dominicis, feriis quartâ & sextâ, veluti pro mensibus Januario & Februario. Dein Evangelia pro Dominicis Septuagesimâ, Sexagesimâ, Quinquagesimâ & Quadragesimâ, cujus sequentibus feria IV. VI. & Sabbato ponuntur quatuor tempora & jejunia *primi Mensis*: sic enim Martium compellant Ecclesiastici Liturgici. Etsi, jam à Julio Cæsare & Augusto Martius fuerit mensis tertius anni, uti & nunc est; Junius *sëxtus*, Liturgicis *quartus* &c. Dominicæ post Pentecosten non numerantur serie continuâ usque ad Adventum: sed per Menses, & primo quidem usque ad *Natale Petri & Pauli*, tum usque ad *Laurentii*, deinde Dominicæ post S. Laurentii ad Dominicam primam Octobris & Dominicam I. Novembris.

Adventûs Evangelia per Dominicas quinque ordine retrogrado numerantur, ità, ut quinta ea sit, quæ nobis est Dominica ultima post Pentecosten.

NOTA LXXVII. *De Codicibus Evangeliorum cum hujusmodi Capitulari.*

Simile Capitulare, seu Indicem, designantem Evangelia in Missis

Q

per

per annum cantanda, habent antiquissimi Codices quatuor Evangeliorum continuo contextu scriptorum, antequam Evangelia Dominicarum excerpta & divisa seorsim scriberentur. Istiusmodi Codex membranaceus in Collegiata Basilica S. M. V. ad Gradus, de quo *Notatione octava b.* actum fuit.

CODEX 144. alt. 8. lat. 6. *Evangelarius* five Evangelia per annum, literæ initiales deauratæ. Codex Sæculi IX. vel X.

CODEX 145. alt. 13. lat. 9½. Similis Evangeliorum Liber, caractere acuminato Gothico. Sæculi XII.

#### NOTA LXXVIII. *De similibus Codicibus.*

In Collegiata S. Andreæ Basilica Evangeliorum Codex est, cujus latus aduersum laminâ argenteâ coopertum, prominentem argenteam Iconem Salvatoris præsefert sedentis, & Evangelium apertum monstrantis. Quatuor angulos extremos ornant Symbola argentea Evangelistarum prominentia. Character Gothicus Sæculi XIV. Evangelia Colonienſis Ecclesiæ ritu & serie digesta sunt.

*Collegii Colon. Soc. Jesu Bibliotheca* habet Codicem membranaceum vetustissimum fortè, quem in hoc genere Colonia habet. Patet id primò ex caractere minuto quidem, sed parùm à quadrato abeunte. Ex initio libri picturis permultis & pretiosis in membrana modò rubro - modò cæruleo - deaurata. In fronte libri Imago Salvatoris sedentis habitu Magistri. Icones quatuor  
Evan-



Evangelistarum, calamis & atramento Volumina scribentium sub conopæis. Similis pictura ante Festa majora, & mysteria Vitæ Christi: sed Inventio S. Stephani Proto-Martyris plurimis Iconismis explicatur, quæ omnes Sæculum octavum redolent, & quod membrorum humani corporis proportioni decedit, hoc auri & colorum vivacitas supplet. Diceres nuper picta, quæ vides. Non tantum literæ initiales Evangeliorum aureæ & Unciales sunt, sed singuli periodi ab aurata literula inchoantur. Differt & hic liber in paucissimis ab Serie Evangeliorum Colon. Ecclesiæ. Non dubitamus in pluribus Ecclesiis & Bibliothecis Colon. hujusmodi vetusta Volumina Mss. superesse, quorum innoxia inspectio si concederetur, plurimum prodesset Liturgicæ Historiæ & crisi augendæ: & Dominis Librorum nil obesset, imò prodesset plurimum.

CODEX 146. alt. 11½ lat. 7½ Unc. Incipiunt Capitula Lectionum (Index) „In Nomine Domini Jesu Christi, „in hoc continentur Explanationes excarpstæ Lectionum, sive Epistolarum, Dominicis diebus seu Festivitatibus, nec non & Férias à Vigilia de Nativitate „Domini horâ nonâ usque in Ascensu Domini. Id est, „Pars prima Lectionarii. Sæculi X.

### NOTA LXXIX. *De Hora Missæ dicendæ.*

Videtur primo Millenario Missa non fuisse dicta ante horam à Solis ortu tertiam, quæ nostræ *Nona* matutinæ responderet,

tum horâ sextâ ordinariè, quæ nostræ duodecimæ, horâ nonâ in Semijejuniis, quæ nostræ tertiæ pomeridianæ : in magnis autem Jejuniis horâ vespertinâ Missa inchoabatur. Hujus moris mysticas causas, qui scire cupit, legat *Amalarium Lib. III. & IV. de Ecclesiast. Officiis pag. 178. & 219. Edition. Hittorp.* Nos Historiam sectamur.

Jam in Vespere Sabbati Sancti Missam inchoatam fuisse nocte ingruente, Orationes quæ supersunt, manifestè docent, idem Sabbato ante Pentecosten factitatum A M A L A R I U S meminit.

Sabbatis quatuor temporum Missa non nisi nocte irruente celebrabatur. Unde Dominica sequens *vacabat* : quia Celebratio Ordinationum juxta Decreta Sanctorum Patrum tam serò fiebat in Sabbato, ut potius Dominicæ, quàm Sabbato adscriberetur. *Ratio hac est Micrologi cap. 29. pag. 395. Edition. Hittorp.* Unde Missæ harum quatuor Dominicarum in antiquissimis Sacramentariis nullæ : quia Missa, Lectio XII. Prophetarum, & Ordinatio à Vespere Sabbati in Dominicam protrahebatur : & Stilo Ecclesiastico Dominica à Vespere incipit, non à luce matutina sequente : unde Missæ pro his quatuor Dominicis seriùs scriptæ & adinventæ sunt. *Schultingius Biblioth. Eccles. Tom. III. part. I. p. 33.*

Nunc enim Sabbatis quatuor temporum manè conferuntur Ordines : at Jejunium solvitur horâ sextâ seu duodecimâ meridianâ Sabbati, quod olim non nisi post Sacrificium & Ordinationes vespere, imò noctu, celebratas solvebatur.

CODEX 88. *a. b. c.* alt. 11. lat. 9½ Litanía vetusta. Orationes & Confessio Sacerdotis ad Missam se parantis.  
Ora-



Orationes ternæ pro quibusdam Missis propriis Sanctorum.

CODEX 147. alt. 20. lat. 12. *Missale Colonienſe*, Pars Hyvernalis à Dominica prima Adventûs, ad Dominicam Trinitatis, charactere Gothico. Litteræ initiales deauratæ, nitidè conservatæ. Sæculi XIV.

CODEX 148. alt. 20. lat. 12. *Missalis Colonienſis* Pars Æstiva. Sæculi XIV.

CODEX 149. alt. 20. lat. 12. *Canon, seu Ordo Missæ* solemniter cantandæ cum Præfationibus multifariis. In capite libri lego „Anno Dni Millesimo trecentesimo quinquagesimo septimo, X. Kal. Martii obiit D. CONRADUS DE RENNENBERG, Decanus Ecclesiæ Colon. qui legavit hunc Canonem Ecclesiæ suæ prædictæ pro memoria æterna, cujus anima per Dei misericordiam requiescat in pace., Ætas Libri eadem, quæ Donatoris.

CODEX 150. alt. 17. lat. 12. Uncias. *Canon Missæ*. Sæculi XIV.

CODEX 151. alt. 12. lat. 9. Præparatio Sacerdotis ad Sacrificium, Canon Missæ cum picturis delicatissimis. Variæ Missæ de tempore & de Sanctis. Sæculi XV.

152. Fragmentum *Missalis*, in quo variæ Præfationes. Canon: nonnullæ Missæ. Codex in 8vo.

CODEX 153. in 8vo. Directorium Breviarii & Missæ tempore Paschali. Lib. Sæculi XVI. mutilus in fine.

CODEX 154. *chartaceus* in folio alt. 12. lat. 9. Uncias. *Ordinarius Majoris Ecclesiæ Coloniensis*, sive Director Rubricarum, ut nunc dicimus, per totum annum: In prima pagina legis: „Hunc Libellum ego Joannes Schallhorn, aliàs Speys, de Andernaco, Vicarius Altaris S. Alex ii in Majori Ecclesia Coloniensi practicavi & ordinavi in istas regulas inferiùs scriptas ex meo ingenio & arte. Incepi pro Anno Domini 1488. finivique Anno Domini 1493.

CODEX 155. *chartaceus* alt. 12. lat. 9. Uncias *Missale variarum Missarum*.

CODEX 156. *chartaceus* altus 11. latus 8½ de Officio Missæ.

CODEX 157. alt. 10. lat. 7. Ordo Missarum per annum. Præmittitur Canon indagandæ Diei Septuagesimæ, Paschatis, Pentecostes, Diei S. Joannis Baptistæ Natalis, Dominicæ primæ Adventûs, & dierum intermediorum, calculo ducto ab Anno MXCI. ad Annum



num MDXCV. calculatus. *b.* Sequitur Kalendarium, in quo multi Sancti, in Colonienſis Eccleſiæ Officio Canonico non memorati v. g. VII. Januar. S. Luciani Presbyt. & Mart. XI. Januar. S. Archadii M. ad XII. Januar. Octavæ Epiphaniæ, Hilarii & Remigii &c. Videtur autem Kalendarium & Liber eſſe Eccleſiæ Leodiensis, quæ eſt prima Suffraganea Noſtræ Metropolitanæ. Nam feſti dies SS. *Lamberti, Huperti, Servatii, Remacii*, rubro charactere pinguntur. Gemina Translatio S. Lamberti notatur. Altera 28. Aprilis, altera 23. Decembris. 30. Maji ſignatur Translatio S. Huperti. *c.* Tertio loco præparatio proluxa ad Miſſam. 4to Ordo Miſſæ, in qua Oratio ſuper oblata : *Suſcipe Sancta Trinitas* : gemina eſt, una pro vivis, altera pro mortuis. Canon Miſſæ inchoatur duplici Icone Chriſti in membrana purpureo-cærulea limbo aureo cincta. In prima pingitur Habitu Doctoris, Librum manu geſtans, in ſecunda affixus Cruci inter Mariam & Joannem : literæ initiales majores rubro minio decoratæ. Ante Memento mortuorum duæ Orationes leguntur, una *ſuper dyptichio* (ideſt dyptichis 3. Libellis Tabellâ geminâ clauſis, quibus Fundatorum ſeu Benefactorum nomina inſcripta ſervabantur) altera poſt lectionem nominum. 5to Continet Miſſale Leodiienſe, ſive Officium de tempore, ternis Orationibus pro Miſſa, deinde Sanctorum, demum de Comuni.

Epi-

Epistolæ & Evangelia hîc absunt, in *Lectionario* quærenda, utî Antiphonæ in Antiphonario, Psalmi in Psalterio. 6to Demum habet Benedictiones diversas pro diversis Missis per annum. Liber videtur Sæculo XI. in Ecclesia Leodiensi & pro ea scriptus, Gothico caractere.

NOTA LXXX. *Demonstratio Antiquitatis Liturgicæ Catholicæ.*

Nequeo supersedere Argumento invicto pro Vetustate & Sanctitate Liturgiæ Catholicæ demonstrandis, quod apud S A L E N T I N U M Electorem nostrum indicat Decanus H I T T O R P I U S post prolatos tot, tam luculentos à mille & pluribus annis Testes, Scriptores, criticos Collectores Liturgiæ Catholicæ, & Anno 1568. Colonia primùm in lucem editos, & eos bene multos ex Codicibus hujus Metropolitanæ Basilicæ. Quod Argumentum mirificè confirmatur, quum omnes Catholicas Bibliothecas Europæ nobis suffragari vidimus, & Codicibus Mss. *Sacramentariis, Lectionariis, Ordinationibus* in lucem editis ab FERRARIO, MENARDO, MORINO, MARTENIO, BONA, THOMASIO, MABILLONIO, & nunc Romæ ab ASSEMANNO & AZEVEDIO, qui universos Ritus Catholicæ Ecclesiæ, nedum Latinæ, sed Græcæ, Syriacæ, Cophthicæ, Ægyptiacæ editis, & edendis Libris corroborare pergunt.

Fingamus neminem Historicum, neminem SS. PP., nullum  
Con-



Concilium de Missa nostra, ejusque Ritibus quidquam docuisse, decrevisse, meminisse. Hæc totius Orbis consentientia Missalia, quæ Gregoriano & Gelasiano Canoni quoad substantiam & quoad verba concinunt, quid clamant, nisi Unam fuisse omnium Catholicorum, omni Sæculo, in omni loco Fidem de Sacrificio Corporis & Sanguinis Christi?

Jam quanti & quales Viri sunt horum Rituum Observatores, Judices, Custodes, Vindices! GELASIUS & GREGORIUS I. Magnus optimo jure dictus & Orientali Ecclesiæ Venerandus. S. ISIDORUS Hispalensis Archi-Episcopus, ALBINUS, Caroli Magni Magister, AMALARIUS Treverensis Archi-Episcopus, RABANUS Archi-Episcopus Moguntinus, WALAFRIDUS, BERNO, RUPERTUS Abbates.

Adamus Græcorum *Liturgias S. Jacobi, Basilii, Chrysostomi*, Eorundem *Synaxaria, Euchologia, Typaria* ab ARCUDIO, GOARIO, LEONE ALLATIO, MORINO edita, Latinæ Liturgiæ consentientia. Aut hæc est demonstratio invariata & perennis per XVIII. Sæcula Catholicæ Fidei de Sacrificio incruento, ejusdemque usu, ritu: aut nulla est demonstratio cujusvis facti possibilis.

A contrario id patebit. *Matthias Flaccus Illyricus* inter Centuriatores Magdeburgicos, incidit in Codicem antiquum Ms., quo Missa Latina continebatur; eam Argentorati Anno MDLVII. edidit, opinatus eam esse, quæ Gallicanæ & Germanicæ Ecclesiæ usæ prius fuissent, quàm Romanæ Ecclesiæ Ritum suscepissent. Eadem Operâ putabat se magnam labem & dolorem

inferre Catholicis veluti Avitorum Sacrorum Defertoribus. At Protestantes, quum viderent eâ Missâ omnia tunc controversa dogmata, *realem Christi in Sacramento præsentiam, Sacrificium Missæ, Orationes pro mortuis, Sanctorum Invocationem &c.* confirmari, damnârunt imprudentiam Illyrici, & quotquot valuere corradere Exemplaria, combusserunt.

Sed nil egerunt : supersunt in Bibliothecis Catholicorum Exemplaria, & Eminent. Cardin. BONA post Libros *de Rebus Liturgicis* eandem denuò edidit. Unde Orbis Literatus jam certus est, hanc ab Illyrico excusam Missam nec Gallicanam fuisse, nec Germanicam antè Sæculum VIII. usitatam, sed esse Romanam pauculis demptis, quæ ad substantiam non pertinent. Emin. BONA L. I. de Reb. Liturg. c. XII. Utinam agnoscerent heterodoxi hanc perpetuam Orientis & Occidentis Ecclesiæ concordiam in fide & usu Sacrificii incruenti, Ordinis Episcopalis & Presbyteralis, demùm quis sensus sit & fuerit totius Ecclesiæ per XVIII. Sæcula, in explicando & prædicando cap. VI. Joannis, collato cum verbis ultimæ Coenæ Domini? Nullum profectò Catholicæ Fidei Articulum potentiore & evidentiore Demonstratione Historicâ, quàm hunc de Sacrificio Corporis & Sanguinis Christi corroboratum & solidatum fateri debebit, quisquis veritatem amat & quærit.





# CLASSIS QUINTA.

## CODICES HISTORICI.

**CODEX** 162. alt. 16. lat. 11. Uncias. **FLAVII JOSEPHI** Antiquitatum Judaicarum Libri XIII. Sæculo XV. exarati.

**CODEX** 163. alt. 16. lat. 11. Ejusdem Libri reliqui Antiquitatum Judaicarum à Libro XIV. ad XX. Deinde Belli Judaici Libri VII. manu Sæculi XV. scripti.

### NOTA LXXXI.

**FLAVIUS JOSEPHUS** Mattathiæ Filius, maternum genus ducebat ex Hasamonæorum Stirpe, Sectâ Pharisæus & Sacerdos, idem Bellidux, Historicusque Gentis suæ celeberrimus. Natus fuit Anno Christi XXXVII., captus in Castro Jotapata, Anno Christi LXVII. Vespasiano mortem Neronis & Imperium prædixit, inde Romam ductus, & benevolè habitus, res suo tempore gestas, Gentis autem suæ à prima origine Historiam contexuit. Creditur ad Domitiani extrema tempora, Æræ Christianæ Annum XCIII. vivendo pervenisse. De eo SS. PP. juxta ac alii Auctores sæpè cum laude meminêre. At **JACOBUS SALIANUS** S. Jesu in *Annalibus Veteris Testamenti* plurimis in

locis accusat & arguit Josephi Historiam, ut quæ Mosaicæ, cæterisque V. Testam. Historiographis adversetur, multa in Chronologiam veram peccet, Genti suæ aduletur. *CARDINAL. NORISIUS*, & *HARDVINUS* in *Chronologia Veteris Testam.* multos Para- & Anachronismos Josephi ostendunt. *FRANCISCUS PAGI* in *Apparatu Chronologico ad Annales Baronii* n. XCVIII. & CLIII. eundem tuetur, & perperam severiùs excipi queritur. Testimonium Josephi de CHRISTO Lib. XVIII. Antiquit. à Veteribus laudatum nequaquam supposititium esse docet in *Critica Baronii* ad A. C. 32. n. XV.

**CODEX** 164. alt. 10. lat. 7. Unc. **ANASTASII** Bibliothecarii Vitæ Pontificum Romanorum à S. Petro usque ad Eugenium PP. juxta Indicem, sed reapse nonnisi ad Stephanum IV., qui Paulo I. successit: Stephani autem Vita mutila est. Sæculi VIII. aut IX. manus videtur, atramentum varium.

### NOTA LXXXII. *De vero Autore hujus Libri.*

**DAMASUS** post Liberium sedit in Cathedra S. Petri annos XVIII, Menses 2, dies 10. Fato functus Anno CCCLXXXIV. Inter ejus Sanctissimi juxta ac Doctissimi Pontificis Opera Romæ anno 1638. Typis Vaticanis à *Martio Milesio Sarazano* prudenter est omissus Liber de *Romanis Pontificibus*: nam eum jam dudum Catholici Critici Damaso abjudicarant, & propter S. Hieronymi cœvi silentium, & propter stili barbariem ab eleganti ingenio  
Ponti-



Pontificis diversam, & propter consularis *Æræ* tunc notissimæ imperitiam: quæ pluribus ostendit *SCHELESTRATE Dissert. prævia Capite secundo. LABBE Dissert. Histor. de Scriptor. Ecclesiast. PAGI in Critica Baronii ad annum 384. NATALIS ALEXANDER Sæculi IV. cap. VI. art. XVIII.*

Nec Epistolæ Hieronymi ad Damasum, & hujus ad illum, quæ in nostro Codice Ms. præmittuntur, vindicant hoc Opus Damaso; cùm eas ipsas Epistolas supposititias, & ab utriusque Scriptoris stilo ac judicio remotissimas esse, Critici viderint. Verùm his omnibus spretis, non ideo hic Catalogus Damasi reprobandus est, eo quod è Pontificum Catalogis antiquissimus, ut ut interpolatus, & auctus, & consulum Anachronismis fœdatus sit.

Damasi Catalogum purum, qui nonnisi ad *LIBERIUM* Damasi Antecessorem pertingit, ediderat *CUSPINIANUS in Fastis suis, BUCHERIUS in Commentario Canonis Paschalis pag. 269. HENSCHENIUS Tomo I. Aprilis* cum Commentario accurato; eique subjiciens Catalogum uberiorem Pontificum, tempore Justiniani scriptum, Annotationibus illustratum.

Uterque hic Catalogus fundamentum fuit, cui *ANASTASIUS S. R. E. Bibliothecarius*, id est, Cancellarius inædificavit Historiam de Vitis Romanor. PP. à *S. PETRO* ad sua tempora, putà *NICOLAI II. HADRIANI II. JOANNIS VIII. PP.*, sub quibus floruit, non tamen omnium Vitarum, quæ in ejus Codice leguntur, Scriptor est: *Judice Natali Alexandro Sæculo IX. c. III. art. XIX.* Editus fuit *ANASTASIUS Mo-*

guntia Anno 1602. ex Bibliotheca Cl. MARCI VELSERI. Typo Joannis Albini. Rmus BINIUS in *secunda Editione Conciliorum* anno 1618. Vitas Pontificum, vel ex hoc Codice nostro Ms., vel ex impressis mutuatus est: & falsò hunc Codicem inscribi *Pontificale Damasi* adnotat: non esse autem id omninò falsum ex antedictis liquet. Noster Ms. Codex, etsi Epistolas Hieronymi & Damasi præmittat, nullum tamen nomen Autoris præ se fert, sed hoc pacto inchoatur „Incipiunt Nomina Beatorum „Pontificum Sanctæ Apostolicæ Sedis, I. B. Petrus. II. Linus, III. Cletus. IV. Clemens &c. usque ad Eugenium II. Tum aliâ manu adhuc novem PP. Nomina signantur: *In Dei Nomine incipiunt Gesta superscriptorum Pontificum*, sed Codicem Nostrum Anastasii esse Opus, liquet, si cum edito Moguntino conferatur. In Stephano IV. circa A. C. 769. desinit mutilatus.

CODEX 165. alt. II. lat. 8. Unc. *Apophthegmata Sanctorum Patrum Eremitarum* ex Græco Latina facta. Liber Sæculi VII. canitiem & characteres præ se ferens. Mutilus in fine.

### NOTA LXXXIII.

Editus fuit hic Liber ab HEREBERTO ROSWEYDO S. J. ANNO 1678. vasto in Opere, quod *Vita Patrum* seu Historiæ Eremiticæ Libris X. inscribitur. Hujus Operis Liber V. exhibet Apophthegmata Patrum ex Græco Authore incerto Latina facta à Pelagio S. R. E. Diacono. Divisit Librum hunc Rosveydus, forte Duce suo Manuscripto in Libellos XVIII. de totidem



tidem Virtutibus : noster autem Codex divisionem non habet. Continet noster Codex decem primos Libellos : & in Libelli decimi Apophthegmate 69no desinit, apud Rosvveydum pag. 603.

THEODORICUS LOHER à STRATIS Cartusiæ Coloniensis Vicarius Literatissimus anno MDXLVI. adornavit Editionem de *Vitis Patrum Eremitarum* primam, alteram anno proximo, è *Typographia Gasparis Gennepei*, quas ex antiquissimis Mss. Codicibus inter se collatis, repurgatis, in ordinem digestis luci dedit, strenuus Orthodoxæ Fidei Propugnator, & Vitæ Eremiticæ Encomiastes. Loherium excepit Rosvveidus, pluribus Mss. adjutus, quibus emendatio editio, & crisi uberiore locupletata prodit.

CODEX 84. *b.* alt. 19. lat. 12. Unc. Vita S. MARTINI.

CODEX 166. alt.  $11\frac{3}{4}$  lat. 9. CENSORINUS de Die Natali Liber vetustissimus, quarti Sæculi Scripturæ Romanæ quadratæ proximus. Græca sine accentûs impositi nota, initiales literæ quadratæ.

#### NOTA LXXXIV.

CENSORINUS Anno Urbis conditæ 991. ULPPIO & PONTANO COSS. Anno Æræ nostræ CCXXXVIII. Romæ florebat inter Grammaticos & Philologos; illustris Libellus hic de Die Natali ad Q. Cerellium Equestris Ordinis Virum scriptus est, quem cap. XV. *Sanctissimum* vocat, eumque *Officiis Municipalibus*

*palibus functum Sacerdotique honore inter Principes suæ Civitatis conspicuum fuisse testatur. Fabritius Bibliotheca Latina L. III. pag. 537. & seqq.*

CODEX 167. alt.  $8\frac{1}{2}$  lat. Unc. Biographia variorum Sanctorum: S. JACOBI MAJORIS, SIMONIS, JUDÆ, BARTHOLOMÆI, MATTHÆI, JACOBI MINORIS, THEBÆORUM MARTYRUM, FRANCISCI, ALEXII &c. nullo ordine, vel temporis, vel alphabetico, vel statuum. Liber Sæculo XV. scriptus videtur.

### NOTA LXXXV.

Quantum hæ Vitæ distent vel convenient cum Vitis, quas SURIUS aut Hagiographi Antverpienses edidère, prolixioris indaginis erat, quàm ut nunc sollicitè disquireretur.

CODEX 81. *b.* alt. 10. lat.  $7\frac{1}{2}$  Uncias. PRUDENTII Carmina, quæ nuncupantur HISTORIÆ VIRO-  
RUM ILLUSTRUM cum commento interlineari. Liber Sæculi XI. *De eo actum Classe secundâ.* Verùm quia Martyrum memoriam Ecclesiæ servavit, & Poëtæ & Sacri Scriptoris & Historiographi laudem meretur.

CODEX 106. *b.* alt. 13. lat. 9. Catalogus Provinciarum Galliæ, ante Sæculum septimum cum Litaniis antiquis-  
mis, quæ Sæculo octavo aut nono scriptæ & decanta-  
tæ videntur.

CO-



CODEX 32. *b.* alt. 12½ lat. 10. Unc. Catalogus Imperatorum ab AUGUSTO ad JUSTINUM. Videtur contextus, partim Sæculo IX, partim XI. In fine est hæc annotatio „ Anno ab Incarnatione Domini Millesimo XXXI. „ Indictione xv. à Festivitate S. Michaëlis Archangeli „ fuerunt imbres & pluvia toto tempore. „ Sed inde non arguo ætatem Libri, qui longè vetustior videtur.

CODEX 146. *b.* altus 12. lat. 10. In extremo Codice legitur Litania Sæculo VII. vel VIII. usitata. Quò & Librum refero, nisi ad Sæculum nonum promovendus cuiquam videatur.

CODEX 138. *b.* alt. 20. lat. 13. Kalendarium & Supputatio Epactarum: ubi ad annum MCXXXVIII. adnotatur: „ Isto anno perfectus est iste Liber. „

CODEX 83. *c.* alt. 16. lat. 12. In fronte Libri optatissimus titulus: „ Codex S. Petri scriptus sub pio Patre Hildebaldus Archi-Episcopo. „ Post Præfationem de Chronologicis sequitur Chronica ISIDORI JUNIORIS, tum Arithmetica, Geometria, & Kalendarium Ecclesiasticum..... Incipiunt Lectiones, sive Regulæ computûs. Kalendarium rarissimum referens faciem Sæculi VII. Incipit Prologus BEDÆ de Libro Computo. DIONYSII EXIGUI de Annis communibus & Embolismis.

CODEX 45. *b.* alt. 14. lat. 10. Kalendarium antiquissimum.

CODEX 103. *b.* alt. 12. lat. 8. Kalendarium, in quo mentio paucorum Sanctorum, publico cultu eo tempore honoratorum.

CODEX 88. *b.* alt. 11. lat. 9½ Kalendarium perantiquum.

CODEX 154. alt. 11½ lat. 9½ Kalendarium.

CODEX 102. *a.* alt. 12. lat. 9½ Kalendarium antiquissimum Ecclesiæ Coloniensis. Dein Cycli Dionysii novem Decennales viginti septem ab Anno Christi DXXXII. ad Annum MXLIV. Deinde varios BEDÆ Libros, sed mutilos pænè omnes, ad Chronologiam pertinentes leges.

Primus est Venerabilis BEDÆ Liber *de Natura temporum*. Extat Tomo II. Operum Bedæ edito Coloniae 1612: mutilatus primo & secundo Capite, & tertii Capituli initio. Alter est fragmentum Libri *de Natura rerum*. Tertius Libellus Bedæ *de Tonitruis* ad Herenfridum, copiosior impresso Tomo I. p. 388. Quartus Bedæ Liber *de sex Mundi Ætatibus*, qui inter ejus Opera Tomo II. pag. 103. extat, unà cum Additamento ad Bedam de sexta Mundi Ætate. Idem in Additamentum Basileensi editione legi-



legitur, sed ex Coloniensi studiosè rejectum, quia Bedæ non est. Demùm ex Libro Bedæ: *Argumenta Lunæ* inscripto, & Tomo pag. 143. & seqq. impresso fragmenta quædam hunc Codicem claudunt. Codex Sæculi noni.

## NOTA LXXXVI.

Kalendarium primo loco hîc positum ternos aut binos, aut denos nunquam vicanos de mense dies Sanctis inscriptos habet, præter Christi Domini, Deiparæ, & Apostolorum. Pridie idus Novembris Coloniæ S. Cuniberti Confessoris, unicus est ex S. Episcopis nostris. X. & XXI. Octobris nulla mentio Martyrum nostratium. V. Kal. Octobris, Natale SS. Cosmæ & Damiani. Coloniæ Dedicatio Ecclesiæ S. Petri Apostoli: Hac ipsa die ex Concilio Coloniensi à Williberto nostro Archi-Episcopo consecratam fuisse Basilicam Metropolitanam constat.

Cl. Heister post Suffraganeos Colon. hanc Synodum vulgavit 1641. interfuere Synodo Luitbertus Moguntinus & Bertolphus Trevirensis Archi-Episcopi, & horum trium Archi-Episcoporum Suffraganei. Quo die & Essendienfis Ecclesiæ ab Alfrido Hildenesheimensi Episcopo instituta Fundatio collaudata fuit. *Harduinus Tomo VI. Concil. pag. 138. Mörckens in Conatu Chronologico.* Conradus Hochstadenus, qui incendio absumptam restauravit Sæculo XIII. non mutavit diem Consecrationis, quæ nunc Dominicâ proximâ V. Kalend. Octobris celebratur.

NOTA LXXXVII. *Notata Historica ex Cod. 102.*

*Dionysiani Cycli Decem-Novales* cum impressis conveniunt, de quibus consulendi BUCHERIUS, PETAVIUS, & PAGIUS. In margine notantur ab anno DCCXXVI. varia historica non indigna annotatu. Quædam excerpo: Anno Christi DCCLXXVI. Conversio Saxonum, DCCLXXVIII. Karolus Rex Spaniam intrat, 779. Karolus in Saxoniam venit. Fames magna. 780. Saxonia capta. 780. Karolus Romam perrexit & Pippinus baptizatur. 783. Hildegundis Regina obiit. 786. Kar. Romam venit, deinde & Cruces apparuerunt in vestibus. 788. Karolus per Allemanniam ad fines Bavarix. 790. Tassilo Dux venit in Franciam, & Bavaria capta est. 791. Kar. pergit Slavos, qui dicuntur Uuila. 793. Karolus Rex Ungrorum regnum vastat. 801. Karolus à Romanis appellatur Augustus. 809. Transitus Sancti Luitgeri. 814. Kar. obit. 822. Fames valida. 840. Ludouichus obit. 841. Bellum inter tres Fratres. 842. Divisio Regni. 868. Nicolaus PP. obit. 869. Fames valida. 871. Ventus validus. 875. Hyems valida. 876. Obitus Luiduuichi. 878. Karolus Valentiam ingreditur, & eandem terram Karlomannus per aliam viam intravit. Inde Karolus territus fugit, & in eodem itinere mortuus est. 879. Ludouigus Rex Saxonum, adhuc Fratre suo Karlomanno vivente Bavariam ingreditur. 896. Arnolfus Cæsar efficitur, est audita miseria famis mortalitatis & Christiani hominis alterius carnem comedentis. 899. Ungerì Italiam ingressi multa mala fecerunt. Arnolfus improbus & Ludouigus in Reges elewantur. Guindebolt Rex Filium Arnolphi occidit, 904. Bel-



Bellum inter Chonradum & Albertum Fratres, in quo Chonradus cecidit; & Adelbertus capite plectitur. 908. Ungerí Saxoniám & Thuringiam vastant. 910. Geuohardus ab Ungaris occiditur. 911. Ludouuigus Filius Arnolfi obiit. Buchardus..... occiditur, Chonradus Filius Chonradi in Regem elevatur. 912. Cometæ visi sunt. 913. Hatto Archiep. obiit, & Herigerus succedit. 919. Chonradus Rex obiit, & Henricus succedit. 935. Henricus Magnus obiit; & Otto succedit. 937. Henricus Frater Ottonis ab Everhardo capitur. 938. Gisalbertus & Everhardus occisi sunt. 939. Hyems valida, & mortalitas animalium. 941. Rumoldus obit. 947. Astrude capitur. 949. Henricus Dux Magnus obiit, & Luidolfo Alimannia committitur. 951. Otto Italiam ingressus eam sibi subvinxit. 953. Obit Wuilfridus Archiepiscopus, cui successit Bruno. 957. Luidolfus Regis Filius, subvinctâ sibi Italia, ibidem obit. 961. Otto Minor Rex effectus est. 965. Bruno Archiep. obit, cui successit Poppo. 967. Poppo Archiep. ✠ cui successit Heti. 968. Otto Imperium suscepit. 975. ✠ Gero Archiep. cui succedit Uuarinus. 978. Otto Exercitum ducit super Cartenses. 979. Reconciliatus est Imperator cum Occidentis Rege. 980. Natus est Imperatori Filius. 981. Apto est in Sedem receptus. Woreet in Gratiam Imperatoris. 982. Prælium commisit Imperator cum Sarracenis. 983. Obiit Imperator. Plerisque Urbibus Apuliæ..... & in Natali Aquis Filium ejus in Regem Puerulum à Colonienſi Archiepiscopo..... V V. commissa Heinricho, à quo ferè privatus est Regno, nî major pars populi intercessisset ejusdem Pueri favori. 985. Vuarinus Colon. Arch.

defunctus est, cui Evergerus successit. 987. Rheni ac Mosellæ inundatio insolita. 988. Tanta intemperies æstatis fuit, ut ex aëris inclementia complures interirent. 992. Synodus Aquis facta est. Mota est Sententia de Remensi Episcopo ejecto, alióque subposito Romanis præsentibus Legatis. 993. Prodo Minmigardavardensis Episcopus defunctus est, cui Suintger successit. Eodem Ecbertus Trevirensis Archiepiscopus naturæ cessit, Luidolfus Trevirensis Episcopus est ordinatus. 994. Ingelinheim Synodus est habita, ac de duorum Episcoporum injuriâ examinatum. 995. Trajectensi Episcopo defuncto, Ansfridus Comes Laicus suscepto Clericatu successit. 996. Rex Romam pergens, Imperatore effectus est: Brunone Nepote suo Papâ ordinato. 999. Bruno Papatu defunctus est. Eodem Evergerus Colon. Archiep. naturæ cessit. Fit Herebertus Archiepiscopus. 1001. Otto Imp. Româ expulsus. 1002. Obiit Otto Imp. cui successit Henricus. 1004. Heizel Comes receptus est. 1006. Henricus Rex Exercitum duxit super Balduinum. Frideric. Ep. data est per pōratas. 1007. Lambertus Comes in Gratiam Regis Henrici redit, Lambertus suum Filium recepit. 1008. Luidolfus Trevir. Archiep. ✠ cui successit Megingoz cuncto Clero & Mosellensi populo renuente, resistente Henrico Regi. 1011. Vuillegisus Mogonensis Archiep. obiit, cui successit Erchinboldus. 1015. Henricus Rex sine molestia Romam adgressus & Imperator effectus. 1020. Obiit Herebertus Archiep. cui successit Pilegrimus. 1024. Henricus obiit, cui successit Conradus. 1027. Benono in Exilium missus.

Post Kalendarium his notis ditatum sequitur Venerabilis Bedæ  
Liber



Liber *de Tempore*, primis duobus & dimidio Capite mutilatus. Et cætera Bedæ Opera supra enumerata, in quæ eruditas Commentationes varii scripsêre, quos inter memorandus JOANNES NOVIOMAGUS Gymnasii Montani Professor, & Libris scriptis nobilis in Republica Literaria, qui PETRO CANISIO Discipulo suo in Domino gloriari potest.

CODEX 146. alt. 11. lat. 8. Unc. Præter Missale Coloniense jam quartâ Classe demonstratum, habet Tabulam Epactarum & Lunationum, Kalendarium, in fine Litanias.

CODEX 143. alt. 10. lat. 7. Kalendarium.

CODEX 168. alt. 12. lat. 9. BOCACCIUS de Viris Illustribus & Mulieribus claris. Initium: *Diu strenuè miles.* Finis: *Quod in nullius commodum laceratum dentibus depereat.* In fine legitur „Hunc Librum emi pro pretio „ competente in Civitate Colonienfi ego Mauritius Comes à Spiegelberg Canonicus Colonienfis Anno Dni „ M.CCCCLIV. ipso die Pantaleonis.„ Videtur Liber Sæculi XV. aut XIV.

### NOTA LXXXVIII.

JOANNES BOCCACIUS natus Certaldi in Tuscia Anno 1313, ibidem mortuus est Anno 1375. obscuro loco natus, quantum ingenio & Etrusci Sermonis pro ea ætate Elegantiâ eminebat,

nuit, tantum bonis moribus obfuit Decaëmero suo Hetruscâ linguâ scripto. Inter ejus Opera extat *Liber de Claris Mulieribus* unus; Decem verò de *Casibus Virorum & Fæminarum Illustrium*, Typis vulgati. *Fabritius in Biblioth. med. & infima latinitatis*. Lib. II.

**CODEX 79. a.** Frater ROGERIUS Vitam suam scribit. Sæculo xv. scripta videtur.

### NOTA LXXXIX.

Quo referam hunc Rogerium, an ad unum ex quatuor Laudatis à VOSSIO inter Historicos Latinos, an alius ab his sit, nondum habeo dicere?

**CODEX 136. b.** alt. 17. lat. 8½ **HISTORIA CAROLI MAGNI** per varias Lectiones, in Officio Divino recitandas Antiphonas & Missam pro ejusdem Glorificatione Deo O.M. inscriptam.

In eodem Codice 136. c. **Tractatus de Prærogativis Romani Imperii Anonymi**, demùm de eodem *Argumento* **Tractatus Magistri Jordani**. Chartaceus Liber.

**CODEX 169.** alt. 11½ lat. 9½ **De Gestis & Translationibus Sanctorum Trium Regum**, divisus in Capita XLVI. Liber membranaceo-chartaceus.

NOTA



## NOTA XC.

Liber hic extat impressus Coloniae per *Joannem Guldenschaff de Moguncia* Anno à Nativitate Christi MCCCCLXXXVI. in *Bibliotheca Collegii Colon. S. J.* Autoris vel Collectoris nomen nusquam apparet, sed in impresso ante Caput primum extat hic Titulus = Reverendissimo in Christo Patri ac Domino, Domino FLORENTIO DE WEVELKOVEN Divinâ Providentiâ Monasteriensis Ecclesiæ Episcopo Dignissimo = Florentius hic natus ex Dominis de Wevelinckoven (cujus Nominis Castrum nobile est intra Archi-Diœcesin Colonensem, nunc ad Familiam Comitum de Bentheim translatum) ex Canonico & Decano Nostræ Metropolitanæ Basilicæ ab Urbano V. PP. Anno 1364. post die Gregorii creatur Monasteriensis in Westphalia Episcopus, cui Sedi cum annos quindecim magnâ laude & incremento Diœceseos præfuisse, Ecclesiæ Ultrajectensi Antistes datur, & Anno 1395. obiit, teste *Mersæo Cratopolio*. Hinc jam colligere licet, quo tempore hic Scriptor vixerit, nempe inter annos 1364 - 1379. quibus FLORENTIUS Præsul fuit Monasteriensis Ecclesiæ; cui Librum suum dedicavit. Hæc dum meditor, & partus ignotum parentem undique investigo, occurrit Trithemius, qui JOANNEM HILDENESHEIMENSEM Saxonem, Professione Carmelitam, ostendit Autorem, & Scriptorem *de Trium Regum Corporibus Coloniae translatis*, & qui circa annum MCCCCLXX. floruerit, igitur cum Ætas Scriptoris & Titulus Libri conveniant cum FLORENTIO Episcopo, nulla dubii rima relinquitur. Superest, ut Judicium CROMBACHII Historiæ SS. Re-

T

gum

gum edendæ & perficiendæ studiosissimi de hoc Joanne referam ex *Tomo III. Historia SS. Trium Regum, Libri II. Cap. LVIII. pag. 691. de Testibus Saculi quarti decimi.* „ Joannes Hildesienſis „ circa An. 1360. floruit. Is Historiam SS. Regum comprehendit „ Libello, 46. Capitum. Sed tot inſpergit fabulas, ut ſuſpectam „ reddiderit omnem ſuam narrationem, cautè que legendus ſit; „ ideo nunquam auſus fui ejus fide niti, niſi res aliunde etiam „ robur haberet, & ab alio idoneo Autore, vel ratione ſolidâ poſſet confirmari. In translatione, cùm vulgarem ſequatur *Conſonienſis Officii horarii* narrationem, & cum de *Miraculis eorum* & peregrinationibus, quæ tunc, cum viveret, ad eorum „ ſacra fiebant lumina, & à Pontificibus approbantur, ſcribit, „ non videtur negligendus „ Ex hac maſcula criſi conſtat *CROMBACHIUM* non tam credulum fuiſſe, quàm *Launoïus* aliique eundem fingunt.

Anno 1516. Typis Quenteliis prodiit *Historia Gloriosiſſimorum Martyrum Trium Regum integra.* Teſte *CROMBACHIO Tom. III. Hiſtor. Reg. L. I. C. XXXIV. pag. 571.*





# CLASSIS SEXTA. ASCETÆ, CONCIONATORES.

CODEX 138. *b.* Sermo in Evangelium de Lazaro.

CODEX 84. *c.* Sermo de Festivitate omnium Sanctorum.

CODEX 170. alt. 20. lat. 12. Diversi Sermones Dierum Dominicalium per Quadragesimam legendi. Scripti Anno MCCCC, ut in extremo Libro adnotatum leges.

CODEX 94. *b.* Sermo de Ascensione B. Mariæ.

CODEX 70. *b. c.* Sermo de Natali S. Augustini. Varii Sermones de Deipara.

CODEX 17. *b.* Sermo de Superbia, & Idolis.

CODEX 171. alt. 11. lat. 8½ SUB PIO PATRE HILDEBALDO SCRIPTUS: en characterem ætatis venerandæ in fronte Libri. Homeliæ excerptæ è diversis Patribus de Diebus Festis.

CODEX 19. *b.* Sermo de Apparitione S. Michaëlis Archangeli.

CODEX 172. alt. 11½ lat. 7½ Præcedit Index seu Capitula Lectionum = In Nomine Domini Jesu Christi, in hoc Libro continentur Explanationes excarpfatae Lectionum sive Epistolarum Dominicis diebus seu Festivitatibus, nec non & Ferias à Vigilia de Nativitate Domini horanona usque in Ascensu Domini = id est: Pars prima. Sæculi x.

CODEX 173. Liber Scintillarum.... pro salute animæ Dilectissimo Filio WIEDONI. Habet Capita 27. Caput I. de Sapientia..... In fine: Orate pro MAGISTRO DE WACHTENDONCK Ss. Theologiæ Professore Eximio. Liber Sæculi XVI.

CODEX 147. Idem Liber, sed duobus aut tribus Sæculis antiquiore manuscriptus....

Sequitur Libellus *de Origine animæ* vel situ ejus, atque ejusdem natura seu exitu ipsius valde utilis ad legendum feliciter... In fine: Explicit feliciter Libellus de Ratione animæ. Deo gratias. Amen.

CODEX 175. alt. 14. lat. 12. chartaceus. Homiliæ in Evangelia per annum, inchoatæ à Dominica proxima ante Septuagesimam: Ultima Homilia est in Natali SS. Apostolorum Philippi & Jacobi. In Vestibulo Liber à quopiam Vicario scriptus & donatus dicitur anno 1437.

CO.



CODEX 176. alt. 11½ lat. 9. chartaceus. Sermones Sacri ex variis Patribus collecti à Magistro JOANNE DE SEGOBIA. Sed in alio loco attribuitur Collectio JOANNI DE COROLLA. Describo initium = Omnes qui aliquod opus, quod volunt esse stabile, proponunt construere. = In fine: Liber JOANNIS WEIDENFELDT Colonienfis. Orate pro eo. Hunc Librum scribi feci Basileæ Concilio Generali, in octavo ejus anno ibidem perdurante 1438.


CODEX 177. chartaceus in quarto. Sermones Ascetici Latini per Dominicas & Festa habiti. Circa annos 1490. 1500. 1506.

CODEX 136. d. alt. 11. lat. 8½ pergamenus : Manuale Magistri PETRI CANCELLARII CARNATENSIS de Myfteriis Ecclesiæ.

Idem 136. c. de Officio Missæ collectum in Alma Universitate Studii Lipsiensis sub Anno 1440. per æstatem. Chartaceum fragmentum.

CODEX 178. chartaceus in 4to. Sermones Ascetici in varia Scripturæ loca, ex quibus nonnulli ad Universitatem Coloniensem dicti fuere.





# CLASSIS SEPTIMA. SCHOLASTICI.

**CODEX** 179. alt. 17. lat. 12. Unc. Quatuor Libri Sententiarum PETRI LOMBARDI Episcopi Parisini. Sæculum xv. sapit.

**CODEX** 180. alt. 15. lat. 9. Idem Libri eodem Sæculo scripti.

**CODEX** 181. alt. 13½ lat. 9. Idem Autor, sed Sæculo xiv. descriptus.

## NOTA XCI.

Quamquam Scholasticorum Princeps vulgò audiat PETRUS LOMBARDUS, idest, eorum Catholicorum Doctorum, qui Doctrinam in Verbo Divino scripto & tradito contentam in Ordinem Systematicum redeigere, is enim humano ingenio accommodatissimus est, tum ad eam Doctrinam docendam, tum ad discendam : nihilominus idem præstantissimus Scriptor potius Patritiæ Theologiæ docendæ Dux & Magister mihi videtur : nam Dogmata Fidei Methodo Syntheticâ coordinata singula firmat & illustrat, non humano ratiocinio, sed Sententiis Sanctorum Patrum veluti genuinis & optimis interpretationibus Verbi Divini.

Fuit



Fuit Petrus Novariæ in Lombardia natus; Episcopatum Parisinum adeptus fuit Anno Christi 1159. aut proximo, quo Philippus Archidiaconus ejusdem Ecclesiæ & Frater Ludovici VII. Regis Franciæ ob eminentiam Doctrinæ eidem cessit. Decesit fato communi Anno 1164. ad diem 20. Julii. In Sacræ Facultatis Theologiæ Colonienfis Cathedram admittitur nemo Baccalaureus, nisi antè assignatam ab Decano ex Petri Lombardi Libro Sententiam commentatus sit publico in consessu Academicorum.

CODEX 182. alt. 11. lat. 8 $\frac{1}{2}$  *Manipulus Florum ex Sententiis Doctorum, compilatus à Magistro THOMA DE HYBERNIA* quondam Socio Domûs Magistrorum de Sorbona Parisiis; subjungitur primo, Index Virtutum & Vitiorum, de quibus Sententiæ referuntur. Secundò Index Librorum, ex quibus Sententiæ desumptæ fuere. Finitus Liber Anno Dni 1347. 6. Februarii; ut in fine leges.

### NOTA XCII.

THOMAM ex Hybernia oriundum, Parisiis Magisterium Scholasticæ Theologiæ, Suffragiis Doctorum suscepisse circa A. C. 1290. lego apud BULÆUM in *Saculo V. Universitatis Parisiensis* pag. 712. Liber ejus collectus ex omnibus sanè Scriptoribus, qui Sacras Literas commentati sunt, variis Typis prodit, Colonienfi Anni 1579. apud Ludovicum Aleætorium. GESNERUS alias editiones recenset. Anno 1751. Viennæ in 8vo prodit excusus Liber: *Hybernici Thoma Flores.*

CODEX 183. alt. 16. lat. 12. Summa de Vitiis per Fratrem WILHELMUM Burgundum Ordinis Prædicatorum. Sæculi xv. character.

### NOTA XCIII.

*In Bibliotheca Scriptorum ex Ordine Prædicatorum* ab Quetifio & Echardo adornata, hic Autor non reperitur.

CODEX 184. alt. 11½ lat. 9½ Libri tres de Institutione Laicali JONÆ AURELIANENSIS Episcopi, Sæculo xii. scriptus videtur.

### NOTA XCIV.

Jonas imperante CAROLO CALVO Opuſ hoc MATFREDO Aurelianenſi Comiti dedicavit circa 850. annum, plenum ſanâ & Catholicâ Doctrinâ, laudatum ab ACHERIO Monacho Benedictino, qui poſt Editionem Duacenam hujus Operis anno 1646. factam, denuo collatis variis Ms. Codicibus emendatiùs illud edidit, Tomo I. *Spicilegii, Editionis ſecundæ* Anno 1723. pag. 258. & ſeqq. Primus & ſecundus Liber continet institutionem omnibus Fidelibus congruentem, tertius Conjugatis perutilem & opportunam ad conjugalem vitam Chriſtiano more ducendam.

CODEX 169. b. HENRICI DE LANGENSTEIN dicti DE HASSIA Epistoſta de Modestia Prælatiſ ſervanda, ſcripta ad Reverendum Dominum EVERHARDUM DE YPPELBORN Eccleſiæ Moguntinæ Decanum. Chartaceus Sæculi xv.

NOTA



## NOTA XCV.

Henricus hic Magister in Theologia & Vice-Cancellarius Parisiensis fuit, Sacerdos deinde & Canonicus Wormatiensis, demum ab ALBERTO Duce Austriæ vocatus Theologiam docuit Viennæ ab Anno 1384. ad 1397, quo naturæ concessit. FABRI- TIUS in *Bibliotheca media & infima Latinitatis* post TRITHEMIUM, GESNERUM, PEZIUM, LAMBECIUM. Inter Opuscula Henrici à Fabritio recensita hoc non apparet. Everhardus de Yppelborn Canonicus Metropolitanæ Moguntinæ fit ejusdem Decanus Anno 1383, obiit 1418. in Septembri teste *HELVICHIO in Nobilitate Ecclesiæ Moguntinæ* Typis edita 1614.

CODEX 169. c. *Initium*: Reverendissimo in Christo „ Patri Fratri HUGONI Magistro Ord. Prædicat. Dignis- „ simo ac Sacrosanctæ Paginæ Professori, ejus subditus „ Frater ALPHONSUS BONI HOMINIS Hispanus, pro- „ missam obedientiam promptam in omnibus semper & „ devotam. *Finis*: Explicit Epistola RABBI SAMUEL, „ RABBI ISAAC, ut supra in Proëmio continetur, sub An- „ no Domini, scilicet Nativitatis ejus Millesimo secun- „ do, translata de Arabico in Latinum per Fratrem Al- „ phonsum boni hominis Hyspanum Ordinis Prædica- „ torum sub Anno Dni MCCCXXX. Domini Benedicti XII. „ Anno quinto.

## NOTA XCVI.

Alphonfus Anno 1339. Parisiis degebat, *Studens* Honoris pro  
V Pro-

Provincia Hispaniæ. Edita hæc Epistola Coloniae apud Lyskirchen in 4to, Typo Gothico, iterum 1536. in 8vo apud Gymnicum *Quietif & Echard. Bibliotheca Prædicat.*

**CODEX 79.c.** Dissertatio PETRI ALPHONSI contra MOSEN JUDÆUM.

### NOTA XCVII.

Claruit hic Scriptor Sæculo XI. exeunte, quo Alphonfus VI. Hispanorum Monarchiam tenebat. Ab hoc enim Rege hic Scriptor olim Judæus ad Christianorum Sacra traductus Alphonfi cognomen, honoris & gratitudinis ergo tulit. Coloniae editus fuit primum *Typo Gymnici.* Deinde in *Bibliotheca PP. Coloniensi* Anno 1618. Tomi XII. parte Ima.

**CODEX 83. a.** alt. 9. lat. 8. BOETHII Arithmetica. Sæculi noni.

**CODEX 185. a.** alt. 10. lat. 8. Idem Liber: cum figuris delineatis. Sæculi x.

**CODEX 186.** alt. 10½ lat. 8. Idem Sæculi ix. Liber.

**CODEX 187.** alt. 17. lat. 12. BOETII Musicæ Libri II. Ejusdem Commentarius in Porphyrium. Venerandæ canitiei Liber, literis quadratis minusculis, Græca sinè accentu supraposito, literis quadratis. Sæculum vii. refert.

CODEX



CODEX 188. alt. 12½ lat. 10. Incipit : Secundus hic arreptæ expositionis labor in Porphyrium à BOETHIO. Sæculi x.

CODEX 189. alt. 9½ lat. 8. BOETHIUS in Isagogen Porphyrii & Librum Aristotelis de Interpretatione. Lib. Sæculi x.

CODEX 190. Fragmentum BOETHII Dialecticorum de Categoriis & Syllogismis.

### NOTA XCVIII.

ANICIUS MANLIUS SEVERINUS BOETHIUS sub Theodorico Italiæ Rege consulatum solus gessit Anno DX. cujus postea jussu cum SYMMACHO Socero VC. in carcerem conjectus, Ticini gloriosa morte occubuit die 23. Octobris, Anno Christi DXXIV. *LABBE. Dissert. Historica de Scriptor. Ecclesiast.*

CODEX 191. alt. 12. lat. 10. PORPHYRIUS de quinque Prædicamentis latinè. Liber Sæculi x. Scripturam refert.

CODEX 192. alt. 10. lat. 6½ CALCIDIUS Commentum in Platonem. Character Sæculum x. non recusat.

CODEX 185. *b.* Somnium Scipionis ex Marco Tullio.

CODEX 185. *e.* Collatio inter Libros Platonis & Ciceronis de Republica.

CODEX 185. *d.* Astronomica quædam incerti Autoris.

CODEX 193. alt. 10 $\frac{1}{2}$  lat. 8. MARTIANI MINEI FELICIS CAPELLÆ Libri duo de Nuptiis Philologiæ & Mercurii; ejusdem Libri VII. de Artibus Liberalibus, Glossæ interjectæ, Græcæ voces quadratæ & sine accentibus. Liber Sæculo IX. dignus.

CODEX 194. alt. 9. lat. 7. Idem antecedenti Exemplar, sed infelicioire charactere deforme. Ad Sæculum XI. pertinere credo.

### NOTA XCXIX.

Scriptor Madaurensis Afer Romæ circa 470. versabatur. Præclaram editionem hujus Libri adornavit GROTIUS V. C. Anno 1609. ex Officina Elzevirianâ; sed adhuc bene multa menda superesse GRONOVIIUS queritur. *FABRITIUS* L. III. *Biblioth. Latine* c. 15. & in *Bibliotheca media & infima Latinitatis*, verbo: Capella.

CODEX 195. alt. 9 $\frac{1}{2}$  lat. 6 $\frac{1}{2}$  Abbreviationes & Declarationes in Libros Physicorum & Metaphysicorum Aristotelis. Sæculi XVI.





# CLASSIS OCTAVA. RHETORES, GRAMMATICI.

CODEX 196. alt. 9. lat. 7. Uncias. Incipit Libellus *Proræ*, secundus Libellus vocatur *Puppis* ad ALBOLDUM Episcopum A...E. Servorum Dei humillimus Presbyter. Post Præfationem duo libelli Carmine Hexametro scripti varii Argumenti sacri, & profani, veri & fabulosi. Sæculi XIII.

CODEX 167. *b*. Ars Rhetorica. Liber in fine mutilus. VICTORINI Commentarius in Ciceronis Rhetorica.

CODEX 197. CICERONIS Rhetorica mutila in fine. Sæculi XVI. scriptura.

CODEX 198. alt. II. lat. 6½ Commentarii *in sex Libros Topicorum* CICERONIS, inscripti PATRITIO Rhetorum Dignissimo. Item *Philippicæ Ciceronis*, quæ videntur manu antiquiore scriptæ, Sæculi undecimi, at commentarius Sæculo XIII.

CODEX 199. Commentarius in Juvenalem, Lucanum, Macrobius. Sæculi XV. character.

CODEX 200. PRISCIANI Grammatici Cæsareensis Libri xv, minuto, sed eleganti quadrato charactere scripti, qualem Sæculo VIII. attribuas. In fine legis: Flavius Lucius Theodorus V. D. Memorialis Sacri Scrinii Epistolarum hunc librum manu suâ descripsit. In fronte libri habes: Liber MAURITII COMITIS DE SPIEGELBERG, Præpositi Embricensis.

### NOTA C.

Priscianus Cassiodoro coævus Sæculo sexto Christiano Constantinopoli ingenuas artes docebat: inter Libros permultos à PUTSCHIO, GESNERO, FABRITIO enumeratos scripsit Commentariorum Grammaticæ Latinæ Libros XVIII. Quantâ autem Veneratione hos Libros suscepit antiquitas, ex subjecta Libro subscriptione Theodori conjicere licet, cui similem refert *Baluzius Tomo II. Capitularium. pag. 1161. F. C. Theodosius V. D. Memorialis Sacri Scrinii Epistolarum, & Adjutor Quæstoris Sacri Palatii scripsi manu meâ artem Prisciani Viri Dilectissimi, Grammatici, Doctoris mei in Urbe Roma Constantinopoli, die V. Kal. Martias. Mavortio V. C. Consule Hanc ex Bibliothecâ Colbertinâ Ms. protulit Baluzius.*

*Similem ex Codice Ms. Joannæ Bibliothecæ Hamburgi profert Fabritius Bibliothecæ Latinæ Edition. 4ta Anni 1712. pag. 783. 784. Editus fuit Colonia Priscianus in folio Anno 1528.*

CODEX 201. altus  $9\frac{1}{2}$  latus 7. Idem Autor descriptus Sæculo xv.



CODEX 202. alt. 13. lat. 11½. Ejusdem Prisciani Grammaticæ Libri VIII. mutili in principio & fine. Codex Sæculi x. literæ græcæ quadratæ & citra accentus.

CODEX 203. Commentarius in Grammaticam Prisciani, mutilus in principio. Scriptus Sæculo xiv.

CODEX 57. *b.* Fragmentum habet parte sui extrema, de Metaplasmo, aliisve figuris Grammaticæ. Sæculo xii. fortè exarata.

CODEX 204. alt. 10. lat. 7½. Ars Grammatica incerti Autoris. Sæculum x. vel xi. manus attingit.

CODEX 19. *b.* Explanatio Latina quorundam Verborum.

CODEX 205. chartaceus. alt. 11. lat. 8. Dictionarium pauperum Clericorum, quo verba difficiliora Scripturæ, Etymologia, Grammatica explicatur. De Interpretatione, Orthographia, Accentibus varia adsparguntur.

CODEX 206. chartaceus. alt. 12. lat. 9½. Mammo-trectus cum duplici Prologo. In hoc Libro voces græcæ & latinæ Sacris Biblicis contentæ, Tironibus explicantur.

CODEX 207. Orationes quodlibeticæ in Facultate  
Artium

Artium Coloniae habitæ. Prima Anno 1483, quæ fuit JACOBI DE Stralen Vicecancellarii pro Salentino Isenburgico, ut in fine lego. Chartaceus est & ætatem indicat.

CODEX 208. Variæ Orationes habitæ in Promotionibus Universitatis Coloniensis. Liber Magistri nostri Henrici de Horfe.

Finis Indicis & Notarum ad Bibliothecam Metropolitanam, quæ superstes est Anno 1752.  
26. Maji.

A. M. D. O. M. G.





# INDEX ALPHABETICUS. AUTORUM, & TITULORUM,

*quando Autor Codicis latet.*



*Observe Lector, Librorum ordinem in hoc Catalogo institutum à materia Libris contenta desumptum fuisse: Materiam in Classes octo partiti sumus, 1. Biblia, 2. Patres, 3. Jus Ecclesiasticum, 4. Scriptores de Sacrificio, Sacramentis, & Officiis Ecclesiasticorum, quos Liturgicos appello. 5. Historicos, 6. Asceticos, 7. Scholasticos: 8. Philosophos, Rhetores, Grammaticos.*

*At, quum Bibliopegorum incuriâ eodem Codice nonnunquam materiæ ad diversas ex his octo Classibus pertinentes compactæ reperiantur; necessum fuit ejusdem Libri numeralem notam in plures subdividere, puta numerum 88, in 88. a, 88. b, 88 c, ut suam cujusvis Codicis materia ad Classsem referatur: rursus, quia 88. b, & 88. c. collocatæ sunt extra numerum generalem omnium Codicum, quem in hoc Indice sequemur, ab Imo ad CCVIII. (reapse CCIX. quia Codices duo eodem numero 78. signati aciem correctoris effugerunt) hinc ejusmodi Argumenti Libris reperiundis numerum paginæ adjiciemus. Vale.*

# INDEX

	Codice
Agenda mortuorum	118.
Africanæ Provinciæ Conciliorum Canones	115. 116. 117. 120.
ALCUINI Commentarius in Psalmos	106.
In Evangelium Joannis	107.
In idem	108.
In idem	109.
ALYPPI Epistolæ	Codd. 33. - 80.
<i>Alphonfi Boni hominis</i> , Ord Prædicatorum Translatio	
Latina Arabicæ Epistolæ Rabbi Samuelis	pag. 155. - 169. c.
S. AMBROSII Hexaameron	31.
Epistolæ & Sermo de Nabot	32.
Epistolæ	33.
In Pauli Epistolas Commentarius	34.
Idem	39.
Sermo in Hypapante	35.
Libri de Officiis	36.
Idem	37.
De fratris excessu.	
De fide resurrectionis.	
De pœnitentia, Libri duo.	
De Virginibus.	
De adhortatione Viduitatis.	
De Virginitate perpetua B. Mariæ	38.
<i>Anastasi</i> , Vitæ Romanorum Pontificum	pag. 139. - 139. c.
De animæ origine Libellus	147.



# ALPHABETICUS.

	Codice
SS. APOSTOLORUM Canones - Codd. 115, 116, 117, 120.	
In Apocalypsin Joannis Commentarius - - -	27.
Arithmetica - pag. 139. - - -	83. <i>c.</i>
<i>Aristotelis</i> Physicorum & Metaphysicorum abbreviatio- nes & declarationes - - -	195. <i>d.</i>
Astronomia - pag. 158. - - -	185.
S. AUGUSTINI, L. de Genesi ad Litteram. pag. 32. -	61. <i>a.</i>
L. III. de Consensu Evangelistarum - pag. 32. -	61. <i>b.</i>
Excerpta, in Catena PP. Psalmos interpretantium -	62.
In priores Psalmos quinquaginta - - -	63.
Enarrationes à Ps. 31. ad 50. - - -	64.
à Psalmo 51. ad 94. - - -	65.
à Psalmo 119. ad 130. - - -	66.
In tertiam partem Psalterii - - -	67.
Quæstiones in Matthæum, Lucam, Joannem -	68.
In Evangelium Joannis - - -	69.
Sermones de Verbis Domini, & alia excerpta ex S. Augustino - - -	70.
De Sermone in monte; de Agone Christiano -	71.
Tractatus in Epistol. S. Joannis - - -	72.
In Epistolam ad Romanos - - -	73.
L. IV. de Doctrina Christiana. Contra Manichæos	74.
De Civitate Dei Libri X. priores - - -	75.
De Disciplina Christiana L. I.	
Sermo in illud: Dimittite & dimittetur.	

S. AUGUSTINI L. I. de Sancta Virginitate.			
L. II. de Nuptiis & Concupiscentia.	-		76.
De Beata vita.			
De videndo Deo.			
De fide & operibus.			
De prædestinatione Dei.			
Contra Donatistas.			
Sermo de septies percussa.			
In Salutationem Epistolæ ad Romanos,			
Ad Simplicianum.			
Ad Dulcitium.	-	-	77.
De bono conjugali.			
De S. Virginitate.			
De Viduitate ad Julianam.			
De orando Deo, ad Probam.	-	-	78.
De spiritu & anima.			
De dignitate humanæ conditionis.			
De Verbo Dei & anima.	-	-	78.
Epistolæ.	-	-	33.
Iterum	-	-	80.
Basileensis Concilii fragmentum.	-	-	136.
BEDA in Parabolas Salomonis.	-	-	105.
In Epistolas Pauli.	-	-	104.
In Epistolam ad Romanos.	-	-	73.
De natura temporum.			



# ALPHABETICUS.

Codice

BEDA de sex mundi ætatibus.

De Natura rerum.

De Tonitruis.

Argumenta Lunæ

102.

De Computo. pag. 139.

83. c.

BIBLIA Sæculi noni.

1.

BIBLIA Sæculi XIII.

2.

*Boccaccius* de Viris Illustribus, & Mulieribus Claris

168.

*Boethii* Arithmetica. pag. 156.

83. a.

Eadem : paginâ eadem

185. a.

Eadem

186.

Musicæ Libi II.

Et Commentarius in Porphyrium

187.

Idem Commentarius

188.

In Porphyrium & Librum Aristotelis de Interpretatione

189.

Dialecticæ Boethii fragmentum

190.

S. CÆLESTINI PP. Epistolæ

80.

S. CÆSARII Arelatensis Homiliæ. pag. 45.

35. c.

*Calcidii* Commentarius in Platonem

192.

Canones antiqui *pænitentiales* vario loco, tempore,

pro variis Ecclesiis. Codd. 117. b. c. 118. 121. 122. 123. 91. b. 124.

Canones Conciliorum: vide: Synodi.

Canon Missæ cum Præfationibus

149.

Idem

150.

Y

Idem

# INDEX

	Codice
Idem cum præparatione Sacerdotis	151.
Capitularia Regum Francorum	124.
<i>Cassiodori</i> Commentarius in Psalmos	62.
De Tractatoribus Scripturarum.	73.
Excerpta ex Augustino & Prospero in Epistolam ad Romanos	73.
Orthographia	83.
<i>Censorinus</i> de Die Natali	166.
<i>Cicero</i> Somnium Scipionis. p. 157.	185. b.
Rhetorica Opera cum Commentario Victorini. p. 159.	167. b.
Iterum	197.
Ciceronis & Platonis de Republicâ librorum collatio. pag. 151.	185. c.
In Ciceronis Topica comment.	198.
Chronologica Doctrina. p. 139.	83. c.
<i>Coloniensis Ecclesiæ Statuta.</i>	Cod. 132, 133. 134.
Concilia: vide: Synodi,	
Constantiensis Concilii fragmentum	136.
In Daniele Commentarius	10.
Decretales Pontificum ante Isidorianæ à DAMASO ad HADRIANUM.	113.
Decretales Pontificum à SIRICIO ad GREGOR. II.	115.
Decretales Pontificum à SIRICIO ad GELASIVM	120.
Decretales Pontificum Isidorianæ à S. CLEMENTE I. ad Gregorium.	114.
	Decre-



# ALPHABETICUS.

	Codice
Decretalium GREGORII IX. Libri V.	130, 131.
Dictionarium pauperum Clericorum	205.
DIONYSII Areopagitæ Libri:	
De Cœlesti Hierarchia.	
De Divinis Nominibus.	
De Ecclesiastica Hierarchia.	
De Mystica Theologia	30.
<i>Dionysii</i> Exigui Abbatis	
De Annis communibus & embolimæis	83.
Cycli novem decemnales XXVII. ab anno 532,	
ad annum 1044. p.140.	102.
Directorium Colonienſe Officii & Miſſarum	153.
Directorium Rubricarum, ſeu Ordinarius Majoris	
Eccleſiæ Colon.	154.
De Eccleſiaſticis Ordinibus L. XX.	119.
Eremitarum, ſeu Veterum Patrum Apophthegmata	
Græca. Liber Sæculi VII.	165.
In Eſdram Commentarius	11.
EVANGELIA quatuor Sæculi VIII. cum Concordantiis	12.
Similis Liber cum multis Iconibus Sæculi VIII.	13. 14.
In Evangelia & Epistolæ per annum Commentarius	15.
Evangelii ſecundum Matthæum explanatio	16.
Alia in idem	18.
Alia in idem	19.
In Evangelium Marci comment.	20.
In Evangelium ſecundum Joannem	17.
Y 2	Evan-

# INDEX

	Codice
Evangeliorum de circulo anni Capitulare seu Index singularis. pag. 122. - -	87. <i>a</i> .
Simile Capitulare Evangeliorum. p. 122. -	14. <i>b</i> .
Evangelarius : quo continentur Evangelia per anni circulum - - - -	144.
Similis Codex - - - -	145.
EUCHERII Lugdunensis Libri duo Quæstionum Veteris & Novi Testamenti. pag. 45. - -	82. <i>b</i> .
In Ezechielem Commentator seu Glossator ordinar. -	10.
Galliæ Provinciarum Catalogus Sæculi VII. p. 138. -	106. <i>b</i> .
Geometrica quædam. pag. 139. - - -	85. <i>c</i> .
Glossa Latina in Genesin Lib. XIII. - - -	3.
Linearis & marginalis in Genesin - -	4.
Glossa interlinearis & marginalis	
In Proverbia & Ecclesiasten - -	6.
In Marcum. - - - -	21.
In Lucam - - - -	22.
In Joannem - - - -	23.
In Actus Apostolorum , Epistolas Jacobi , Petri I. & II. Johannis I. II. III. Judæ & Apocalypsin.	
In omnes Pauli Epistolas - -	26.
Goffridi de Trano Domini Papæ Subdiaconi & Capellani Summa super Titulum Decretalium - -	135.
Grammatica Anonyma - - -	204.
Gratiani Decretum - - Cod. 127. 128. 129.	
	<i>Gri-</i>



# ALPHABETICUS.

	Codice
<i>Gregorii</i> Cardinalis S. Chryfogoni L. VII. Canonum	126.
<i>Grimoldi Abbatis</i> Liber Sacramentorum	137.
<b>S. GREGORII PP.</b> Magni Moraliū in Jobum	
Pars prima & secunda	84.
Homiliæ in Evangelia	85. Iterum 86.
Liber Sacramentorum	87. Iterum 88.
Tertium Exemplar simile	137.
Liber Pastoralis	89.
Dialogi & Liber Regulæ Pastoralis	90.
Registrum Epistolarum Lib. XII.	91.
Idem	92. 93. 94. & 95.
<b>HADRIANI PP.</b> Capitula data Angilramo Metensi	124.
<b>HAYMO.</b> Expositio Apocalypseos	111.
<i>Henrici de Langensteyn</i> dicti de Hassia, Epistola de Modestâ Prælatorum. pag. 154.	169. b.
<b>S. HIERONYMI</b> Commentarius in Jobum, Tobiam, Judith, Esther, Esdram	43.
In Libb. Paralippomenon	44.
In Psalterium	45.
In Catena Latina Psalterii	62.
In Ecclesiasten	46.
In Isaiam	47. 48. 49.
In Jeremiam	49. 50.
In Ezechielem	51.
In Zachariam & Minores Prophetas.	52. 53. 54. 55.
Interpretatio Evangeliorum	56.
<b>Z</b>	<b>S. HIE-</b>

# INDEX

	Codice
S. HIERON. Expositio in Matthæum	57.
In Epistolas ad Ephesios, Titum, Philemonem	58.
Epistolæ	59. 60. 35. b. c. pag. 31.
Contra Jovinianum. pag. 31.	31. b.
S. HILARIUS. Commentarius Psalmi CXVIII.	29.
<i>Hilarii</i> ad Augustinum Epistol.	80.
Historica notata ab anno 778. ad 1027. pag. 142.	102. a.
Homiliæ in Evangelia per annum	175.
De Imperii Romani Prærogativis Tractatus. p. 146.	136. c.
Imperatorum Catalogus ab Augusto ad Justinum. p. 139.	32. b.
S. JOANNIS CHRYSOSTOMI Epistolæ. Cod. 33.	42.
Homiliæ in Matthæum	40.
In Epistolam ad Hebræos	41.
<i>Joannes Hildenesheimensis</i> de Tribus Regibus Coloniam	
translati	169.
<i>Joannis Levite</i> Vita S. Gregorii M. pag. 51.	69. a.
<i>Joannis</i> de Segobia Sermones Sacri	176.
<i>Jona</i> Aurelianensis Episcopi Libri III.	184.
<i>Ilavii Josephi</i> Antiquitatum Judaicarum	
Libri XIII. priores	162.
Libri VII. posteriores & de Bello Judaico	163.
<i>Jordani</i> Magistri Tractatus de Prærogativis Romani	
Imperii. pag. 146.	136. c.
S. ISIDORI Hispalensis in Pentateuchum, Josnam,	
Lib. Judicum, primum, secundum Regum	98.
Proœmia V. & N. Testamenti	99.
	S. ISI-



# ALPHABETICUS.

	Codice
S. ISIDORI de Summo Bono & diversis Documentis.	100.
De Divinis Officiis - - -	101.
<i>Isidori</i> Junioris Chronica. pag. 53. & 139. -	83. b.
In Juvenalem Commentarius - -	199.
Kalendaria antiqua Codd. pag. 140. 45. b. 103. b. 88. b.	
154. 102. a. pag. 139. Cod. 138. b. 83. c. 146. p. 145.	143. b.
Kalendarium Leodiensis Ecclesiæ - -	157.
Lectiarius Sæculi X. pag. 122. - -	87. a.
Lectiarius Ecclesiæ Colonienfis - -	143.
Lectionum per Dominicas & Festa habendarum Capitula	146.
Litania Colonienfis anni 990. - - -	137.
Litania Romano - Francica anno 800. - -	138.
Litania pervetusta. pag. 126. - - -	88. a.
Similis. pag. 138. Cod. 106. b. pag. 139.	146. b.
Lunationum & Epactarum Tabula, pag. 139. Cod. 138. b.	
pag. 145. cod. 146.	
In Lucanum Commentarius - - -	199.
Mammotrectus - - -	206.
In Macrobius Commentarius - - -	199.
<i>Martiani Capella</i> L. II. de Nuptiis Philologiæ & Mer-	
curii - - -	193. 194.
Missale Colonienfe Sæculi XIV. Pars Hiemalis. -	147.
Pars Æstiva - - -	148.
Missalis fragmenta varia - - -	88. a. 151. 152.
Missale aliud - - -	155.
Missale Leodiense - - -	157.
Z 2	Missæ

# INDEX

	Codice
Missæ de Karolo M. & Officium. pag. 146.	136. b.
Ad Missam Præparatio, Confessio Sacerdotis. p. 126.	88. b. c.
Iterum - - - - -	151.
De Officio Missæ collecta in Universit. Lipsiensi. p. 151.	136. b.
Orationes quodlibeticæ Facult. AA. Colon.	207.
Orationes habitæ in Promotionibus Universitatis Colon.	208.
ORIGENIS Homiliæ in V. Testamentum - -	28.
Ordo Romanus - - - - -	138.
De Ordinibus Ecclesiasticis Lib. XX. - -	119.
Parabolæ Salomonis, & Ecclesiastes glossati -	6.
<i>Paschasius Ratbertus</i> de Sacramento Corporis & Sanguinis D. N. J. Christi. pag. 57. - -	71. b.
S. PATERII Excerpta ex Libris S. Gregorii Magni pag. 51. cod. 96. b. 97. 82. a.	
<i>Petri Alphonsi</i> contra <i>Mosem Judæum</i> Dissertatio. p. 156.	79. c.
<i>Petrus Blesensis</i> in Jobum. pag. 62. - -	78. b.
<i>Petri Lombardi</i> Episcopi Parisini L. IV. Sententiarum.	
- - - - -	179. 180. 181.
<i>Petri Magistri</i> Cancellarii Carnutensis Manuale. p. 151.	136. d.
<i>Petrus</i> Tripolitanæ Provinciæ Abbas - -	73.
Pontificale Colonienſe Sæculi XI. - -	139.
Pontificale Colonienſe cum notis musicis. -	140.
Pontificale Remenſe Sæculi noni - -	141.
<i>Porphyrius</i> de V. Prædicamentis. Latinè - -	191.
<i>Boethius</i> in <i>Porphyrium</i> - - - -	187. 188. 189.
<i>Prisciani</i> Grammatica. - - - -	200. 201. 202.
	Com-



# ALPHABETICUS.

	Codice
Commentarius in Priscianum	203.
Prisciani Grammaticæ fragmentum. pag. 161.	57. b.
Præra & Puppis Liber Carminum	196.
S. PROSPER de Gratia & Libero Arbitrio,	
De eo, quòd Deus vult omnes salvos fieri.	
Responsiones ad Capitula Gallorum,	
Ad Vincentii Objectiones.	
Ad Scripta è Genuensi Civitate	79.
PRUDENTII Carmina	81.
Psalterium Gallicanum Romanum Hebraicum Græcum seu Tetraplum	8.
Psalterium cum Glossa interlineari & marginali ordinaria	Codd. 5. 7.
Psalterii Commentarius à Psalmo CIX. ad finem	9.
RHABANI MAURI L. III. de Institutione Clericorum	110.
Decreta & Canones ab eo collecti	118.
REMIGIUS in Psalmos	62.
De Regum Trium Gestis & Translatione	169.
<i>Rheginonis</i> Interrogatorium pro visitanda Diocesi	124.
Rhetorica Latina Anonyma. pag. 159.	167. b.
<i>Rupertus Abbas</i> de Glorificatione Ss. Trinitatis	112.
Scintillarum Liber Moratus	173. 174.
Sermones Sacri Ascetici	
De Lazaro.	
De Festivitate Omnium Sanctorum.	
Dominicales per Quadragesimam.	
De Ascensione B. Mariæ.	
De Natali S. Augustini.	
De Superbia & Idolis.	
Excerpti diversi PP. in dies Festos anni.	
De Apparitione S. Michaelis vide pag. 149. & diversos Codices,	
in quibus reperiuntur Sermones in Dominicas & Festas	
dies anni	127.
Per Dominicas & Festa habiti ab 1490. ad 1506.	177.
In varia Scripturæ loca	178.
SYNODI & CANONES in iis sanciti.	
Synodi Ancyranæ Canones	115. 117. A. 120.
Antiochenæ	115. 116. 117. A. 120.
	Synodi

# INDEX ALPHABETICUS.

	Codice
Synodi Aquensis. anni 836.	125.
Chalcedonenſis	115. 116. 117. a. 120.
Coloniensis ab anno 126.	Codd. 132. 133. 134.
Constantinopolitanæ I.	115. 116. 117. a. 120.
Carthaginenſis	115. 116. 117. a. 120.
Gangrenſis	115. 116. 117. a. 120.
Neocaſariensis	115. 116. 117. a. 120.
Nicænæ I.	115. 116. 117. a. 120.
Laodicænæ Phrygiæ	115. 116. 117. a. 120.
Sardicenis	115. 116. 117. a. 120.
Ticinenſis Anno 868. inedita pag. 65.	117. d.
Wormatiensis Anno 868.	118.
Thomæ de Hybernia Manipulus Florum	182.
Ordo viſitandi & ungendi infirmum	142.
Vita S. Martini	84. b.
S. Jacobi Majoris, Simonis, Judæ, Bartholomæi, Matthæi,	
• Jacobi Minoris, Thebæorum Martyrum, Franciſci, Alexii	167.
Fratres Rogerii. pag. 146.	79. a.
Karoli Magni. pag. 146.	136. b.
Wilhelmi Burgundi Ord. Prædicatorum Summa de Vitiis	154.

*Finis Indicis.*

A. M. D. G.

Enat, pag. 3. Præf. lin. ult. plures leg. plura.











SPECIAL

87-B  
21688

over

